

ŊICWOFUŊ JAŊERE PAPIA QIZEC I à II

ŊICWOFUŊ jaŋere papia I à II irec maŋnao Israe à Judaŋic erà ŋicwofuŋfâc-ŋeŋic juwejumbiŋ jaŋere dân à binàŋ qàreŋkekiecne fokac. Erà ŋonderŋnao porofete jajahec, Elia à Elisa, jahere binàŋ i màmâc bahuc ràekieci. (Ŋicwofuŋ I, gaŋ 17-19 à 21, erà Ŋicwofuŋ II, gaŋ 1-9.)

Ŋicwofuŋ I à II i bâfâuŋkepene dâkâne sâko jahec à moc fuakac.

Dâkâne namba 1 i Ŋicwofuŋ I, gaŋ 1-11.

Dâkâne namba 2 i Ŋicwofuŋ I, gaŋ 12 - Ŋicwofuŋ II, gaŋ 17.

Dâkâne namba 3 i ine Ŋicwofuŋ II, gaŋ 18-25.

Dâkâne namba 1 irec maŋnao gaŋ 1 - gaŋ 2:11 ira Dawidire dân gâcne erà hâmoc-ticnere binàŋ fokac. Gaŋ 2:12 - gaŋ 11 ira ine ŋicwofuŋ Salomo ere binàŋ qàreŋkekiecne fokac. Salomo e ŋic mamana sâkoheci ŋicwofuŋ gie-ticne bame weniguc ewec, erà Jerusalem haeo Wofuŋte taha ufuŋ bawec (gaŋ 6-8) irec binàŋ mecne, erà wiac gâcne ebac eme Wofuŋzi maname sâqorewec irec dân i màmâc qàreŋkekiecne. Gie-ticnere dân qizecne moc gaŋ 2:12 ira kecziŋuc ràekieci fokac: "Eme Salomo e mamac-ticne Dawidire ŋeŋeo ŋehame uucmaŋ-ticne sanàŋ qanqarŋe fowec."

Dâkâne namba 2 ira ine Israe ŋic jaŋere uucmaŋ fowefukume fâfâuŋ sâko fuame uucmaŋ jajahec epic, irec dân fokac. Uucmaŋ jajahec ine moc i Israe ŋicguru 10 jaŋere uucmaŋ, à moc ine Juda à Benjamiŋ ŋicguru jaŋere uucmaŋ, iŋuc fuawec. Ehame Israe ŋicguru 10 jaŋere uucmaŋ i fowefuku jara dameŋ 721 B.C. ira omaewec, irec dân i màmâc fokâc.

Dâkâne namba 3 irec maŋnao ine Juda ŋicguru jaŋere uucmaŋte binàŋ fokac. Eme binàŋ i bawareku, Jerusalem hae qizec-ŋeŋic hetâc qâtâtiekieci à Juda ŋicguru jaŋe Anutuzi manahame hehesic-ŋeŋicte erà Babilonia mârêŋko bacjopa rakieci ira batarakieci. Wiac i jara dameŋ 586 B.C. ira fuawec.

ŊICWOFUŊ papia I à II irec maŋnao Israe à Juda ŋicguru jaŋere ŋicwofuŋfâc tuczi tuc juwefuhuc Anuture maio juju à gie-ŋeŋic weniguc ebac epie Wofuŋzi jambuŋ-jopawec me bâtiŋ-jopawec, dân i mutaniŋkehuc mufua-nâre-fârekieci hâcne.

ŊICWOFUŊ I

Abisagazi Dawidi kiŋaŋ qacnehuc juwec

1 Ŋicwofuŋ Dawidi e jara bocjaha bazurâ ŋicqizec jâmbân ewec. Ehame sa hac-ticne qoruc wiaczi foŋke-bipiehapie sifu mi hârôŋkewec.
² Iŋuc eme ŋicwofuŋte kiŋaŋ qa qafâc jaŋe ziŋuc âzâcnembiŋ: "Ŋicwofuŋ-nâŋec, nâŋe naru zeŋoŋ moc bâfua-garepene maŋfunggao juhuc kiŋaŋ qagarezejec. Ehuc ŋafeo me faigao fohuc hehârôŋguzejec."
³ Jaŋe iŋuc muhuc Israe hae mârêŋ sâc naru sa hac hawari biaŋ moc bâfuanigte babasa gie bambiŋ. Ehuc Sunami mârêŋkonec naru moc zâŋene Abisaga bâfuarâ ŋicwofuŋtao bafisimbiŋ.
⁴ Naru e sa hac hawari-ticne biaŋne jâmbân. E ŋicwofuŋ jaŋŋkehuc kiŋaŋ qacnewec, à ŋowe ŋonân juju ine mi jupic.

Adonia e mamac-ticne rāsi ecnehuc ŋicwofuŋ ɲeɲe rauckeocte fotariewec

⁵ Eme Hagitire ɲokâ zâɲene Adonia, e sahaç fefe ehuc zɲɲuc muwec: "No ŋicwofuŋ ezepac!" ɲɲuc muhuc keretac â becâsicko rara ɲic rocjopahuc kiɲaŋ qaqaçâc-ticne 50 maŋfuŋ-ticnao juniŋte rocjopawec wâc.

⁶ Mamac-ticnezi ine damen ira me ira zɲɲuc wiocnehuc mu bâtiŋ moc mi ecnewec, "Go wemocte ɲuc ekomec?" Eme ɲic e sahaç hawari-ticne biaɲne jâmbâŋ. E Abisalom fuame faicnao fuawec. ⁷ ɲic e Zerujare ɲokâ Joabe â taha bapa Abiata jahehec dâŋ muc manac embiŋ, ehame jahe dâŋ-ticne dopekepic. ⁸ Â taha bapa Zadoko â Jojadare ɲokâ Benaja â porofete Nataŋ, erâ Simeï â Rei â Dawidire momori fuŋfuŋfâc, ɲic tâpiri sâkohec hâcne, jaɲe ine Adonia erao mi zuhuckembiŋ.

⁹ Eme Adonia e lama bulimakao ɲicne â bulimakao wokemaŋ sâkohec rocjoparâ qoruc qaqaçac ɲic ere opâ herirignaŋ qâna sâko moc ɲewec zâɲene Sohelete,* ira taha bâzi rikewec. Ehuc ŋicwofuŋte ɲokâfâc, qafâcne sasawa hâcne, erâ Judaniç gâcne ŋicwofuŋ kiɲaŋ qacnembiŋ jaɲe mâmâc hefârec-jopawec. ¹⁰ Porofete Nataŋ â Benaja â ŋicwofuŋte momori fuŋfuŋfâc erâ hahac-ticne Salomo jaɲe ine mi hefârec-jopawec.

¹¹ Eme Nataŋ e Salomoro nengoc Batiseba zɲɲuc wiocnewec: "Hagitire ɲokâ Adonia e bombon-ɲaŋec Dawidizi kâuc bahame biac ŋicwofuŋ ejec, i goki moc manamec me? ¹² Irec zi hazec râec, go gahacne â ɲokâge Salomo ɲohere juju wenɲuc erâ ɲezickecmu irec dâŋ moc gazape. ¹³ Ajoc, go zɲɲuczia ŋicwofuŋ Dawidiraŋ rarâ zɲɲuc âzâcnec: 'Ŋicwofuŋ-nane, go mâraç jaha kiɲaŋ naruge no dâŋ zɲɲuc mupaŋke-naremen i: "No râriehape ɲokâge Salomozï âkehocnurâ ŋicwofuŋ ɲeɲeo ɲezejec." Eme zi fuŋne wenɲucte Adoniazï ŋicwofuŋ ejec?" ¹⁴ Erâ manac, go ŋicwofuŋhec dâŋ muc manac ehuc juhapire jaha no fisirâ dâŋge dopeckehuc binaŋ gâcne zuhuckerâ bape taraocmu."

¹⁵ ɲɲuc âzâcneme Batiseba e ŋicwofuŋ juwec ficmaŋ ira raɲiwec. Ŋicwofuŋ e ine ɲicqizec jâmbâŋ ewecte Sunami ɲokac Abisagazi kiɲaŋ qacnehuc juwec. ¹⁶ Ehame Batiseba e ŋicwofuŋte maïo fodaperâ zâɲe mai-ticne mârenko hetutuckeme ŋicwofuŋzi wiocnehuc muwec: "Go wemo wiacte warekomec?" ¹⁷ Wiocneme dâŋ zɲɲuc bâtikiecnawec: "O bombon-nane, go Wofuŋ Anutugere maïo kiɲaŋ naruge no zɲɲuc mupaŋke-naremen: 'No râriehape ɲokâge Salomozï âkehocnurâ ŋicwofuŋ ɲeɲeo ɲezejec!'" ¹⁸ Ŋicwofuŋ-nane, zi ine mi manahuc juhanfec mi Adoniazï ŋicwofuŋ ezejec i! ¹⁹ Ehuc bulimakao ɲicne gâcne â bulimakao wokemaŋ sâkohec erâ lama wiac guru sâko rocjoparâ taha bâzi rikewec. Ehuc ŋicwofuŋ gore ɲokâfâc sasawa erâ taha bapa Abiata â momori jaɲere micne Joabe hefârec-jopahuc kiɲaŋɲicge Salomo ine mi hefârewec. ²⁰ ɲɲuc ewecte Israe ɲic sasawa jaɲe ŋicwofuŋ-nane gorao zâɲe fifârengopien. Go râriehanfec mozi ŋicwofuŋ juocmu i mufua-jarecmurâ wogec juŋgopien hâcne. ²¹ Erâ ŋicwofuŋ-nane, juku zɲɲuc fuazacte hâwicnukac: Go mamacfâcge jaɲeraŋ zuhuckehuc hâmorâ zâɲerunko fohanfec no â ɲokâ-nane nâhe kiɲhec ezipectohec."

²² Eme Batiseba e ŋicwofuŋhec dâŋ dâŋ ehuc domahame porofete Nataŋzi fisiwec. ²³ Fisime ŋicwofuŋ zɲɲuc âzâcnembiŋ: "Manakic, porofete Nataŋ e warejec domakac." Eme porofete e ŋicwofuŋte maïo fuarâ zâɲe mai-ticne mârenko hetutuckewec. ²⁴ Erâ ŋicwofuŋ zɲɲuc wiocnewec: "O

*Nâɲâcne dâŋko: Homa Qâna.

ŋicwofuŋ, go gahac mutec Adoniasi âkehocgurâ ŋicwofuŋ gie bakac me weniguc? ²⁵ E miŋecgac hâcne hurâ bulimakao ŋicne gâcne â bulimakao wokemaŋ sâkohec erâ lama wiac guru sâko rocjopajec i taha bâzi rikekac. Ehuc ŋicwofuŋ gore ŋokâfâc sasawa â momori jaŋere micne erâ wâc taha bapa Abiata mâmâc hefârec-jopame jaŋe ehec tiwâ bâzi â opâ wiac nâŋ-gopieŋ, erâ owackehuc zŋuc mungopieŋ: 'Ŋicwofuŋ Adonia e dameŋ zora jurazihuc juzejec.' ²⁶ Kiŋaŋŋicge no â taha bapa Zadoko â Jojadare ŋokâ Benaja erâ kiŋaŋŋicge Salomo nâŋe ine mi hefârec-nâpojec. ²⁷ Eme ŋicwofuŋ-nane, go mozi âkehocgurâ ŋicwofuŋ gie baocmu i kiŋaŋŋicfâcge nâŋe kâuc bahuc juhapene go gahac manatec wiac zi fuajec me weniguc?"

²⁸ Porofete e dâŋ iguc mume ŋicwofuŋ Dawidizi manarâ zŋuc muwec: "Batiseba wiracnepie wareoc!" Eme e warerâ ŋicwofuŋte maio domawec.

²⁹ Ehame ŋicwofuŋzi zŋuc âzâcnewec: "Wofuŋ e jujâmbâŋkekekacte zârâ hâriŋ fuŋne fuŋne irecnec bataracnu-fârewec. ³⁰ Eme no Wofuŋ Israere Anutu hâcne ere maio zŋuc mujomire-garepo: 'Ŋokâge Salomo e juku âkehocnurâ ŋicwofuŋ gie rauckezejec.' Iguc mupore miŋecgac mupe fârine fua-jâmbâŋkeocmu." ³¹ Mume Batiseba e fodapecnerâ zâŋe mai-ticne mâreŋko hetutuckehuc zŋuc muwec: "Ŋicwofuŋ-nane Dawidi go dameŋ zora jurazihuc juzemec!"

³² Eme ŋicwofuŋ Dawidizi zŋuc muwec: "Ŋoŋe taha bapa Zadoko â porofete Nataŋ erâ Jojadare ŋokâ Benaja wira-jarepie warenzepieŋ." Iguc mume wira-jarepie ŋicwofuŋte maio ware fuambij. ³³ Eme ŋicwofuŋzi zŋuc jazawec: "Ŋoŋe kiŋaŋŋicfâc-nane fekicne rocjopapie ware bafic-ŋopahuc ŋokâ-nane Salomo nore dongi faio râerâ Gihon opâ bahunzepieŋ. ³⁴ Eme taha bapa Zadoko â porofete Nataŋ jahe wokemaŋ ruacnepie Israe ŋic jaŋere ŋicwofuŋ ezejec. Ehame qeŋ qahuc zŋuc munzepieŋ: 'Ŋicwofuŋ Salomo e jurazihuc juzejec!' ³⁵ Iguc efârerâ jowa wefupie eki âkehocnurâ ŋicwofuŋ ŋeŋe-naneo ŋehuc Israe ŋic guriŋ bajarezejec. E Israe â Juda ŋic-guru jaŋere micne sâko eocte mutarakopac hâcne." ³⁶ Eme Jojadare ŋokâ Benajazi ŋicwofuŋ dâŋ zŋuc bâtikiecnawec: "Iguc hâcne fuazejec! Ehame ŋicwofuŋ-nane gore Wofuŋ Anutuzi mume sanâŋkezejec! ³⁷ Ehuc ŋicwofuŋ-nane go dope hutuŋ egarehuc juwec iguc jaha Salomo ecnezejec. Ehuc ŋicwofuŋ juju-ticnere zâŋe bige bâsokame ŋicwofuŋ-nane Dawidi gore zâŋe bige sirickezejec."

³⁸ Eme taha bapa Zadoko â porofete Nataŋ â Jojadare ŋokâ Benaja erâ Kereti â Peleti momori guru jaŋe Salomo ŋicwofuŋ Dawidire dongi faio râerâ Gihon opâ bahumbij. ³⁹ Eme taha bapa Zadoko e bulimakao zuŋeo wokemaŋ opâ qapie hurâ domawec i Wofuŋte qoruc bozeonec rorâ Salomo ruacnewec. Ehame qeŋ qahapie ŋic ŋokac sasawa jaŋe owackehuc dâŋ kecziŋuc mumbij: "Ŋicwofuŋ Salomo e jurazihuc juzejec!" ⁴⁰ Tame ŋic ŋokac sasawa jaŋe hehâckerâ Salomo bâjâpehuc risiembij. Erâ zeri bari ehuc gae wopie kike fânâŋ-jeŋicte erâ mâreŋzi qiqiteckewec.

⁴¹ Eme Adonia e jahacne â tiwâ zepecte hefârec-jopawec jaŋe nânâ nâfârehuc fânâŋ i manambij. Â Joabe e qeŋfânâŋ manarâ zŋuc muwec: "Haeo ojowa sâko fuakac i fuŋne wenigucte?" ⁴² E dâŋ iguc muha muhame izia taha bapa Abiatare ŋokâ Jonatanzi fisiwec. Fisime Adoniasi zŋuc âzâcnewec: "Warec, ŋic fârine go, bigedâŋ bianne moc mēcne bafisikic."

⁴³ Iguc mume Jonatanzi Adonia dâŋ zŋuc bâtikiecnawec: Aricne, no bigedâŋ zŋuc bawarekopac: "Ŋicwofuŋ-nâŋec Dawidi e Salomo ŋicwofuŋ juocte âkendâŋnejec. ⁴⁴ Ehuc taha bapa Zadoko â porofete Nataŋ â

Joadare ŋokâ Benaja erâ Kereti â Peleti momori ejareme ŋicwofuŋte doggi faio râembienj. ⁴⁵ Eme taha bapa Zadoko â porofete Natan jahe ŋicwofuŋ eocte Gihon opâo wokemaŋ ruacnepirec. Inuc epire tarama irecnec zeri bari ehuc wefurâ hae sâkoo ojowa sâko epie fânân-jenŋic manambienj hâcne. ⁴⁶ Erâ i sawa mâcne, Salomo e zi biac ŋicwofuŋ ŋeŋeo ŋekac. ⁴⁷ Eme ŋicwofuŋ kiŋaŋŋicfâc-ticne fekicne jaŋe ŋicwofuŋ-nâŋec Dawidi bubianj dân âzâcneniŋte erao fisihuc ziŋuc âzâcnembienj: 'Anutugezi Salomore zâŋe biŋe bâsokame gahacne zâŋe biŋe sirickezejec, â guriŋ bapa gie-ticne basanaŋkeme gahacne jâuruzejec.' Inuc mupie ŋicwofuŋ e fofot-cticnao ŋehuc fodape-jarejec. ⁴⁸ Erâ wâc dân ziŋuc jazajec: 'Wofuŋ Israere Anutu e mumbiankezo. Eki hâcne mana-nareme soctofafâc-nane jaŋe-raonec moczi zâŋe-nanezi honehape âkehocnuhuc ŋicwofuŋ ŋeŋe-naneo ŋekac.'"

⁴⁹ Eme Adoniasi hefârec-jopawec jaŋe dân i manarâ fâfâre sâqorehuc faharerâ sigsaŋ qafârembiŋ. ⁵⁰ Ehamo Adoniasi Salomore hâwickewec. Irec faharerâ ra alata zuŋenaŋ menezi hehawickewec. ⁵¹ Eme ŋic gâcnezi Salomoraŋ fisirâ ziŋuc âzâcnembienj: "Manakic, Adonia e ŋicwofuŋ Salomo gore hâwickeme alata zuŋenaŋ hehawickehuc ziŋuc mukac: 'Ŋicwofuŋ Salomo e zikazi kiŋaŋŋic-ticne no mi qâhâmocnuocte mujomire-narezejec.'" ⁵² Eme Salomozi muwec: "Ŋic e siocmâc juocmuo saha-ticne moc mi bâuwapemu. Wiac hehesic moc ebac eocmuo ine hâmozejec." ⁵³ Ŋicwofuŋ Salomo e inuc murâ ŋic sorec-jopame ra Adonia alataonec rorâ jowa warembienj. Eme ŋicwofuŋte maio fuarâ fodapecneme Salomozi ziŋuc âzâcnewec: "Sâcne, figao rac."

Dawidizi Salomo mu ketenj ecnewec

2 Eme Dawidi hâmoc damen-ticne qândânkewecte ŋokâ-ticne Salomo unđânj kecziŋuc âzâcnewec: ² "Mâreŋ sâc ŋic nânâc hâmonaŋte mukicnere zi hâmoc damen-nane maickekac wâc. Irec go sananŋerâ ŋic fârine juzemec. ³ Ehuc Wofuŋ Anutugezi wiac mutâcne-gareekac i reŋke-fârezemec, erâ hata-ticnao âte rahuc dânsanâŋ â sâcmutâc â mumutâc erâ mumutanij dân, Mosere sâcmutâc dânko qâreŋke-fârekicne fokac i ninic jaha reŋke-fârezemec. Inuc ecmuo ine wiac sasawa ebac etec fârio qaocmu â ira me ira rahuc mi bititiecmu. ⁴ Ehamo Wofuŋ e no dân ziŋuc mupanŋe-narewec irec fârine bâfuaocmu: 'Ŋokâfâcge jaŋe hata-jenŋic sonanŋehuc nore maio zoqac erâ aimuŋ â siocmâc jufâreniŋmuo ine noni mupe Israe kikefuŋte ŋicwofuŋ ŋeŋeo ŋic moc mi basa-jâmbânŋeniŋmu.'

⁵ "Eme Zerujare ŋokâ Joabe e wiac gâgâpâcne moc enarewec i goki wâc manakic. E Israere momori guru jaŋere micne jahec Nerare ŋokâ Abene â Jeterare ŋokâ Amasa jahe kosa jofahuc wama damenŋo zika qaqa gie bame socjekiczi umbika-ticne â kikehuhu-ticne ruacnewec. ⁶ Go manqârâŋ fogarekac irec sâc ehuc ŋic janqânheh keci akicketec wama faio mi hâmozejec. ⁷ Â Gileade ŋic Barizilai ere ŋokâfâc ine ehâmo-jarehuc juzemec, ehuc mana-jarehanŋtec gore teboo nânâ nâhuc junzepeienj. Manakic, no hahacge Abisalomte hâwicneme wisehuc juhape jaŋe hâcne âgo enarembienj. ⁸ Erâ manac, Gerare ŋokâ Simei e gohec jukac wâc, e Benjamij mâreŋko Bahurim hae ŋekac irecnec. No Mahanaim haec razo ehape damenj ira eki hâcne mâretec sâwecnuwec. Eme irec faicnao nohec bâbâ-

fuac enacte Jordañ opâo hufâme no Wofunŋe maio zĩŋuc mupaŋkecnepo: 'No zikare micko mi râecgupemu.' ⁹Ŋic e ine akicketec mi juzejec. Go ŋic maŋqârâŋhec jukicte wenĩŋuc ecnetec sâckeocmu i gahac manakic. E jaŋqârâŋhec erâ sifu qatec soc ruahuc hâmozejec."

Dawidi hâmowec

(Bin I, 29: 26-30)

¹⁰ Eme Dawidi e apa ŋosafâc-ticne mârâc jaha hâmombĩŋ jaŋerao zuhuc-kehuc hâmome hae qizecko duckembĩŋ. ¹¹ E Israe kikefuŋ jaŋere ŋicwofuŋ juhame jara 40 tarawec. E Heboron haeo jara 7 â Jerusalem haeo ine jara 33 ŋicwofuŋ juwec. ¹² Eme Salomo e mamac-ticne Dawidire eri ŋeŋeo ŋehame uucmaŋ-ticne sanaŋ qaŋqârŋe fowec.

Salomozi uucmaŋ-ticne foocte basanaŋkewec

¹³ Eme Hagitire ŋokâ Adonia e Salomore nengoc Batisebarao fisime zĩŋuc wiocnewec: "Go wamao warekic me?" Eme muwec: "Ine hâcne, no wamao fâkopac." ¹⁴ Erâ zuhuckerâ muwec: "No dâŋ piticne gazazo manasukopac." Mume muwec: "Sâcne, mutec manape." ¹⁵ Eme muwec: "Israe kikefuŋ jaŋe zengoma norao zâŋe fihuc no ŋicwofuŋ-ŋeŋic jupemurâ muhapiu uucmaŋ i nore biŋe ewec, i gahac manakomec; eme sifu Wofuŋzi maname fowecte ŋicwofuŋ gie nowac rohuc qananere meo râekicne." ¹⁶ Eme zĩ nunumu mocjaha mac numu-garepe dâŋnane mi qikiŋnezemec." Iŋuc mume zĩŋuc âzâcnewec: "Dâŋge mutec manape." ¹⁷ Eme muwec: "Go ŋicwofuŋ Salomo âzâcnetec eki Sunami ŋokac zâŋene Abisaga nareme ŋonâŋ-nane ezac. Salomozi gore dâŋ mi qikiŋneocmu." ¹⁸ Eme Batisebazi dâŋ zĩŋuc bâtikiecnawec: "Sâcne, no gore dâŋ i ŋicwofuŋ âzâcnewemu."

¹⁹ Eme Batiseba e Adonaire dâŋ i ŋicwofuŋ Salomo mufuacneocite ere ficko fewec. Feme ŋicwofuŋ e fahare ere maŋfuŋko rahuc fodapecnerâ risie eri ŋeŋe-ticnao mocwâc waha ŋewec. Eme ŋicwofuŋ nengoc-ticnere ŋeŋe moc bâfuârâ mefârenaopoc hecnepie waha ŋewec. ²⁰ Ehuc zĩŋuc muwec: "No wiac piticnere mocjaha mac numu-garepe dâŋnane mi qikiŋnezemec." Eme ŋicwofuŋzi dâŋ zĩŋuc bâtikiecnawec: "Nengoc-nane, go dâŋge mutec manape, erâ wemocko qikiŋnewemu." ²¹ Iŋuc mume muwec: "Sunami ŋokac zâŋene Abisaga e hahacge Adonaire ŋonâŋ eocite sâcne râcnezo me mâcne?" ²² Eme ŋicwofuŋ Salomo e nengoc-ticne dâŋ zĩŋuc bâtikiecnawec: "Go Sunami ŋokac Abisagazi Adonaire biŋe eocite numu-narekic, iŋuc jaha ŋicwofuŋ gie i erea eocite numu-narenzan me! E hâcne hahac-nane jukac, erâ taha bapa Abiata â Zerujare ŋokâ Joabe jahe wâc erao qohotakopirec."

²³ Ŋicwofuŋ Salomo e dâŋ iŋuc murâ Wofuŋte maio mupaŋkehuc kecziŋuc muwec: "Anufuzi baficnuhame Adoniazi dâŋ muwec irec okacne qape hâmozejec. ²⁴ Anutuzi basanaŋnuhuc mamac-nane Dâwidire eri ŋeŋeo râecnurâ mupaŋkewec irec sâc uucmaŋ moc bâfua-narewec ere maio musanaŋkekopac hâcne: Adonia e miŋecgac jaha hâmozejec." ²⁵ Iŋuc murâ ŋicwofuŋ Salomozi Jojadare ŋokâ Benaja soreme eki rarâ Adonia qâhâmowec.

²⁶ Eme ŋicwofuŋ e taha bapa Abiata zĩŋuc âzâcnewec: "Ajoc, go Anatoti hae mâreŋko giegange fokac ira rac. Manakic, go hâmocte biŋe enzan. Eme sifu miŋecgac mi qâhâmocgupemu. Go mârâc jaha mamac-nane

Dawidire maio Wofuŋ Anuture katapa reŋkemen, erâ zârâ hârîŋ faio juhame ehac mâmâc jumen irec erâ akicgukopac.” ²⁷ Salomozi iŋuc muhuc Abiata jâpeme Wofuŋte taha bapa ŋic mocwâc mi juwec. Ehame Wofuŋzi mârâc Silo haeo Elire kikefuŋfâc jaŋere findaŋdâŋ muwec i deŋkewec hâcne.

²⁸ Eme Joabe e mârâc jaha Abisalomtao ine mi qohotaweczi irec biŋe mana-fârerâ Adoniarao qohotawecte hâwickeme gasackehuc Wofuŋte qoruc bozeo razirâ alata zuŋenao menezî hehawickewec. ²⁹ Eme ŋic jaŋe, “Joabezi wiserâ Wofuŋte qoruc bozeo razirâ alata herirignao domakac,” iŋuc muhuc ŋicwofuŋ Salomo mufuacnepie Jojadare ŋokâ Benaja sorehuc ziŋuc âzâcnewec: “Ajoc, go rarâ qâhâmoc!” ³⁰ Eme Benajazi Wofuŋte qoruc bozeo fisirâ Joabe ziŋuc âzâcnewec: “Go wahacmurâ ŋicwofuŋzi mume gazakopac!” Eme muwec: “Mâcne, no zira hâmpemu.” Iŋuc mume Benaja e risierâ Joabezi dâŋ muwec irec binâŋ i ŋicwofuŋ bacne-fârewec. ³¹ Eme ŋicwofuŋzi ziŋuc âzâcnewec: “E gazajec sâc iŋuc qâhâmorâ duckec! E fugne tâmiricko soc kosa hoŋkewec irec kiŋ no â mamac-nanere garikinâfâc nâŋeraonec bârâriec. ³² E mamac-nane Dawidizi mi manahame ŋic jajahec e jahacne sâc jâuruhuc tiŋne â pectâc jupic jahe zikazi qâhâmoc-jofawec, moc Nerare ŋokâ Abene, Israere momori guru jaŋere micne, â moc ine Judare momori guru jaŋere micne Jetera ŋokâ Amasa. Jahe kosa jofahuc kiŋ hurewecte okacne fisicnezejec. ³³ Ŋic jahere socte kiŋzi Joabe e jahacne â qâricfâc-ticne jaŋerao fohuc juzejec; Dawidi â qâricfâc-ticne erâ garikinâfâcne jaŋerao â eri neŋe-ticnao ine Wofuŋte wama fohuc juzejec sanaŋ.” ³⁴ Eme Jojadare ŋokâ Benaja e rarâ Joabe qâhâmome ficticne mârêŋ burocnao newec ira duckembiŋ. ³⁵ Eme ŋicwofuŋzi Jojadare ŋokâ Benaja e Joabere tuc qarâ momori jaŋere micne juocte âkendâŋnewec, â taha bapa Zadokozi Abiata âkehockeocce mucnewec.

³⁶ Eme irec faicnao ŋicwofuŋzi Simeî hefârerâ ziŋuc âzâcnewec: “Go Jerusalem hae zira fic moc barâ ira neŋe juju ehuc ira me ira mi rajâmbâŋ-kezemec. ³⁷ Go zoaŋ mocko hae beherâ Kidoroŋ opâ fotâcnerâ hae mocko racmuo ine hâmo-jâmbâŋkecmu, i manapaŋkezemec. Bahacgere erâ hâmo-jâmbâŋkecmu hâcne.” ³⁸ Eme Simeizi ŋicwofuŋ dâŋ ziŋuc bâtikiecnnewec: “Go dâŋ mukomec i manape sâccekac. Erâ ŋicwofuŋ-nane, go kiŋagŋicge no dâŋ nazakomec irec sâc epemu.” Eme Simeizi Jerusalem haeo damen zora jufewec.

³⁹ Jufeme jara 3 tarahame Simeire kiŋaŋ motec jahec jahe wisecnerâ Makare ŋokâ Akisi, Gati haere ŋicwofuŋ erao rapic. Ehame ŋic jaŋe Simeî ziŋuc âzâcnembiŋ: “Manakic, motec jahecge Gati haeo jukopirec.” ⁴⁰ Simeî e iŋuc manarâ dongi-ticne sate râecnerâ kiŋaŋ motec jahec-ticne basac-jofaocte Akisirao Gati haeo rawec. Raku bâfuac-jofarâ irecnec bârisiec-jofawec. ⁴¹ Eme Simeî e Jerusalem haeonec Gati haeo rarâ risiewec irec biŋe i Salomo mufuacnembiŋ. ⁴² Eme ŋicwofuŋzi kiŋaŋ sorec-jopame Simeî ecnepie fisime ziŋuc âzâcnewec: “No Wofuŋte maio mupaŋkehuc uŋdâŋ ziŋuc gazapo: ‘Go zoaŋ mocko hae zi beherâ ira me ira racmuo ine hâmo-jâmbâŋkecmu, i manapaŋkezemec.’ Iŋuc mupe go dâŋ ziŋuc bârisie-naremeŋ: ‘Go dâŋ mukomec i manape sâccekac, no reŋkepemu.’” ⁴³ Eme go wemocte Wofuŋte maio dâŋ mupaŋkemeŋ i mi soŋaŋkehuc sâcmutâc dâŋnane huckemeŋ?” ⁴⁴ Ŋicwofuŋzi iŋuc muhuc Simeî ziŋuc âzâcnewec: “Go mamac-nane Dawidi wiâc hehesicne fugne fugne ecnemeŋ i gahac mana-fârekic, eme zi ine Wofuŋzi hehesicgere okacne bazu-gareocmu. ⁴⁵ Ŋicwofuŋ Salomo norao ine Wofuŋte jambuŋ fozejec â Dawidire eri neŋe

i Wofunṭe maio ṅehuc juzejec sanan.” ⁴⁶Ŋicwofunṭi iṅuc murâ Jojadare ṅokâ Benaja mucneme rarâ Simeî qâhâmowec. Eme Salomozi ṅicwofunṭ gie baha uucmanṭ-ticnezi soka sanan ewec.

Salomozi Farao otâ-ticne rowec

3 Eme Salomo e Aigita ṅicwofunṭ Farao ehac kikimo ehuc otâ-ticne rowec. Erâ Dawidire hao jowa fisirâ e jahacne fic erâ Wofunṭe ufunṭ â qânâsac hao rârckehuc baku batarawec. ²Jowa fisiwec damenṭ ira Wofunṭe zâṅere fic biac mi bambinṭe ṅic ṅokac jaṅe furu mârenṅko taha bâzi rike jumbienṭ.

Salomozi manṭârânṭe numuwec

(Bin II, 1: 1-13)

³Salomore manṭi Wofunṭao domaha mamac-ticne Dawidizi dân mutâcnecnewec sâc wiac ebac ewec; mâc furu mârenṅko taha bâzi â hosâc âsu bianṭ ririke i zuhuckerâ ewec wâc. ⁴Eme ṅicwofunṭi taha bâzi rikeocte Gibeon hao rarâ qowi bâzi 1 tausenṭ rikewec. Ira bâzi ririkere furu mârenṭ kâcṅene sâko fowec hâcne. ⁵Eme Wofunṭi Gibeon hao Salomo ṅunṅko fuacnehuc zṅuc âzâcnecnewec: “No wemo wiac tahacṅupemurâ egarekac i nazatec manape!” ⁶Eme Salomozi dân zṅuc âzâcnecnewec: “Go kṅanṅicṅe mamac-nane Dawidi manṭaunṭ sâko êcnehuc juhanṭec gorao qohotahuc tiṅne â pectâc juhuc wiac ebac ewec. Iṅuc eme zuhuckerâ manṭaunṭ sâko jaha ecnehuc ṅokâ moc tahackemṭe eki damenṭ zi eri ṅege-ticnao ṅehuc jukac. ⁷O Wofunṭ Anutu-nane, zi ine kṅanṅicṅe no enaretac mamac-nane Dawidire tuc qarâ ṅicwofunṭ jukopac. Erâ no motec qârî juhuc ṅicwofunṭ giere funṭe biac mi mana tarakopac. ⁸Erâ kṅanṅicṅe no mâc zi ṅicfâcṅe bâwosâec-jopamenṭ jaṅere ṅondenṅko domakopâc. Jaṅe ṅic ṅokac guru sâko zare-jenṭic fejâmbânṅekacte ṅic moczi sâcne mi wosec-jopaocmu. ⁹Irec go kṅanṅicṅe nore manṭ mamanasu bâsokatec bianṭe â sâqocnere funṭe hone tarahuc ṅicfâcṅe jaṅere dân sâcne mutarazepac. ṅicfâcṅe jaṅe guru sâko irec mozi dânṭenṭic mutarame sâckeocmu?”

¹⁰Salomozi wiac iṅucnere Wofunṭ numucneme maname bianṅekewec. ¹¹Irec dân zṅuc bâtikiecnecnewec: “Go mamana bianṭ rohuc mumutara gie fârîne bacmurâ numu-narehuc juju zorîcne jufecmurâ me moneṭ mafa sâko rauckecmurâ me râsîfâcṅe jaṅe hâmo sipiric eniṅmurâ mi numu-naremec. ¹²Manakic, irec erâ nunumugere sâcko egarehuc manṭârânṭ â mamana sâko bâfua-garepe izi ṅic mârâc jumbinṭ â zâhec juṅenṅmu jaṅere mamana sirîckecmu. ¹³Eme wiac ḡâcnere mi numu-naremec 1 wâc zuhuckerâ garepemû, moneṭ mafa sâko mecne erâ zâṅe biṅe sâko mâmâc. Irec gore damenṅko ṅicwofunṭ ḡâcne junṅmu jaṅe gore sâc mi bâfuanṭepienṭ. ¹⁴Go nore hatao juhuc dânṭsanṭ â sâcmutâc dânṭnane mamacṅe Dawidizi ewec irec sâc ehuc reṅkecmuo ine ranṅa ranṅa jambunṅuhuc juṅemu.”

¹⁵Eme Salomozi qârêrâ zṅuc mana tarawec: Â, zi ṅunṭ manakopac. Iṅuc muhuc Jerusalem hao ferâ Wofunṭe zâzâfic katapa irec manṭunṅko domahuc qowi bâzi â wama bâzi wiac rikerâ fekicnefâc-ticne tiwa bâzi ejarewec.

Salomo e maŋqârâŋhec juhuc mumutara gie bianje bawec

¹⁶ Eme dameŋ ira sasac ŋokac jajahec jahe ŋicwofuŋ dâŋ âzâcnenicte erao rapic. ¹⁷ Erâ ŋokac moczi zîŋuc âzâcnewec: "O bomboŋ-nane, go dâŋ gazape manac: No â ŋokac keczi nâhe fic mocjahao ŋec foc eekoperec. Eme nâhe ira ŋehuc no motec moc ropo. ¹⁸ Ehame zoaŋ gie bapa 3 tarame ŋokac keczi e motec moc rowec wâc. Nâhe fic ira bucjâmbân-ŋâhec jupec, ŋic me ŋokac moczi nâhehec moc mi jujâmbâŋkembîŋ. ¹⁹ Eme ŋokac keczi e ŋafeo guŋ fohuc motec-ticne fohâmowec. ²⁰ Erâ ŋafe zâŋiŋko faharerâ kiŋaŋ naruge no guŋ fohape nore motec nowac rorâ bumaŋ-ticnao râewec â e jahacne motec hâmocne ine norao râewec. ²¹ Eme hae fureme motec-nane moŋ gumezore faharehuc honepe motec e hâmocne fowec. Ehame hae fure taniŋkeme hone-hâmorâ zîŋuc mana tarapo: Motec keci e moc e noni mi ropo." ²² Iŋuc mume ŋokac âgo-ticnezi muwec: "I burec, motec qârîcne jukac e nore, gore motec ine hâmojec." Mume âgonezi muwec: "Burec, nore motec e qârîcne, â gore ine hâmojec." Iŋuc muhuc ŋicwofuŋte maio mu qaqtatarac epic.

²³ Iŋuc epire ŋicwofuŋzi dâŋ zîŋuc muhuc jasawec: "Moczi zîŋuc mukac: 'Motec qârîcne zî nore, â hâmocne i gore,' â moczi zîŋuc mukac: 'Aricne, hâmocne i gore, â qârîcne i nore.'" ²⁴ Erâ ŋicwofuŋzi zuhuckerâ muwec: "Ajoc, sâqe sâko moc baware-narenîŋ!" Eme sâqe moc râcnembîŋ. ²⁵ Eme ŋicwofuŋzi muwec: "Ajoc, ŋoŋe motec qârîcne e zâzâŋiŋ jaha qâfâuckerâ dâkâne ŋifec i ŋokac moc râcnehuc dâkâne ŋifec i âgo-ticne râcnenîŋ." ²⁶ Iŋuc mume motec qârîcnere nengoc e motec-ticnere busâqoc fekiecne manahuc ŋicwofuŋ zîŋuc âzâcnewec: "Bomboŋ-nane iŋuc misac, sifu motec qârîcne e râcnenîŋ, qapie mi hâmooc!" Eme âgonezi ine zîŋuc muwec: "Eki me noni mi rauckezeperec irec qâfâuckenîŋ!" ²⁷ Eme ŋicwofuŋzi muwec: "Motec qârîcne mi qâhâmonîŋ, ŋokac bâbâni dâŋ mujec e râcnenîŋ, eki hâcne nengoc roro-ticne ekac." ²⁸ Eme Israe kikefuŋ jaŋe ŋicwofuŋzi dâŋ wenîŋuc erâ mutarawec irec biŋe manarâ ere hâwic-jopawec. Jaŋe zîŋuc honembîŋ: Anutuzi maŋqârâŋ tahackewecte mumutara gie sâcne baocmu.

Salomo fekiecnefâc-ticne jaŋere zâŋe biri

4 Ŋicwofuŋ Salomo e Israe kikefuŋ sasawa guŋiŋ bajarewec. ² Ehame ŋic kecziŋuc jaŋe micnefâc-ticne jumbiŋ: Zadokore ŋokâ Azaria e taha bapa juwec. ³ Sisare ŋokâ jahec Elihore â Ahia jahe qâqâreŋ ŋic jupic, eme Ahiludure ŋokâ Josafata eki dâŋ mumuŋic fekiecne juwec. ⁴ Jojadare ŋokâ Benaja e momori jaŋere micne juwec erâ Zadoko â Abiata jahe taha bapa jupic. ⁵ Eme Nataŋte ŋokâ Azaria e mâreŋ dâkâne irec micne bapa jumbiŋ jaŋe qizec-joparâ juwec. Eme Nataŋte ŋokâ moc zâŋene ŋabudu e ŋicwofuŋte âgo juwec. ⁶ Ahisa e ŋicwofuŋte ficko wiac fowec i soŋaŋke jujec, â Abedare ŋokâ Adoniram eki ine ŋic jabane jaŋe kiŋaŋ gie bahuc jumbiŋ jaŋere soŋaŋ juwec.

⁷ Mâreŋ dâkâne dâkâne irec micne bapa 12 jaŋe Israe mâreŋ sâcke-fârêrâ Salomo kiŋaŋ qacnehuc jumbiŋ. Jaŋe ŋicwofuŋ â wiacfâcne nânâ wiac bâfua-jare jumbiŋ, micne bapa moczi mosa mocte biŋe â moczi mosa mocte bâfua jujec, iŋuczi iŋuc ejumbiŋ. ⁸ Jaŋere zâŋe biri zîŋuc: Moc Beŋ-Hure, Eferaim tiki mâreŋko juwec. ⁹ Moc Beŋ-Deke, e Makazi, Salabim,

Bete-Semesi, Eloŋ â Bete-Hanaŋ hae soŋaŋ-jopawec. ¹⁰ Moc Beŋ-Hesede, e Aruboti haeo juhuc Soko hae â Hefere mâreŋ māmâc soŋaŋ-jopawec. ¹¹ Moc Beŋ-Abinada, e Salomore otâ Tafati roweczi Doro hae mâreŋ soŋaŋke-fârewec. ¹² Moc Ahiludure ŋokâ Bana ere hae mâreŋ zīguc: Tanaki â Megido erâ Bete-Seaŋ sasawa. I Zaretaŋ hae heririŋnao Jesere juwic-naopec forawec. Hae mâreŋ-ticne i Bete-Seaneŋ raku Abe-Mehola haeo, Jokemeam hae ocnigucnao fisiwec hâcne. ¹³ Moc Beŋ-Gebe, e Ramoti haeo Gileade mâreŋko juwec. Ehuc Manasere ŋokâ Jairi ere haefâc Gileade mâreŋko ŋerambin â Arigoba hae mâreŋ Basaŋ mâreŋko forawec i māmâc soŋaŋ-jopawec. I hae 60 jaŋe sacsanaŋ â aerzi motâc babasanaŋ-ŋerichec. ¹⁴ Moc ine Idore ŋokâ Ahinada e Mahanaim haeo juwec. ¹⁵ Moc Ahimazi, e Naftali mâreŋ soŋaŋkewec. Ŋokac-ticne Salomore otâ moc zâŋene Base-mata. ¹⁶ Moc Husaire ŋokâ Bana, e Ase â Aloti mâreŋ i jahere soŋaŋ juwec. ¹⁷ Moc Paruare ŋokâ Josafata, e Isasa mâreŋko juwec. ¹⁸ Moc Elare ŋokâ Simei, e Benjamiŋ mâreŋ soŋaŋkewec. ¹⁹ Erâ moc ine Urire ŋokâ Gebe, eki Gileade mâreŋko juhuc Amori ŋicwofuŋ Sihon â Basaŋ mâreŋte ŋicwofuŋ Ogo jahere mâreŋ fowec i soŋaŋkewec. Ehame micne bapa moczi micne bapa keci jaŋe qâhâc-jopa-fârewec.

²⁰ Eme Juda â Israe kikefuŋ jaŋe fua sawec eku hâwecmecko monggeŋ forakac irec sâc embiŋ. Jaŋe nânâ opâ moc mi basahuc bubiaŋ faio jumbiŋ hâcne.

Salomo e maŋqârâŋhec erâ eri qarawen sâkohec juwec

²¹ Eme Salomozi uucmaŋ gurune gurune Eufrata opâonec fuŋkerâ raku Filisa mâreŋko fisirâ Aigita mâreŋte mao hu tarawec, i jaŋe soŋaŋ-jopahuc juwec. Eme jaŋe juwec sâc sahac taha wiac râcnehuc kiŋaŋ qacnehuc jumbiŋ. ²² Zoagne zoagne Salomo nânâ wiac zīguc bafisicnembin: Poron uucne qanqan târu 30, erâ poron uucne gâgâpâc târu 60, ²³ bulimakao wokemaŋ sâkohec 10 erâ bulimakao sapa sâkoonec 20, erâ lama 100. Erâ wâc kâte qowi gâcne nânâne â qâqâc wiac wokemaŋ sâkohec māmâc. ²⁴ E Eufrata opâ zīgucpec Tifisa haeonec fuŋkerâ raku Gaza haeo tarakac mâreŋ ŋondeŋ ira ŋicwofuŋ jurambiŋ jaŋe soŋaŋ-jopa-fârewec. Ehame ŋifec â ŋifec jumbiŋ jaŋerao wâc wama sâko fowec. ²⁵ Ehame Juda â Israe kikefuŋ jaŋe Salomozi juwec sâc Daŋ mâreŋkonec huraku Bere-Seba haeo tarawec ŋondeŋ ira mana mezac tâmiric juhuc waiŋ gie â jâmba jufu wiac-ŋeric soŋaŋkehuc jumbiŋ. ²⁶ Eme Salomo e keretac fâfâre becâsic 40 tausen domacnembin erâ becâsicko rara momori ŋic 12 tausen jucnembin. ²⁷ Eme ŋicwofuŋ Salomo â ŋic ehac juhuc nânâ nâjumbiŋ jaŋere nânâ i micne bapa mucjopakicne jaŋe ru sâc moczi mosa mocte â moczi mosa mocte nânâ iŋuc bâfuapie wiac moc mi basa-jâmbâŋkembin. ²⁸ Eme gie mujare-kicne sâc becâsic jaŋere nânâ wiac i jumbiŋkoa bafisi-jare jumbiŋ.

²⁹ Eme Anutuzi Salomo mamana sâko â maŋqârâŋ bâfuacnehuc maŋticne bâsokame mamana-ticnezi zâkân qârâŋ iŋucne ewec. ³⁰ Eme Salomore maŋqârâŋzi zoaŋ wewefunaopec ŋic jumbiŋ jaŋere maŋqârâŋ me Aigita ŋic jaŋere maŋqârâŋ i māmâc siricke-fârewec. ³¹ Ere mamanazi ŋic gâcne jaŋere mamana jâuru-fârewec. Ezarai ŋic zâŋene Etaŋ ere mamana mecne, Maholare ŋokâfâc Hemaŋ, Kalokolo â Daroda jaŋere mamana mecne i māmâc jâuruwecte zâŋe biŋe-ticnezi ŋicne ŋicne rârec rârec jurambiŋ jaŋerao haŋ bafârewec. ³² E muqâiqiŋ dâŋ 3 tausen mufuarâ gae hefuakume

1 tausen 5 ŋuc ewec. ³³E wiac fuŋne fuŋne jaŋere dāŋ mufuawec. Jāc jaŋere dāŋ i jāmāzāc Lebanon tikio doma rakac irecnec fuŋkerā mu wahaku kuen kuen jācko fuaekac erao mutarawec. E qowi kācŋene jaŋere dāŋ, wipe jaŋere dāŋ, erā wiac foforā juengopien ā opā qowi jaŋere dāŋ i mufārewec. ³⁴Māreŋ sāc ŋicne ŋicne ā ŋicwofuŋ jurambin jaŋe Salomo maŋqārāŋ-ticnere biŋe manambinŋe irec fuŋne mananinŋe erao fisimbin.

Salomo ā Hiram jahe giere babafic epic

(Bin II, 2: 1-18)

5 Israe ŋic jaŋe Salomo mamac-ticnere tuc qaocte ŋicwofuŋ ākendāŋ-nembin irec biŋe i Tiro ŋicwofuŋ Hiramzi manawec. E maŋticnezi dameŋ sāc Dawidirao domawec. Irec kiŋaŋŋicfāc-ticne gācne jaŋe Salomoraο sorec-jopame rambin. ²Eme Salomozī okacne dāŋ zīguc bātīkiecnehuc ŋic gācne Hiramtaο sorec-jopawec wāc: ³“Go mamac-nane Dawidire fuŋne manakomec. E Wofuŋ Anutu-ticnere biŋe fic moc baοcte maŋkewec. Māc rārec rārec zikazi zika forawecte fic i baοcte quŋkewec. Zāhec ine Wofuŋzi rāsifāc-ticne bawahac-jopaοcte manacnewec. ⁴Eme dameŋ zi Wofuŋ Anutu-nanezi rārec rārec wama sāko bāfua-nareme rāsifāc-nane mi juŋgopien ā aka wāc mi fokac. ⁵Erā manakic, Wofuŋzi mamac-nane Dawidi zīguc āzācnewec: ‘No gore ākehoc ŋokāge eri ŋenegao rāepe ŋeocmu eki zāŋe-nanere fic moc baοcmu,’ dāŋ irec sācko no Wofuŋ Anutu-nanere biŋe fic moc bazo mukopac. ⁶Irec go mutec ŋicfācge jaŋe Lebanon tikio jāmāzāc nore biŋe qafarapie kiŋaŋŋicfāc-nane jaŋe bafic-jopanŋepien; eme no kiŋaŋŋicfācge jaŋere gie furi i goki mutec sāc rāe-garezepac. Go gahac wāc manakic, Sidonŋic jaŋe jāc qaqaŋarare fuŋne mana-hāmoengopien, nāŋere ŋicfāc jaŋe ine mi manaengopien.”

⁷Eme Hiram e Salomore dāŋ i manarā bubian sāko manahuc dāŋ zīguc muwec: “Zoan zi Wofuŋ mumbiankezo! Eki hācne Dawidi ŋokā moc mamananec tahackewecte ŋic ŋokac guru sāko sācne soŋaŋ-jopaοcmu.”

⁸Iŋuc murā Hiramzi Salomo dāŋ okacne zīguc bātīkiecnewec: “Go dāŋ rāe-nareme i manapac. Go jāmāzāc ā wetejāc irec dāŋ nazamec i egarekac sāc epemu. ⁹Ŋicfāc-nane jaŋe jāc i Lebanon tikionec bawaharā hāwec-mecko rāenimū. Eme mupe jācombāŋne qātūrepie zae fuame hāwecko bahuku hae mutācnecmu ira rāenimū. Eme hetātīepie goki ine okacne narehuc no ā wiacfāc-nane nāŋe nānā wiac bāfua-nārezemec.” ¹⁰Eme Hiram e Salomozī muwec irec sācko jāmāzāc ā wetejāc rāecnehuc juwec. ¹¹Eme Salomo e Hiram okacne bazucnehuc wiacfāc-ticne jaŋere manasuhuc padī tārū 20 tausen ā oliwa qanŋaŋnekiecne irec pake 20 tausen jaha rācnewec. Jara sāc iŋuc rācnehuc juwec. ¹²Ehame Wofuŋzi Salomo mupaŋkecnewec sāc maŋqārāŋ bāfuacnewec; eme Hiram ā Salomo jahere ŋondenko wama fowecte zāzāfic moc epic.

¹³Eme ŋicwofuŋ Salomozī Israe kikefuŋ jaŋeraonec ŋic 30 tausen kiŋaŋ qaqa gie baninŋe bāwosāec-jopawec. ¹⁴Erā mōsa sāc ŋic 10 tausen Lebanon tiki māreŋko sorec-jopame rajumbien. Jaŋe ira mōsa wāŋ juku risierā mōsa 2 hae-jeŋicko jujumbien. Ehame Adoniramzi soŋaŋ-jopahuc juwec. ¹⁵Eme ŋic 70 tausen jaŋe Salomore mafa wiac hāpo jumbien, ā ŋic 80 tausen jaŋe ine tikio qānā qāfāucke jumbien. ¹⁶Erā i sawa mācne, jaŋerao ŋic micne 3 tausen 300 zuhuckerā jumbin. Jaŋe gie qizeckehuc ŋic

gie bahapie hone soŋaŋ ejare jumbienj. ¹⁷ Eme ŋicwofuŋzi giedâŋ mujareme sâc fecte hobeteŋ râezore qânâ kâcqene â furi sâko he bâfâuc ehuc ropie warewec. ¹⁸ Ehame Salomo â Hiram jahere fic bapa ŋic â Gebali ŋic jage fic bazore qânâ wiac mecne â jâc wiac mecne i he fasaec ehuc ba akic efârembiŋ hâcne.


Salomozi Wofuŋte taha ufuŋ bawec

(Bin II, 3: 1-14)

6 Israe ŋic jage Aigita mârenkonec waharâ juwefukupie jara 480 eha Salomozi Israe ŋic jaŋerao ŋicwofuŋ gie bahuc juhame jara 3 â mosa 2 ewec, mosa zâŋene Źiwi, dameŋ ira hâcne Salomozi fuŋkerâ Wofuŋte ufuŋ bawec. ² Ŋicwofuŋ Salomozi Wofuŋte ufuŋ bawec irec sâc ziŋuc: Źoricne-ticnere sâc kubi 60, otecne-ticnere sâc kubi 20, hâŋ bafekicne ine kubi 30 irec sâc.* ³ Eme fic fârinao hae gâŋgâŋ moc bawec irec otecne sâc kubi 20, â fic mainao zuhuckewec irec sâc kubi 10. ⁴ Eme râreckehuc qâqâtâc katarâ râewec, râpenao bâpitiwawec â maŋnao ine bâsokawec. ⁵ Erâ fic fârine â furufic i orâŋkehuc fic zuhucne barâ maŋne maŋne âke tâcne rawec. ⁶ Fic zuhucne i feggagne 3. Juwic otec-ticnere sâc kubi 5, zâzâŋiŋko 6 â feggagne faicpec irec otecne sâc kubi 7. Fic sâpenao feggagne feggagne raŋi fowec ira jâc otecne mâc iticnehuc râe rakicne.

⁷ Eme taha ufuŋ bambiŋko mâsi ziŋuc fuawec: Qânâ wiac i qanaŋ ba akic efârekicnere ufuŋ bahapie hama me râric me aej wiacte fânâŋ moc mi fuawec.

⁸ Fic zuhuc juwicnere motâc i fic fâreopec domawec, eme irecnec riri oorâŋ râreckehuc bakicne i feggagne zâzâŋiŋko fewec, eme irecnec riri



Taha ufuŋ sâko Salomozi bawec

* 1 kubi i sâcmeta moc 18 inses me 46 senti meta irec sâc.

moczi fengagne faicpec fewec. ⁹Salomo e inuc ehuc fic baku bafârerâ fic tapane ine jâmâzâc jâczi bawec. ¹⁰Erâ e fic orâŋkehuc 3uzuhucne bafârewec wâc, fengagne moc i hâgne-ticne kubi 5, erâ fic i jâmâzâc â wetejâczi basanagkewec.

¹¹Eme Wofunŋe dâŋ Salomorao kecziŋuc fuawec: ¹²“Ŋone dâŋsanag-nane bâninipehuc mumutâc â sâcmutâc dâgnane mana rereŋ erâ hata mutâcne-ŋarepo sâc wiac ebac efâreniŋmuo ine no go â mamacge Dawidi findagdâŋ ŋasapo i mupe fârio qaocmu. ¹³Ehame no Israe ŋicfâc-nane ŋogere ŋondenko juhuc moc mi beheç-ŋopapemu.”

¹⁴Eme Salomo e Wofunŋe fic baku bâzickewec. ¹⁵Eme qârîŋkonec funkerâ feku faic tapanao fisiwec fic sâpene i jâmâzâc paraŋzi fonke-fârerâ qârîŋe i wete paraŋzi bârârâŋnewec. ¹⁶Eme ficmaŋne râpenaopec ira jâmâzâc paraŋzi ficmaŋne moc âke tâcnewec, i sâcticne kubi 20. Paraŋ-ticne i qârîŋkonec feku fic tapanao iticnewec. Ficmaŋne izi furu dindîŋ hâcne. ¹⁷Eme ficmaŋne irecneç ficmaŋne fârine zuhuckerâ rawec i sâcticne kubi 40. ¹⁸Ficmaŋne i jâmâzâc paraŋzi fonke-fârekicnere qânâ hohonene moc mi ewec. Eme jâczi hândâŋ qarâ fâuckeme âri fuaekac irec sâc hawari paraŋko metâ barakicne. ¹⁹Eme Wofunŋe zâzâfic katapa irec ŋege hae fuaocte ficmaŋne râpenaopec furu dindîŋ irec maŋne âke tâcnewec hâcne. ²⁰Ficmaŋne irec zoricne â otecne kubi 20, â hâgnere kubi 20 jaha. Eme irec paraŋ i gol findowakicnezi fonke-fârewec erâ ficmaŋne irec motâc fuŋnao ira jâmâzâc jâczi alata moc barâ râewec. ²¹Erâ Salomo e ficmaŋne i gol findowakicnezi fonke-fârerâ furu dindîŋ irec mainao kâpâcwâru moc golzi bakicne i fârewec. ²²Ine hâcne ficmaŋne sasawa i golzi fonkeku fonke-fârewec. Erâ alata furu dindîŋte motâc fuŋnao ŋewec i golzia wâc fonkewec.

²³Eme furu dindîŋte biŋe kerubim jajahec jahere hawari i oliwa jâczi bac-jofawec. Zoricne-jekicte sâc i kubi 10. ²⁴Eme kerubim mocte fakec ŋifec â ŋifec i kubi 5. Irec fakec jajahec jahere sâc i kubi 10 ewec. ²⁵Eme kerubim moc ere sâc i kubi 10 jaha. Kerubim jajahec jahere sâc â hawari mocjaha. ²⁶Â zoricne-jekicte sâc i wâc mocjaha, kubi 10. ²⁷Kerubim jajahec i furu dindîŋ zâzâŋiŋnao râec-jofame domapic. Eme kerubim jahere fakec qaratierâ domapic irec mocte fakec ŋifeczi ficsâpe ŋifecne âke uawec â mocte fakec ŋifeczi sâpe ŋifecne âke uawec wâc. Â fafakec jahec-jekiczi zâzâŋiŋko bâbâfuac epic. ²⁸Eme kerubim jahec i golzi fonjofawec wâc.

²⁹Eme Salomozi mume metâ bapa jaŋe fic sâpene sasawa i kerubim â hâmuŋâc erâ âri wiac irec hawari bapie sâcke-fârewec, i furu dindîŋ ira mecne â furufic ira wâc mâmâc. ³⁰Erâ mume furu dindîŋ â furufic irec qârîŋ i golzi fonke-fârembiŋ.

³¹Furu dindîŋte motâc i mume oliwa jâczi bambiŋ. Katan-ticne jajahec â wâtun wiac-ticne i ba akic epie tikine 5 ewec. ³²Ine hâcne, motâc katân jajahec i oliwa jâczi bakicne, eme jahere faio ine kerubim â hâmuŋâc erâ âri wiac irec hawari metâ barâ golzi fonke-fârembiŋ.

³³Eme mume tiri ufunŋe motâc irec wâtun i oliwa jâczia bambiŋ wâc, wâtun irec tikine 4. ³⁴Â motâc katân jahec-ticne i mume wete paraŋzi bambiŋ, eme katân moc e ki otec-ticne jajahec â katân moc e inuc jaha bambiŋ. ³⁵Erâ mume kerubim â hâmuŋâc erâ âri wiac irec hawari metâ bapie hawarine fuawec sâc golzi fonke-fârembiŋ. ³⁶Eme ufun râeckerâ hae 3oŋa piticne fowec i qânâ he akic ekicne fengagne 3 â jâmâzâc jâc fengagne wân inuc râerâ bambiŋ.

³⁷ Salomozi ŋicwofuŋ jume jara 4 irec mosa zâŋene 3iwi ira Wofuŋte ufuŋ fuŋkerâ bambiŋ. ³⁸ Eme juhame jara 11 irec mosa 8 zâŋene Bulu wahaha ufuŋ â wiac-ticne sâcmutâc fowec irec sâc râe tara-fârerâ bâzic-kembiŋ. Jara 7 baku batarambiŋ hâcne.

Salomozi ficwiac gâcne bawec

7 Eme Salomozi jara 13 e jahacne ficwiac baku bafârewec.

² Fic moc bawec zâŋene Lebanŋ Kâtefic. Sâcticne zîŋuc: 3oricne-ticne kubi 100, otecne-ticne kubi 50 â hâŋne-ticne kubi 30. Fic ira wâtuŋ ŋicne birine 3 doma rawec, eme wâtuŋ utunao jâmâzâc jâczi bacotec râe rambiŋ. ³ Eme bacotec irec fainao jâmâzâc katapazi tapane bambiŋ â bacotec jaŋe wâtuŋ biri 3 irec utunao fombiŋ. Wâtuŋ irec zare 45. Biri sâc 15, 15 iŋuc doma rambiŋ. ⁴ Eme qâqâtâc katanŋ i biri 3 râe rakicne, eme qâqâtâc katanŋ biri 3 i jaŋe ŋifec jaŋehac aŋa sâsâc bafârekicne. ⁵ Motâc â qâqâtâc katanŋ jaŋe sasawa tuturuŋ-jeŋic 4, 4; eme katanŋ biri 3 i ŋifec jaŋehac aŋac sâsâc bafârekicne.

⁶ Eme fic3ora moc bawec. Ira wâtuŋ ŋicne biricke rakicne. Fic i 3oricne-ticne 50 kubi â otecne-ticne 30 kubi. Erâ irec mainao fic moc zuhuckewec, i wâtuŋ biri â ririnehec.

⁷ Erâ fic moc bawec zâŋene Mumutara Giere Fic. Ira eri ŋeŋe-ticne ŋewecte ŋehuc mumutara gie bajuŋec. Eme fic irec sâpe i qârîŋkonec fuŋkerâ feku tapanao fisiwecko jâmâzâc katapazi fonke-fârekicne.

⁸ Eme fic irec râpenao hae 3oŋa moc fowec ira e jahacne fic bawec. Erâ fic moc zuhuckerâ bawec, i Faraore otâ, ñonân-ticne hâcne ere biŋe. Fic jajahec i fic3ora bawec irec sâc jaha bacjofawec.

⁹ Fic sasawa i qânâ kâcŋenezi â furi sâkozi barakicne; qânâ i sâcmeda râehuc segezi bâtâcne fasaec ekicne. Gâcne i faio fefec hefepie sâpene ewec â gâcne Wofuŋte ufuŋ irecne fuŋkerâ birike rakupie hae 3oŋa kâc-ŋenao fisiwec. ¹⁰ Ficte hobeteŋne i qânâ fârîne â kâcŋene râe rambiŋ, gâcne jaŋere sâc kubi 10, gâcne jaŋere kubi 8. ¹¹ Eme irec fainao qânâ kâcŋene, sâcmeda râehuc he fasaec ekicne i râerâ jâmâzâc katapa mâmâc râembiŋ. ¹² Hae 3oŋa kâcŋenao qânâ he fasaec ehuc qânâ biri jahec â moc â biri moc ine jâmâzâc paraŋ iŋuc râembiŋ; erâ Wofuŋte fic irec hae 3oŋa piticne â eri fic irec hae 3oŋa i sâc ijaha bakicne.

Huramzi taha ufuŋ maŋnao aenŋi metâ gie bawec

(Bin II, 2: 13-14; 3: 15 — 5: 1)

¹³ Eme ŋicwofuŋ Salomozi kiŋaŋ sorec-jopame ra ŋic moc zâŋene Huram, Tiro haeonec, e jowa warembiŋ. ¹⁴ Ŋic e Naftali guruonec hozec moc ere ŋokâ. Mamac-ticne ine Tironŋic, e aenŋ bâbâronŋi wiac bapa ŋic juwec. Ehame Huram e wâc iŋuc jaha aenŋ bâbâronŋi gie i me i baocte moc mi qurŋkehuc mamana sarichec jujâmbâŋkewec. Eki hâcne ŋicwofuŋ Salomo erao fisirâ gie-ticne bacne-fârewec.

¹⁵ E aenŋ bâbâronŋi wâtuŋ ŋicne jajahec bacjofawec. 3oricne-jekicte sâc i kubi 18; eme oorân-jekicte sâc muc moc râepie orânkerâ kubi 12 irec sâc ewec. ¹⁶ Eme aenŋ bâbâronŋi wâtuŋ utu jajahec bacjofarâ wâtuŋ ŋicne jahere tofao zuhuc-jofawec. Utu jahec 3oricne-jekicte sâc kubi 5 ewec. ¹⁷ Eme utu jahere faio eri wiac mizekicne râeckehuc râekicne, i kâpâcwârû mizekicne

7 irec hawari tinac bakicne. ¹⁸Eme eri wiac irec fainao jâchândân hawari biri 2 râec-jofahuc rârec rârec râe rawec. ¹⁹Eme wâtuj ñicne jahere tofao utu râec-jofakicne jahere faio faroqac hawari metâo râe-fârekicne. Jahere sâc ine kubi 4 ewec. ²⁰Eme jâchândân hawari biri 2 wâtuj utunere faio eri wiac mizekicne irec fainao rârec rârec râec-jofakicne irec mañnao jâchândân 200 biricke rakicne, â wâtuj mocte faio sâc ijaha bakicne. ²¹Eme tiri ufunte ficzuhuc mamai ñewec irec mañfunjo wâtuj ñicne jajahec âkendân-jofawec. Wâtuj ñicne fâreopec âkendânnerâ zâñene Jakiñ muwec, erâ wâtuj ñicne qanaopec âkendânnerâ zâñene Boasi muwec. ²²Eme wâtuj utune jahere faio faroqac hawari metâ barâ râekicne. Jaje iñuc ehuc wâtuj ñicne jahere gie batarambiñ.

²³Eme aej bâbâronj rike suerkerâ opâ râqâc sâko mako oorânj moc bawec. Mecqañegne ñifeckonec ñifec fisiwec i kubi 10 irec sâc. Hânne-ticnere sâc i kubi 5, â mucsâc orânkehuc fârepie kubi 30 ewec. ²⁴Eme râqâc sâko mecqañegne herirignao metâ wiac hândân biri jajahec râreckehuc râekicne. Eme kubi moc mañnao hândân 10, 10 iñuc sasawa. Eme irec sâc fuaocte qanañ afezi sâsâcne barâ râepie foha aej bâbâronj rikerâ hesiepie hurâ fuawec. ²⁵Eme râqâc sâko i bulimakao hawari 12 jahere faio râekicne. Jageraonec jahec â moczi faic mârenkopec maickerâ domambiñ, jahec â moczi 3oanjuhuhunaopec, jahec â moczi juwic mârenkopec â jahec â moczi 3oan wewefunaopec. Eme sârec-jenjiczi iitlic ehapie râqâc sâko i fai-jenjicko ñewec. ²⁶Eme râqâc sâko qâfoñne-ticne i metape mocte sâc, eme mecqañeg-ticne i hapec mecqañeg iñucne â hawarine i faroqac âri iñucne; mañnao opâ hurâ ñewec i pake 2 tausenj irec sâc.

²⁷Eme e aej bâbâronjzi keretac wiac 10 bawec wâc. Jajere sâc 3iñuc: 3oricne-jenji kubi 4, otecne-jenji kubi 4 jaha, â hânne-jenji i kubi 3 irec sâc. ²⁸Eme keretac jaje 3iñuc bakicne: Keretac fârinere aej hânne otecne râerâ râreckehuc sâpene bambiñ. ²⁹Eme sâpene ira laionj, bulimakao â kerubim hawari metâ barâ râe rakicne, â aej hânne otecne faio sâc ijaha fowec, eme laionj â bulimakao jajere faicpec â juwicpec ira hendiñ wiac metâ barakicne. ³⁰Eme keretac sâc zafengân 4 fowec i aej bâbâronjzi bakicne, eme otecne-jenji i aej bâbâronjzia bakicne. Eme mene ñeñehasic i tuturugne sâc râekicne â opâ râqâc ihec 3uzuhuc bakicne. ³¹Eme keretac irec fainao râqâc ñeñe-ticne oorân bambiñ, i kubi 1 irec sâc bapie hân fewec. Otecne-ticnere sâc i kubi 1 â nâfocne ewec. Eme ira metâ wiac barakicne. Eme keretac sâpene i tuturugne 4 oorân tâmiric fâfâsâc bakicne.

³²Eme zafengân jaje juwic qañegñao ñifec â ñifec ñembiñ â otecne-jenji i keretackonec wâtuj hân wahawec ihec basanañkekicne. Eme zafengân sosoka-jenjicte sâc i kubi 1 â nâfocne. ³³Eme zafengân jaje keretac zafengân iñucne; eme otecne-jenji â zafengânthe hawec â zafengân mañnao dope doma rawec â zafengânthe oorânne i afezi sâc barâ aej bâbâronj rike hesiec epie hurâ fua-fârewec. ³⁴Eme mebapa 4 jaje keretac tuturug sâc keretachec 3uzuhuc bahuc râekicne. ³⁵Eme keretac fainao ira wiac oorân moc bakicne, i kubi moc nâfocnere sâc fowec erâ wâtuj â sâpenehec fowec. ³⁶Erâ wâtuj â sâpene ira sawane fowec sâc metâ bapazi kerubim, laionj â hâmuñac hawari wiac bahuc hendiñ hawari wiac mâmâc râewec. ³⁷Keretac 10 jaje mutâcnekicne irec sâcko bawec hâcne. Jaje sasawa afezi sâcjenji barâ aej bâbâronjzi rike hesiec epie hurâ hawari-jenji â sâcjenji mocjaha jâmbân efârewec.

³⁸ Eme e aen bâbâronzi kuzi sâko 10 bawec. Kuzi mocte sâc i opâ pake 40 huwec. Mecqanŋen-ŋenicta sosoka i kubi 4, eme keretac sâc kuzi moc moc ŋerawec. ³⁹ Eme keretac 5 ŋane ufunŋe fâreopec râec-jopawec â 5 ŋane ine qanaopec râec-jopawec erâ râqâc sâko mako i fâreopec râeme juwic mârenkopec maickewec.

⁴⁰ Eme Huram e kuzi, sapac â soc titiere râqâc wiac bawec wâc. Inuc erâ ŋicwofuŋ Salomora micte Wofunŋe ufunŋko gie bawec i batara-fârewec. ⁴¹ E wiac ziguc bafârewec hâcne: Wâtuŋ ŋicne jajahec utu-jekic oorân barâ fainao eri wiac mizekicne sâckerâ râe rawec. ⁴² Erâ jâchândân hawari 400 bawec wâc, i eri wiac jajahec mizec-jofakicne ira biricke rakicne, ehuc eri mizekicne mocko jâchândân biri jajahec râec-jofakicne, â mocko biri jajahec jaha râec-jofakicne. ⁴³ Erâ keretac wiac 10 â kuzi sâko 10 i keretac sâc moc moc ŋerawec, ⁴⁴ erâ opâ râqâc sâko â i derâ domangopien bulimakao 12.

⁴⁵ Erâ kuzi, sapac â soc titiere râqâc wiac, ine hâcne, wiac keci sasawa i Huramzi ŋicwofuŋ Salomora micte Wofuŋ ufun-ticnere biŋe aen bâbâron emasankikicnezi bafârewec. ⁴⁶ Jordân wânŋko Zaretaŋ â Sukoti hae jahere ŋondenŋko ŋicwofuŋzi mume wiac keci afezi sâc barâ aen bâbâron rike hesiec epie hurâ fua-fârewec. ⁴⁷ Eme Salomoz i wiac keci ŋeŋe-ticnao râe-fârewec. Wiac i bocjaha â ŋemâcne jâmbân, irec ŋemâc-ticnere sâc ronŋte qunŋkembij.

⁴⁸ Eme Salomoz i mume Wofunŋe ufun irec wiac kecziŋuc i wâc bafârem-biŋ: Alata moc golzi bakicne, erâ tebo moc golzia bakicne, irec faio poroŋ furu mukicnezi fowec. ⁴⁹ Erâ lambe dodoma 10 gol ematauckekicnezi bac-jopakicne. ŋane furuficko ira mai domambiŋ, 5 ŋane fâreopec â 5 ŋane qanaopec inuc domambiŋ. ŋanere eri wiac, lambe â masune i golzia bakicne. ⁵⁰ Erâ râqâc â fitac wiac erâ soc titiere râqâc, kason â ŋan wiac i gol ematauckekicnezi bafârekicne. Eme furufic â furu dindiŋ irec motâc kataŋ, â fic maine irec motâc i golzia bakicne.

⁵¹ Eme ŋicwofuŋ Salomora micte Wofunŋe ufunŋko gie sasawa batara-fârepie tarama Salomo e mamac-ticne Dawidizi wiac sasawa gol, siliwa â wâcwiac gâcne bâtiriwec i bafisirâ Wofunŋe ufunŋko 3enŋ râewec.

Salomoz i zâzâfic katapa taha ufunŋko râewec

(Bln II, 5: 2-14)

8 Eme Salomo e Israe ŋanere soŋan micne, gurune gurune ŋanere femicnefâc â garikiŋ sâc ŋanere fekcicnefâc Jerusalem haeo hetumaŋ-jopawec, i Wofunŋe zâzâfic katapa Dawidire hae, Zion hâcne, irecnec miti ufunŋko bafenŋte hefârec-jopawec. ² Mosa 7, zâŋene Etanim ere damen maickeme Israe ŋic sasawa ŋane hombaŋ sâko ŋeniŋte ŋicwofuŋ Salomora fisirâ tumagnembij. ³ Israe ŋic ŋanere soŋan micne fisi-fârepie tarama taha bapa ŋane Wofunŋe zâzâfic katapa bafaharerâ ⁴renŋehuc bafembij, erâ tutumaŋ qoruc boze â irec magnao wiac fowec i mâmâc rombiŋ. Taha bapa â Lewiŋic ŋane renkembij hâcne. ⁵ Eme ŋicwofuŋ Salomo â Israe kikefuŋ erao tumagne-fârembiŋ ŋane sasawa zâzâfic katapa bânicehuc lama â bulimakao bocjaha jâmbân hezuc-joparâ tahare biŋe râepie ŋanere zare wowosene me mamana-fârene mi ewec. ⁶ Eme taha bapa ŋane Wofunŋe zâzâfic katapa bafisirâ ficmagne zâŋene furu dindiŋ ira kerubim jahere

fakec rurumaŋko ŋeŋe-ticnao hepie ŋewec. ⁷Ehame kerubim jahe fafakec-jekic zâzâfic katapa ŋewec irec fainao qaratiepic. Ehuc zâzâfic katapa â reŋwiac-ticne i sâockepic hâcne. ⁸Reŋ jahec-ticne zoricnere tofa-jekic i ficmaŋne zâŋene furu dindiŋ irecnec fotâcnerâ ficmaŋne mamai ira ŋiczi hohonere sâc epic. Fic sahaçnao hohonene i mi epic. ⁹Eme katapa irec magnaŋ qorac tapa jajahec sawa fopic, wiac gâcne aricne. Jahe Mosezi Horebe tikio ira katapao râec-jofawec. Israe ŋic jaŋe Aigita mâreŋ beherâ wahahapie Wofuŋzi jaŋehec zâzâfic ewec irec qorac tapa hâcne. Eme jahe ira fopiczi fokopirec jaha.

¹⁰Eme taha bapa jaŋe furufickonec wahahapie karoraczi Wofuŋte ufuf fusucmawec. ¹¹Irec taha bapa jaŋe karoracte gie-jeŋic baniŋte quŋkembŋ. Wofuŋte huriri qâreŋzi ufuf fusucmawec hâcne.

Taha ufuf mutirimbiŋ

(Bin II, 6: 1 — 7: 10)

¹²Eme Salomozi zŋuc muwec:

“O Wofuŋ, go sambâŋko zoaŋ râemeŋ ŋekac,
erâ gahac duŋdapâcko ŋeŋe juju ezore mukic.

¹³Irec go zira ŋeŋe juju ecmurâ ficsâko moc zâŋe biŋehec bagarepo,
go irec magnaŋ ŋeŋe juju erahuc juzemec sanaŋ.”

¹⁴Eme Israe kikefuŋ jaŋe woŋec doma-fârehapie ŋicwofuŋzi fotikierâ jambuŋ-jopawec. ¹⁵Jambuŋ-jopahuc kecziŋuc muwec: “Wofuŋ, Israere Anutu, e mumbiaŋkezo. Eki hâcne mamac-nane Dawidi dâŋ kecziŋuc âzâcnehuc fârine bâfuawec: ¹⁶‘No Israe ŋicfâc-nane Aigita mâreŋkonec jowac-jopape wahambiŋkonec teaŋ Israe gurune gurune jaŋerao zâŋe biŋe-nane fuaocte fic moc baniŋte hae moc mi bâwosâepo. Aricne, no Dawidi e Israe ŋicfâc-nane soŋaŋ-jopaocte bâwosâepo.’ ¹⁷Eme mamac-nane Dawidi e Wofuŋ, Israere Anutu sâsehuc fic moc bacneocte maŋkehuc juwec. ¹⁸Wofuŋzi ine mamac-nane Dawidi zŋuc âzâcnewec: ‘Go zâŋe biŋe-nanere fic moc bazo maŋkekic i honepe mamana biaŋne ekac. ¹⁹Erâ sifu go gahac mi bazemec. Aricne, ŋokâge moc fua-gareocmu eki zâŋe biŋe-nanere fic moc fuaocte bazejec.’ ²⁰Eme Wofuŋzi dâŋ muwec irec fârine bâfuawec wâc. No mamac-nane Dawidi âkehockehuc Israere eri ŋeŋeo ŋekopac. I Wofuŋzi muwec irec sâc fuawec. Eme no Wofuŋ, Israere Anutu ere zâŋe biŋe fuaocte ufuf moc bapo hâcne. ²¹Eme Wofuŋzi mamacfâc-nâŋec Aigita mâreŋkonec jowac-jopa wahahuc jaŋehec zâzâfic ewec zâzâfic katapa irec ŋeŋe hae moc bâfuakopac hâcne.”

²²Eme Salomo e Wofuŋte alata irec maŋfuŋko Israe kikefuŋ jaŋere maio domahuc meticne sambâŋkopec bafaharehuc qaratiewec. ²³Ehuc zŋuc muwec: “O Wofuŋ, Israere Anutu, sambâŋko me mâreŋko gore sâc Anutu moc mi jujâmbâŋkekac. Goki hâcne kiŋaŋŋicfâcge gore maio maŋ hâcbuc juengopieŋ jaŋe maŋjaŋ fofo sanaŋ ejarehuc jaŋehec zâzâfic emeŋ i mi hetâcneekic. ²⁴Go kiŋaŋŋicge, mamac-nane Dawidi hâcne, e findaŋdâŋ âzâcnemeŋ irec fârine bâfuameŋ. Go mârâc miczi dâŋ numeŋ i miŋecgac megezi fârine bâfuakomec. ²⁵O Wofuŋ Israere Anutu, go kiŋaŋŋicge mamac-nane Dawidi findaŋdâŋ zŋuc âzâcnemeŋ i mutec fârio qazejec: ‘Ŋokâfâcge jaŋe goki nore maio jumeŋ irec sâcko juhuc hata-jeŋic aimuŋ jaha soŋaŋkehuc nore maio juniŋmuo ine noni mupe go ŋic moc Israere eri ŋeŋeo nore maio ŋeocte mi basacmu.’ ²⁶O Israere Anutu, go irec hâcne

kiŋaŋŋicge, mamac-nane Dawidi hâcne dâŋ âzâcnemeŋ i mutec sanaŋ-kezejec.

²⁷“Jai, Anutu, go mâreŋko sâcne jucmu? Jâmbomac, sambâŋne sambâŋne jaŋe gore sâc mi ehapie go iŋucne sâkozi no fic zi bagarepo ira weniguc sâcne ŋeŋe juju ecmu? ²⁸O Wofuŋ Anutu-nane, go kiŋaŋŋicge no miŋecgac gore maio wira wâwâsic ekopac irec hazec râerâ nunumu-nane manazemec. ²⁹Go fic zirec ziŋuc mumeŋ: ‘I zâŋe-nanere ŋeŋe hae ezejec’; irec go ŋafe zoaŋ sâc fic zira zâŋe fitec wahazejec â kiŋaŋŋicge no fic zira nunumu gie bahape mana-narezemec. ³⁰Kiŋaŋŋicge no me Israe ŋicfâcge nâŋe fic zira wâsicgupene goki faic sambâŋko ŋeŋe haegao juhuc nunumu-nâŋec manarâ aki anonoc enârezemec.

³¹“Ŋic moczi âgo-ticnerao bahac ŋemâcne bâfuame âgonezi mumupaŋ dâŋ muocte fânoc hecneme fic zira alatagere maŋfuŋko mumupaŋ dâŋ i muocte fisiocmuo ³²ine goki faic sambâŋko juhuc dâŋjekic manarâ kiŋaŋŋic jahecge jahere mumutara gie bahuc ŋic hehesicne eebapa-ticnere sâcko okacne râcnezemec â bahacmâc juwec e ine tiŋne juju-ticnere sâcko akickezemec.

³³“Israe ŋicfâcge jaŋe hehesic juhuc bugao bahapie go râsifâc-ŋeŋic mana-jaretec bawahac-jopapie jaŋe maŋŋeŋic bârisiehuc gorao risierâ zâŋeŋe mutaniŋkehuc fic zira numu hefârec egareniŋmuo ³⁴goki faic sambâŋko juhuc dâŋŋeŋic manarâ sâqocne-ŋeŋic mutâmiŋe-jarehuc kâcŋenefâc-ŋeŋic mâreŋ jaremeŋ ira mocwâc râec-jopazemec.

³⁵“Jaŋe hehesic juhuc bugao bahapie goki sambâŋte motâc hetec hoe mi hehe mâc foomu, eme goki bâtiŋ-jopakomecte fic zira zâŋeŋe mutaniŋkehuc sâqocne-ŋeŋic beherâ nunumu gie baniŋmuo ³⁶goki faic sambâŋko juhuc dâŋŋeŋic manarâ kiŋaŋŋicge no â ŋicfâcge Israe nâŋere sâqocne mutâmiŋehuc mutec ŋicfâcge mâreŋ-ŋeŋic biŋe qajaremeŋ ira hoe hezejec. Go iŋuc ehuc hata biagne âte raniŋte qazu-jareekic hâcne.

³⁷“Eme mâreŋ-nâŋecko roroc me huc mimicne moc fuaocmu me nânâzi gieo hâmo qanzaŋaŋ eocmu me hâpic me gokic guru sâko fisiniŋmu, me râsifâc-nâŋec jaŋe fisirâ hae-nâŋec moc somâ baniŋmu me wiac hâhâwicne me hucsâko moc fuaocmu ³⁸me wiac hâhâwicnezi ru sâc buzâic bâfua-nâreme ŋic izi me izi me Israe ŋicfâcge sasawa nâŋe numu hefârec egarehuc fic zira menâŋec nunumu sicne-garenaŋmuo ³⁹goki faic sambâŋko ŋeŋe haegao juhuc aki anonoc enârerâ ru sâc eebapa-nâŋecte sâcko wiac enârezemec. Goki buce mâreŋ ŋic sasawa maŋŋeŋic hone taraekiczi maŋnâŋec honeekic wâc. ⁴⁰Irec erâ nâŋe kâcŋenefâc-nâŋec mâreŋ tahac-jopameŋ ira jufenaŋmu sâc araŋ bagarehuc junzepeŋeŋ.

⁴¹“Eme ŋic jaŋe zâŋe sâkoge â tâpiri qunqasangere biŋe mananiŋmu; ⁴²ehame ŋic furune moc, Israe ŋicfâcge nâŋere guruo mi fuakicnezi mâreŋ zorickonec zâŋe biŋegere ehuc fisirâ fic zira nunumu gie baocmu ⁴³ine goki faic sambâŋko ŋeŋe haegao juhuc dâŋticne manarâ wiac irec me irec numu-gareme manacnezemec. Go iŋuc etec ŋic gurune gurune mâreŋ sâc juranŋopieŋ jaŋe zâŋe biŋege manarâ Israe ŋicfâcge nâŋe araŋ bagareen-gopeneŋ irec sâc jaha araŋ bagarehuc ziŋuc mananzeŋieŋ: Fic bagarepo zira zâŋe biŋege fokac.

⁴⁴“Eme go ŋicfâcge ira me ira sorec-nâpotec râsifâc-nâŋec jopanŋte zikao rahuc hae sâko zi bâwosâemeŋ â zâŋe biŋege fuaocte fic bagarepo zirapec zâŋe fihuc gorao nunumu gie baniŋmuo ⁴⁵goki faic sambâŋko

juhuc numu hefârec dâgnâñec manarâ dopec-nâpozemec.

⁴⁶“Ŋic moczi hehesic tâmiric moc mi jukac, irec nâñe hehesic moc bâfuarâ bugao bananmu ine goki aaric manahuc râsifâc-nâñec janere meo râec-nâpotec jâne mâreñ-jenñic bembenjo me zoricko fokac ira kâpâcwârue bacnâpo ranigmu. ⁴⁷Eme nâñe kâpâcwârue râec-nâpombiñ mâreñ ira mañ-nâñec bârislehuc gorao risierâ numu hefârec egarehuc zinjuc munanmu: ‘Nâñe sâqorehuc sindan â hehesic bâfuamben.’ ⁴⁸Nâñe injuc muhuc gorao risierâ râsifâc-nâñec kâpâcwârue bacnâpo rambiñ mâreñ ira mañ qâqâtâc-nâñec furu jaha gorao râehuc mâreñ-nâñec kâcqenefâc-nâñec tahac-jopamenñ erâ hae sâko bâwosâemenñ erâ zâñe biñege fuaocte fic bagarepo zirapec zâñe fihuc nunumu gie gorao bananmuo ⁴⁹goki faic sambânko ñeñe haegao juhuc numu hefârec dâgnâñec manarâ dopec-nâpozemec. ⁵⁰Erâ hehesic â qaqatara bâfuarâ bugao bamben i mutâmir-nâre-fârerâ kâpâcwârue bacnâpombiñ jâne ejaretec busâqoc mana-nârenzeñeñ. ⁵¹Wemocte, nâñe gore ñicfâc â biñefâcge jingopenenñ irec. Go Aigita mâreñko aen zocbârueñ irec sâc zâic sererenñ magna jumbenkonec bawefuc-nâpomenñ; ⁵²irec kiñanñicge â ñicfâcge nâñe numu hefârec egarepene sâc nâñerâo zâñe fihuc mana-nârezemec. ⁵³O Wofuñ Anutu, goki hâcne ñic gurune gurune mâreñ sâc juranqopienñ janeraonec bâtâc bacnâporâ biñefâcge bacnâpomenñ; go kâcqenefâc-nâñec Aigita mâreñ-konec bawefuc-jopahuc kiñanñicge Mosere micko dâñ râemenñ irec sâcko wiac efâremerñ hâcne.”

⁵⁴Eme Salomo e Wofuñte alata irec manñunjo dienzi herâ meticne sambânkopec bâfeñnehuc Wofuñ numu hefârec ecnekume tarame faharewec. ⁵⁵Fahare domahuc Israe kikefuñ sasawa dâñ marac sâkoo kecziñuc muhuc jambuñ-jopawec: ⁵⁶“Wofuñzi Israe ñicfâc-ticne nâñac dâñ mupanke-nârewec irec sâc jujuhâmo bâfua-nârewec e mumbiankezo! Eki hâcne kiñanñic-ticne Mose ecneme findandâñ biñne mufua rawec irecneñ dâñ moc waha qahuc fârimâc mi ewec. ⁵⁷Wofuñ Anutu-nâñec e mamacfâc-nâñec jagehec juwec irec sâcko nâñâcnehec juzeñec wâc, e beheç-nâporâ mi râpec-nâpozeñec. ⁵⁸Eki magnâñecte guriñ baha erao domazeñec. Ehame hata-ticnao jufârehuc mamacfâc-nâñec sâcmutâc, dâñsanañ â mumutâc dâñ wiac jarewec i mana rerenñ enzeñeñ. ⁵⁹Eme no Wofuñ mu wâwâsic ecnekopac dâñ zizi Wofuñ Anutu-nâñec ere manñunjo ñafe 3oan sâc fozeñec. Ehame e kiñanñic â Israe ñicfâc-ticne ñafe 3oan sâc bafic-nâpohuc dâñnâñec mutarazeñec. ⁶⁰Inuc enâreme ñic gurune gurune mâreñ sâc juranqopienñ jâne zinjuc mana taranzeñeñ: Wofuñ e Anutu fârine jukac. Erao zuhuckerâ Anutu moc mi jujâmbânkekekac. ⁶¹Irec ñeñe manñenñic hâcbuc jaha Wofuñ Anutu-nâñectao râerâ dâñsanañ-ticnere hata âtehuc sâcmutâc dâñticne damenñ zi eengopienñ irec sâcko soñankehuc junzeñeñ.”

⁶²Eme ñicwofuñ â Israe kikefuñ sasawa jâne Wofuñte maio taha bâzi rikembij. ⁶³Eha Salomo e bulimakao 22 tausenñ â lama 120 tausenñ i wama bâzire muhuc Wofuñte taha bacnewec. Inuc ehuc ñicwofuñ â Israe kikefuñ sasawa jâne Wofuñte ufur mutirimbiñ. ⁶⁴3oan ijaha ñicwofuñzi hae 3oñ 3âzâñigne moc Wofuñte fic mamai fowec i mutiriwec wâc. Ira hâcne qowi bâzi, taha bâzi â wama bâzire wokemañ wiac taha bawec. Qowi bâzi, taha bâzi â wama bâzire wokemañ bocjaha fuawecte Wofuñte maio alata aen bâbâronzi bakicne ñewec ira wiac i râe-fâreniñte quñkembij hâcne.

⁶⁵Eme Hamati hae ramicnaonec fuñkerâ huraku Aigita mârenñe opâo

tarakac mâreŋ ɲondeŋ irecnec ɲic ɲokac guru sâko jâmbân, Israe kikefuŋ sasawa jaŋe hâcne hehâckerâ Salomohec tumagnehuc Wofuŋ Anutu-jegicte maio 3oaŋ 7 hombaŋ ɲembiŋ. ⁶⁶Eme 3oaŋ 8 maickeme ɲicwofuŋ Salomozi kikefuŋ mâzoc-jopame jaŋe e mumbiankehuc bubian faio hae-jenig sâc râwiŋne-fârembiŋ. Wofuŋzi kiŋaŋɲic-ticne Dawidi â Israe kikefuŋfâc-ticne ehâmo-jarewecte 3eri ehuc râwiŋnembiŋ hâcne.

Wofuŋzi Salomo mocwâc fuacneme arec jajahec ewec

(Bin II, 7: 11-22)

9 Eme Salomo e Wofuŋte fic mecne, e jahacne erific mecne â ficwiac gâcne baocte maŋkewec sâc i batara-fârewec. ²Eme Wofuŋzi mârâc Gibeon haeo Salomo fuacnewec irec sâc mocwâc fuacnewec. ³Ehuc dân kecziŋuc âzâcnewec: "Go nore maio wira wâwâsic emeŋ i manapo. Eme go nore zâŋe fosanaŋkeocite fic bameŋ i jambuŋkepo, irec maŋzâŋe-nane ira râepe raŋqa raŋqa forahuc juzejec sanaŋ. ⁴Eme go mamacge Dawidizi nore maio juwec irec sâc siocmâc â tiŋne juhuc noni dânsanâŋ â mumutâc dânane reŋkeniŋte râe-ɲarepo i reŋke-fârecmuo ⁵noni ɲicwofuŋ ɲegege basanaŋkepe Israe kikefuŋ raŋqa raŋqa ɲicwofuŋ juarecnu. Noni mamacge Dawidi kecziŋuc âzâcnewec irec sâc fuaocmu: 'Go ɲic moczi Israere eri ɲeŋeo ɲeocite moc mi basa-jâmbânkecnu.' ⁶Ŋoŋe me ɲâricfâc-ɲeŋic ɲoŋe ine râpecnuhuc sâcmutâc me dânsanâŋ-nane râe-ɲarepo i mana rereŋ mi ehuc rarâ nemu gâcne numu-jarehuc kiŋaŋ qajarenigmuo ⁷ine noni Israe kikefuŋ mâreŋ tahac-ɲopapo irecnec bâsirowec-ɲopapemu, erâ ufuŋ zira nore zâŋe biŋe foocte mutiripo i mai-naneonec tuŋkepe raocmu; eme ɲic gurune gurune jaŋe Israe ɲic ɲoŋerao iticnehuc mu qâqiŋ dân â mu âke sisic dân eɲarenigmu. ⁸Eme fic sesuctac fuame jâurunigmu sâc jaŋe bipic tatara ejaŋeha sisi fufuŋgaŋ ehuc ziŋuc mu wioc enigmu: 'Wofuŋzi wemocte hae mâreŋ â ufuŋ zi wiac iŋucne ejaŋewec?' ⁹Jaŋaczia iŋuc wiuhuc ziŋuc munzongopieŋ: 'Jaŋe Wofuŋ Anutu-jegiczi kâcɲenefâc-jenig Aigita mâreŋkonec jowac-jopa wefuwec e beheŋâ nemu gâcne jaŋerao qohotarâ numu-jarehuc kiŋaŋ qajarembiŋte Wofuŋ Anutu-jegiczi wiac hâhâwicne keci sasawa bâfua-jare-fârewec.'"

Salomozi wiac gâcne ebac ewec irec binâŋ

(Bin II, 8: 1-18)

¹⁰Eme Salomo e fic jajahec, Wofuŋte fic â e jahacne fic i jara 20 sâko baku batara-fârewec. ¹¹Tiro haere ɲicwofuŋ Hiram eki jâc sasawa, jâmâzâc mecne, wete mecne â gol mecne i Salomoro aŋac fowec sâc râecne-fârewec. Eme ɲicwofuŋ Salomozi irec okacne Galilaia mâreŋko. hae 20 ɲerambiŋ i râcnewec. ¹²Eme Hiram e Salomozi hae 20 râcnewec i hone tâcneocite Tiro haonec waharâ honec-joparâ maname mi sâckewec. ¹³Irec Salomo ziŋuc âzâcnewec: "Hahac-nane, go hae zi wemo hae naremeŋ?" Iŋuc murâ mâreŋ irec zâŋe Kabuli muwec. Nâŋâcne dânko: Guec tâmiric. Eme zâŋe i ziŋuczia fokac jaha. ¹⁴Eme Hiramzi gol moneŋ sâko 120 ɲicwofuŋtao râeme rawec.

¹⁵Eme zi ine ɲicwofuŋ Salomozi ɲic gâcne kiŋaŋ qaqa gie mujareme bambiŋ irec binâŋ. Jaŋe kiŋaŋ qaqa gie bahuc wiac ziŋuc baŋârembiŋ:

Wofuŋte ufuŋ, Salomo e jahacne ficsanaŋ Milo â Jerusalem haere sac-sanaŋ erâ hae sanaŋ Hazoro, Megido â Gazere. ¹⁶ Eme Gazere haere fuŋne ɓiɓuc: I mârâc jaha Aigita ŋicwofuŋ Faraozi wefurâ ro rauc erâ ɓoc râeme ɓâseŋkeme Kanaaŋ ŋic hae rune qâhâmoc-jopawec, erâ juku otâ-ticne, Salomoro ɓonâŋ hâcne, e meo babacte bubiaŋ wiac râcnewec. ¹⁷ Eme Salomo e Gazere haere sesuctacko hae qâricne barâ Bete-Horoŋ hae juwicne i bawec wâc, ¹⁸ erâ Juda mâreŋ burocnao Balata â Tama hae i mâmâc bawec. ¹⁹ Erâ wâc rowaŋ hae-ticne sasawa â keretac â becâsifâc-ticne jaɓere hae biri â wiac gâcne i Jerusalemko me Lebanorŋ tiki mâreŋko me uucmaŋ-ticnao ira me ira baocce aɓackewec sâc bafârewec hâcne. ²⁰ Eme Amori, Hiti, Perizi, Hiwi â Jebusi ŋicguru jaɓere ɓika nâfoc jumbiŋ jaɓe Israe kikefuŋ jaɓere tofafâc mâcne. ²¹ Israe ŋic jaɓe ŋicguru i jopa mizieninɓe eipiembiaŋ. Irec nâfocne jumbiŋ jaɓere qâricfâc jaɓe Israe mâreŋko zuhuckerâ jumbiŋ. Eme i jaɓe hâcne Salomozi kiŋaŋ qaqa gie sâko baniŋte mupaŋke-jareme zuzuhuc jaha bambiŋzi bahuc juŋgopieŋ. ²² Â Israe ŋic jaɓe ine gie moc mi mupaŋke-jarewec. Jaɓe momorifâc-ticne erâ momori micne fekicne â wahakicne erâ keretac â becâsifâc-ticne jaɓere soŋaŋ jumbiŋ.

²³ Eme Salomoro gie wiac bahuc jumbiŋ ŋic i jaɓere micne ine ŋic 550 jumbiŋ. Jaɓe ŋic soŋaŋ-jopahapie gie wiac bahuc jumbiŋ hâcne.

²⁴ Eme Salomo e Faraore otâ Dawidire haeonec jowa wefurâ fic bacneweckoa râeme fewec. Iɓuc erâ Milo ficsanaŋ bawec wâc.

²⁵ Salomozi Wofuŋ alata bacnewec irec fainao jara sâc arecne 3 qowi bazi â wama bâzi erâ hosâc âsu wiac i Wofuŋ rikecne juɓec. Iɓuc ehuc fic batara-fârewec.

²⁶ Eme Hâwec Bâbâronɓe mecnao Edom mâreŋko Eloti hae bemberko Ezioŋ-Gebe hae ŋekac ira Salomozi mume woke wiac bacnembiaŋ. ²⁷ Eme Hiram e kiŋaŋŋicfâc-ticne gâcne, wokeo juhuc hâwecte fuŋne mamana, jaɓe sorec-jopame Salomoro ŋicfâc jaɓehec wokeo jumbiŋ. ²⁸ Eme jaɓe raku Ofiri mâreŋko fisirâ gol moneŋ sâko 420 rorâ risiehuc ŋicwofuŋ Salomo bafisicnembiaŋ.

Seba mâreŋte ŋokac wofuŋzi Salomoro fisiwec

(Bin II, 9: 1-12)

10 Eme Seba mâreŋte ŋokac wofuŋ eki Salomoro ɓâŋe biɓe manarâ dâŋ herâricnao esâickeocce fisiwec. ² E kikefuŋfâc-ticne guru sâko jâmbâŋ jaɓehec Jerusalem haeo fisimbiaŋ. Ehame kamelefâc-ticne jaɓe nânâ ba bâziziwec eere wiac mecne, gol bocjaha mecne â qânâ wiac furi sâko i mâmâc âsickembiaŋ. Eme e Salomoro fisirâ ehac dâŋezore maŋ-kewec i âzâcne-fârewec. ³ Erâ dâŋ wiocnewec sâc irec okacne Salomozi sâcne bâtikiecnawec. Ŋicwofuŋ e wiwio irec me irec okacne bârisieocce moc mi bititiewec hâcne. ⁴ Eme Seba mâreŋte ŋokac wofuŋ e Salomo maŋqârâŋ-ticne â fic bawec ⁵ â tebo-ticnao nânâ wiac fowec, â kâcɓenefâc-ticne e orâŋkehuc ŋembiaŋ â kiŋaŋ qaqaɓâc-ticne jaɓe ŋaqi biagne rojuhuc kiŋaŋ qacnembiaŋ â waiŋ soŋaŋfâc-ticne gie-jeŋic bambiaŋ erâ Wofuŋte ufuŋko qowi bâzi rikehuc juwec, wiac i sasawa hone-fârerâ maŋne omaewec.

⁶ Eme ŋicwofuŋ ɓiɓuc âzâcnawec: "No mâreŋ-naneo juhuc eebapagere â

maŋqârâŋgere biŋe bâroŋ manapo i fârine zine hâcne bâfuakopac. ⁷No biŋege sawa manahuc manape fârine mi ewec. Miŋecgac no nahac fisirâ zâŋe fâri-nanezi qame honehuc zŋuc manakopac: Jaŋe dâŋ binâŋ huŋtuc sawa enarembiŋ zi ine maŋqârâŋge â jujuhâmoge izi biŋege siricke-fârekac. ⁸Ŋicfâcge â kâcŋenefâcge dameŋ sâc gore maio domahuc maŋqârâŋgere dâŋ mana sakac eengopieŋ jaŋere manape zerine ekac. ⁹Wofuŋ Anutuge e mumbiankezo! Eki hâcne Israe kikefuŋ maŋjaug fofu sanâŋ ejarehuc gore maname sâckewecte ŋic eebapa bianŋe â fâreŋkoa jowac-jopahuc jucmurâ Israere eri ŋeŋeo râecguhuc ŋicwofuŋ âkendâŋguwec.” ¹⁰Iŋuc murâ ŋicwofuŋ gol ŋemâc-ticne 120 erâ nânâ ba bâziziwec eere wiac bocjaha jâmbâŋ â qânâ wiac furi sâko râcne tahac ewec. Seba mâreŋte ŋokac wofuŋ e ŋicwofuŋ Salomo nânâ ba bâziziwec eere wiac râcnewec i hâhâwicne jâmbâŋ. Iŋucne sâko i zâhec moczi mocwâc mi bafisiwec.

¹¹Erâ wiac i sawa mâcne, Hiramte woŋefâc jaŋe Ofiri mâreŋkonec gol baware jumbieŋ jaŋe kionjâc bocjaha â qânâ wiac furi sâko Ofiri mâreŋkonec bafisi jumbieŋ wâc. ¹²Eme Salomozi mume jâc bianŋe i rohuc Wofuŋte fic â e jahacne fic irec wâtun gâcne barâ gae hehe ŋic jaŋere gita kulele wiac bajarembiŋ wâc. Jâc bianŋe iŋucne mârâc jaha mi bafisikicne â mi honekicne â zâhec wâc iŋuc jaha mocwâc mi honembiŋ.

¹³Eme ŋicwofuŋ Salomozi Seba mâreŋte ŋokac wofuŋ e wiac aŋac manarâ mufuawec sâc i tahackehuc wiac gâcne e jahac râcnezo manasuwece i zuhuckecnewec. Eme e â kikefuŋfâc-ticne jaŋe faharerâ mâreŋ-jejicko risie rambiŋ.

Salomo e moner jafa â zâŋe biŋe sâkohec juwec

(Bin II, 9: 13-24)

¹⁴Eme jara sâc gol wiac Salomorao fisi juŋec irec ŋemâc i 660. ¹⁵Erâ i âbârâ gie bapa ŋic nareŋ gareŋ ejumbieŋ jaŋere sahac taha erâ Arabia mâreŋte ŋicwofuŋ jaŋere sahac taha â mâreŋ soŋaŋ jaŋere sahac taha moner bafisimbij i ira zuhuckewec.

¹⁶Eme ŋicwofuŋ Salomozi mume gol ematauckekicnezi maro kâcŋene 200 bambij. Maro mocte gol râembij irec ŋemâc 600. ¹⁷Erâ maro piticne 300 i gol ematauckekicnezia bambij wâc. Maro mocte gol râembij i ŋemâc-ticne 3 paon irec sâc. Eme ŋicwofuŋzi mume maro wiac i Lebanon Kâtefic ira râembij. ¹⁸Eme ŋicwofuŋzi mume elefaŋte zugeŋezi eri ŋeŋe sâko moc barâ gol ematauckekicnezi foŋkembij. ¹⁹Eme ŋeŋe e riri-ticnehec, ririŋe feggaŋne 6 fowec. Erâ ŋeŋe irec râpenao ira bulimakao qizec metâ bakicne. Ŋeŋere qaŋeŋnao ŋifec â ŋifec ine me heheŋiŋ ba akic ekicne, â irec qaŋeŋnao laion hawari jajahec metâ bakicne. ²⁰Eme laion hawari 12 i riri feggaŋne 6 ira ŋifec â ŋifec râec-jopakicne. Uucmaŋ ira me ira wiac iŋucne moc mi bambij, aric kereŋne. ²¹Ŋicwofuŋ Salomore waiŋ â opâ râqâc wiac sasawa i golzi bafârekicne, erâ Lebanon Kâteficko râqâc wiac fowec i gol qaqacnezi bakicne. Salomozi juwec dameŋ ira siliware manapie wiac omane ewec. ²²Ŋicwofuŋ e Tarasisi haonec woŋe sâko jucnembiŋ, jaŋe ŋicwofuŋ Hiram ere woŋefâc jaŋehec mâmâc hâwecko jujumbieŋ. Erâ Tarasisi haonec woŋe jaŋe jara 3 taram sâc fisihuc gol, siliwa, elefaŋte zuge, moŋki â wipe hawari biaŋ bafisicne jumbieŋ.

²³Eme ŋicwofuŋ Salomo e moner jafa sâko â mâŋqârâŋhec juhuc

mâreŋ sâc ŋicwofuŋ jurambiŋ jaŋe siric-jopa-fârewec. ²⁴ Ehamē Anutuzi maŋqârâŋ tahackewecte ŋicne ŋicne jaŋe Salomo honehuc maŋqârâŋ-ticnere dâŋ mananiŋte ejarewec. ²⁵ Eme jarane jarane fisimbiŋ sâc jaŋe buc buc taha wiac-jeŋic bafisihuc râqâc wiac siliwa â golzi bakicne, erâ ŋaqi qoruc â wiac âsu biaŋ, â nânâ ba bâziziwec eere wiac erâ becâsic doggi wiac râcne jumbiŋ.

Salomozî becâsic â keretac rome fisiwec

(Bin II, 1: 14-17; 9: 25-28)

²⁶ Salomo e keretac â becâsicko rara ŋic hetumaŋ-jopawec. E keretac 1 tausen 400 â becâsicko rara ŋic 12 tausen jucnemiŋ, eme i jaŋe rocjoparâ keretac jujure sâc hae iŋucnao râec-jopawec â gâcne ine ŋicwofuŋ e jahacnehec Jerusalem haeo jumbiŋ. ²⁷ Eme ŋicwofuŋ e siliwa â gol i Jerusalem haeo qânâ iŋucne kosa râeme forawec â jâmâzâc jâc bocjaha jâmbâŋ rome fisirâ Sefela mârenko kakikic jâc forawec irec sâc forawec. ²⁸ Erâ Salomo becâsic bafisicnemiŋ i Aigita â Kue mârenkonec. Ŋicwofuŋte furi bapa ŋic jaŋe Kue mâreŋ ira hâcne furine bambiŋ. ²⁹ Ehuc Aigita mârenkonec keretac moc i siliwa moneŋ 600-zi furine bambiŋ, â becâsic moc irec furi ine siliwa moneŋ 150 râemiŋ. Eme Hiti â Siria ŋicwofuŋ jarepie jaŋe wâc jaŋere meonec furine bambiŋ.

Salomo e juju-ticne sâqorewec

11 Ŋicwofuŋ Salomo ere maŋzi ŋokac jabane kecziŋuc jaŋerao boc domawec: Farao otâ-ticne, Moabi ŋokac, Amoŋ ŋokac, Edom ŋokac, Sidon ŋokac â Hiti ŋokac. ² Eme Wofuŋzi mârâc jaha ŋicguru i jaŋere Israe ŋic ziŋuc jazawec: "Jaŋe maŋgeŋic fârepie nemufâc-jeŋic jaŋerao qohotan-zipinte ŋoŋe jaŋeraonec ŋokac mi rocjopanze pieŋ â jaŋe mana-jarepie ŋoŋeraonec ŋokac wâc mi rocjopanze pieŋ." Salomo e ine ŋokac i jaŋerao hâcne maŋticne râewec. ³ Eme ŋokacfâc-ticne fekiecne jumbiŋ jaŋere zare 700 â mamare jucnemiŋ jaŋere zare 300. Jaŋe hâcne maŋticne bâsifuc-kemiŋ. ⁴ Salomo e ŋicqizec ewec damen ira ŋokacfâcne jaŋe maŋticne fârepie nemu jabane jaŋerao qohotahuc, mamac-ticne Dawidizi maŋticne hâcbuc Wofuŋtao râewec iŋuc jâmbâŋ mi ewec. ⁵ Ehuc Sidonŋic jaŋere nemu ŋokac zâŋene Asitorete â Amoŋŋic jaŋere nemu repicne, zâŋene Milikom jahe kiŋaŋ qajactewec. ⁶ Erâ e Wofuŋzi maname sâqorewec wiac i hâcne ebac ehuc mamac-ticne Dawidizi Wofuŋ bâjâpe-hâmowec iŋuc mi ewec. ⁷ Salomo e damen ira Jerusalem hae zoaŋ wewefunaopec tiki môc gekac ira Moabi jaŋere nemu repicne zâŋene Kemosi â Amoŋŋic jaŋere nemu repicne zâŋene Moleke jahere furu mâreŋ moc bâfuawec wâc. ⁸ Erâ ŋokacfâc-ticne jabane jaŋe furu mâreŋ bâfua-jarewec jaha. Eme jaŋe nemufâc-jeŋic hosâc âsu â taha wiac rike-jare jumbiŋ.

⁹ Eme Salomo e Wofuŋ Israere Anutu mârâc jaha arec jajahec fuacnewec e maŋzi behewecte Wofuŋzi aaric manacnewec. ¹⁰ Ehuc Salomo e nemu jabane mi bâjâpec-jopaocte âzâcne-bipiehamē sifu dâŋticne mi reŋkewec. ¹¹ Irek Wofuŋzi Salomo ziŋuc âzâcnewec: "Go mâsi iŋuc ehuc zâzâfic â dânsanaŋ-nane mutâcne-garepo i mi soŋaŋkementē no uucmange i gore meonec batara-jâmbâŋkerâ kiŋaŋŋicge moc râcnepemū. ¹² Erâ mamacge

Dawidire erâ go juhanŋe iŋuc mi epemu. Ŋokâgezi juocmu ere meonec ine batarapemu. ¹³Erâ Dawidizi kiŋanŋic-nane juwec â Jerusalem hae bâwosâepo irec erâ uucmaŋ sasawa i ŋokâge mi jâoc rofârepemu, ŋicguru mocjaha mujarepe ere biŋefâc junzepieŋ.”

Salomo râsilfâc-ticne fuŋkerâ fuambin

¹⁴Eme Wofuŋzi Edomŋic moc zâŋene Hadadi ecneme Salomo râsi rocnewec. Hadadi e Edom mâreŋte ŋicwofuŋ ere garikiŋkonec. ¹⁵Dawidi e Edom mâreŋko juhame momori micne Joabezi ŋic jopakicne ducjopaocte ferâ Edom mâreŋko ŋic sasawa qâhâmoc-jopawec. ¹⁶Joabe e Edom ŋic sasawa qâhâmoc-jopa-fâreocte e jahacne â Israe ŋic jaŋe ijaha zuhuckerâ juhapie mosa 6 tarawec. ¹⁷Eme Hadadi e dameŋ ira motec piticnea juhuc Edomŋic tucne mamac-ticnere kiŋaŋ qaqaŋfâc jagehec mâmâc wiserâ Aigita mâreŋko rambin. ¹⁸Jage Midiaŋ mâreŋkonec faharerâ raku Paraŋ mâreŋko fisimbini. Ehuc irecnec ŋic tucne jowac-jopapie raku Aigita. mâreŋko ŋicwofuŋ Faraoro fisimbini. Eme eki fic â nânâ opâ jarewec. Ehuc zuhuckerâ mâreŋ mutara-jarewec. ¹⁹Erâ Farao e Hadadire maname sâckewecte juku e jahacne ŋonân, ŋokac-wofuŋ Tapenesi ere qo râcneme ŋonân-ticne rowec. ²⁰Eme Tapanesi qoticnezi ŋokâ moc rocnewec zâŋene Genubati. E Tapanesizi Faraore ficko gume jowac ecnewec. Ehame Genubati e Faraore ŋokâfâc jagehec Faraore ficko juwec. ²¹Juku Dawidizi apa ŋosafâc-ticne jaŋerao zuhuckehuc hâmowec â momori micne Joabe e wâc iŋuc jaha hâmowec, Hadadi e biŋe iŋuc manarâ Farao ziŋuc âzâcnewec: “Mana-naretec faharerâ hae mâreŋ-naneo risiepe.” ²²Iŋuc mume Faraozi dâŋ ziŋuc bâtikiecnewec: “Go norao juhuc wemo wiac basakic, irec hae mâreŋgao racmurâ manasukic?” Wiocneme muwec, “Mâc mana-naretec rape.”

²³Eliada ŋokâ-ticne Rezoŋ e bombon-ticne, Zoba mâreŋte ŋicwofuŋ Hadadeze eraonec wisewec. Eme e hâcne Anutuzi Salomore râsi jaha wâc rowosâewec. ²⁴E Dawidizi ŋic qâhâmoc-jopawec irec faicnao ŋic rocjoparâ micne bajareme râsi fisi jumbieŋ. Erâ Damasko haeo rarâ ira juhuc Rezoŋ e hae irec ŋicwofuŋ âkendânembin. ²⁵E Hadadizi sisipiric gie bawec irec sâc jaha ehuc Salomore dameŋko Israe ŋic râsi ejarewec. Erâ e Israe ŋic jaŋere hâwickewecte Siria mâreŋko ŋicwofuŋ juwec.

²⁶Ehame Zereda haeonec Eferaim ŋic moc zâŋene Nebate ere ŋokâ Jeroboam e Salomore kiŋanŋic juwec. Nengoc-ticne e ŋokac hozec moc zâŋene Zerua. Eme Jeroboam e wâc iŋuc jaha ŋicwofuŋ Salomo râsi ecnewec. ²⁷E fugne ziŋucte ŋicwofuŋ râsi ecnewec: Salomo e huec sanan zâŋene Milo bahuc mamac-ticne Dawidire hae irec sac bâbâzicke-fârewec. ²⁸Jeroboam e gie bapa ŋic saric juwec. Irec Salomozi, ŋicmotec e zoqachec, iŋuc honerâ Josefere kikefuŋfâc gie ŋemâcne mujarekicne i soŋaŋkeha baniŋte mucnewec. ²⁹Ehame dameŋ ira Jeroboam e Jerusalem haeonec rahame Silonŋic porofete Ahiazi hatao bâfuawec. Ahia e ŋaqi-ticne qâricne moc heme hume juwec. Eme Ahia â Jeroboam jahe hatao buc jupic. ³⁰Eme Ahia e ŋaqi-ticne qâricne rojuwec i fâreme bâmbân qaha bâsuckeme dâkâne 12 ewec. ³¹Iŋuc erâ Jeroboam ziŋuc âzâcnewec: “Go dâkânege 10 i roc. Israere Wofuŋ Anutu e ziŋuc hâcne mukac: ‘Manakic, no Salomore uucmaŋ iŋuc hâcne bâfâuckezo ekopac. Ehuc go ŋicguru 10

garepemu. ³² Erâ kiŋaŋŋic-nane Dawidire erâ â no nahac Israe ŋic gurune gurune jaŋeraonec Jerusalem hae bâwosâepo irec erâ e ŋicguru mocjaha bajuzejec. ³³ E râpecnuhuc Sidonŋic jaŋere nemu ŋokac Asitorete â Moabi ŋic jaŋere nemu Kemosi â Amoŋŋic jaŋere nemu Milikom jage dape-jareekac. E mamac-ticne Dawidizi ewec irec sâc hata-naneoa juhuc nore zâŋe faio wiac etinkehuc dâŋsanaŋ â mumutâc dâŋnane mi soŋaŋkeekac hâcne. ³⁴ Irec no uucmaŋ furu jaha mi jâoc ropemu. Kiŋaŋŋic-nane Dawidi e no nahac rowosâehape sâcmutâc â dâŋsanaŋ-nane soŋaŋkewecte ere erâ manacnehape juju dameŋ-ticne foocmu sâc micne bapa juocmu. ³⁵ No uucmaŋ i ŋokâ-ticne jâoc rorâ go ŋicguru 10 garepemu. ³⁶ Â ŋokâ-ticne e ine ŋicguru mocjaha râcnepemu. Ehame Jerusalem haeo zâŋe-nane foocte rowosâepo hae ira hâcne kiŋaŋŋic-nane Dawidi e tatamac focneha zâŋe mai-naneo juzejec. ³⁷ Noni âkendâŋgupe go ŋic weni jaŋere egarekac jage qaŋeŋ-jopahuc Israe guru ŋicwofuŋ ejarezemec. ³⁸ Go kiŋaŋŋic-nane Dawidizi ewec irec sâc jaha ehuc wiac sasawa mutâcne-garekopac i reŋkerâ hata-naneo juhuc dâŋsanaŋ â sâcmutâc dâŋnane soŋaŋkehuc nore maio wiac tiŋne ebac ecmuo ine no Dawidirao epo irec sâc kikefuŋfâcge hume keteg ejarepemu. Ehuc Israe kikefuŋ tahacgupemu. ³⁹ Eme no irec erâ dameŋ bembegne mac Dawidire qâricfâc fific bacjopapemu.” ⁴⁰ Eme irec Salomozi Jeroboam qaocte hone jâjâpehuc juwec. Ehame Jeroboam e fahare wiserâ Aigita mâreŋte ŋicwofuŋ Sisaka erao ra juhame Salomo hâmoc dameŋ-ticne maickewec.

Salomo hâmowec

(Bin II, 9: 29-31)

⁴¹ Salomozi wiac sasawa ebac ewec â maŋqârâŋ-ticnere binaj i Salomore gie binaj papia qizecko qâreŋke-fârekicne. ⁴² Salomo e Israe ŋic qaŋeŋ-jopahuc Jerusalem haeo ŋicwofuŋ juhame jara 40 tarawec. ⁴³ Juku apa ŋosafâc-ticne jaŋerao zuhuckehuc hâmome mamac-ticne Dawidire hae qizecko duckembiŋ. Ehame ŋokâ-ticne Rehoboamzi tucticne qarâ ŋicwofuŋ juwec.

Israe ŋic jage maŋrâŋgen bâfuambin

(Bin II, 10: 1 — 11: 4)

12 Israe ŋic jage Rehoboam ŋicwofuŋ âkendâŋneniŋte Sikem haeo tumagne-fârehapie Rehoboam e ira rawec. ² Ehame Nebate ŋokâ-ticne Jeroboam e ŋicwofuŋ Salomoraonec wiserâ Aigita mâreŋko rawecte ira juhuc bige i manarâ Aigita mâreŋkonec risiewec. ³ Eme jage dâŋ râcnehuc hefârembiŋ. Eme Jeroboam â Israe ŋic sasawa jage Rehoboamtao fisirâ dâŋ zinjuc muhuc âzâcnembiŋ: ⁴ “Mamacgezi tagi bâmâmâcke-nârewec. Irec goki gie ŋemâcne â tagi fai-nâŋecko fokac i baafecke-nâretet kiŋaŋ qagarenanmu.” ⁵ Jage iŋuc mupie dâŋ zinjuc bâtikie-jarewec: “Ŋoŋe râwiŋnerâ ra juhapie zoaŋ gie bapa jahec â moc tarame norao mocwâc warezepieŋ.” Iŋuc jazame râwiŋnembiŋ.

⁶ Ehame ŋicwofuŋ Rehoboam e mamac-ticne Salomozi qâricne juhame ŋicqizec ere maio fua jumbieŋ jage zinjuc mu wioc ejarewec: “Ŋoŋe ŋic keci jage dâŋ weninjuc bâtikie-jarepemu i sâcne nazanzapiŋ?” ⁷ Iŋuc wio-

-jareme jaŋe dāŋ zīguc bātikiēcnembiŋ: “Go miŋecgac ŋic keci jaŋere kiŋaŋ qaqa ehuc kiŋaŋ qajarerā dāŋ bātikiē-jarehuc dāŋ biagne jazacmuo ine jaŋe gore kiŋaŋ qaqa erā jurazihuc juniŋmu.” ⁸ Eme Rehoboam e ŋicqizec jaŋe dāŋ āzācnembiŋ i qāsuahuc e jahacnehec fua sokac erā ere maio fua jumbiŋ ŋicmotec i jaŋe mu indiŋ ejarewec. ⁹ Ehuc zīguc wio-jarewec: “Ŋic keci jaŋe dāŋ zīguc nazambiŋ: ‘Go mamacgezi fai-nāŋecko tagi bāmācke-huc rāwec i baafecke-nārec.’ Eme irec okacne weniŋuc bātikiē-jarenaŋte mungopieŋ?” ¹⁰ Ŋuc wio-jareme e jahacnehec fua sokac embiŋ ŋicmotec i jaŋe zīguc āzācnembiŋ: “‘Mamacgezi tagi bāmāmācke-nārewec ā goki ine baafecke-nārezemec,’ ŋic dāŋ iŋuc gazambiŋ jaŋe zīguc jazazemec: ‘Memotec-nanere qāfoŋe i mamac-nanere ombāŋ sirickecac.’” ¹¹ Mamac-nanezi tagi bāmāmācke-ŋarewec ā noni ine mocwāc fehuc bāmāmācke-ŋarepemu; mamac-nane e ŋāŋārāczi bātiŋ-ŋopawec ā noni ine omeqaqazi bātiŋ-ŋopapemu.”

¹² Ŋicwofuŋ e, “Ŋoaŋ gie bapa jahec ā moc taramē norao mocwāc waren-zepieŋ,” iŋuc jazame rāwiŋnebiŋte Jeroboam ā ŋic sasawa jaŋe Rehoboamtao mocwāc fiŋimbiŋ. ¹³ Fiŋipie ŋicwofuŋ e ŋicqizec jaŋe dāŋ āzācnembiŋ i qāsuahuc dāŋ zocnehec bātikiē-jarewec. ¹⁴ Ehuc ŋicmotec jaŋe dāŋ mutācnecebiŋ irec sācko jazahuc zīguc muwec: “Mamac-nanezi tagi bāmāmācke-ŋarewec ā noni ine mocwāc fehuc bāmāmācke-ŋarepemu; mamac-nane e ŋāŋārāczi bātiŋ-ŋopawec ā noni ine omeqaqazi bātiŋ-ŋopapemu.” ¹⁵ Ŋicwofuŋ e ŋic jaŋere dāŋ mi manawec. Wiac i Anutuzi Siloŋic Ahia ecneme Nebate ŋokā-ticne Jeroboam dāŋ āzācnewec i deŋkeme Wofuŋtaonec okacne fiŋiocte iŋuc fuawec.

¹⁶ Eme Israe ŋic jaŋe ŋicwofuŋzi dāŋŋeŋic mi manawec i honerā dāŋ zīguc bātikiēcnebiŋ: “Nāŋe Dawidihec zuzuhuc-nāŋec moc fokac me? Nāŋe Isaire ŋokārao wiac moc mi fonārekecac.” “Ajoc, Israe ŋicbureŋ, nāŋe boze-nāŋec sāc rafārenaŋ. Dawidire qāricfāc ŋoŋe ine ŋaŋacne garikiŋko sawa zāŋe fiŋzepieŋ.” Iŋuc murā Israe ŋic jaŋe boze-ŋeŋic sāc rāwiŋnebiŋ. ¹⁷ Ehame ŋifu Rehoboam e Israe ŋic Juda hae sāc jurambiŋ jaŋere ŋicwofuŋ juwec. ¹⁸ Juku ŋicwofuŋ Rehoboam e kiŋaŋ qaqa ŋic jaŋere ŋoaŋ Adoram ŋoreme rame Israe ŋic jaŋe qānāzi hehāmombiŋ. Iŋuc epiē ŋicwofuŋ Rehoboam e keretac-ticnao ferā Jerusalem haeo wiŋeocce zocne fārone ewec. ¹⁹ Israe ŋic jaŋe Dawidire garikiŋfāc jaŋere maŋrāŋgeŋ bāfuambiŋzi bāfuahuc juŋgopieŋ jaha. ²⁰ Jaŋe Jeroboamzi riŋiewec irec biŋe manarā tutumaŋko hefārepiē fiŋime ŋicwofuŋ-ŋeŋic ākendāŋnebiŋ. Ehuc jaŋeraonec moczi moc Dawidire garikiŋfāc jaŋerao mi qohotawec, Juda guru jaŋe sawa jaŋerao qohotambiŋ.

²¹ Eme Rehoboam e Jerusalem haeo fiŋirā Juda kikefuŋ ā Benjamin guruonec ŋic zikafac 180 tauŋeŋ bāwosāec-joparā Israe ŋic jopahuc uucmaŋ i Salomo ŋokā-ticne Rehoboam e jahacnao mocwāc bāriŋeocce hetumaŋ-jopawec. ²² Ehame Anuture dāŋzi kiŋaŋŋic-ticne Semajarao zīguc fuawec: ²³ “Go Salomoro ŋokā Juda ŋicwofuŋ Rehoboam ā Juda ā Benjamin kikefuŋ, erā ŋic ŋokac sasawa zīguc jazac: ²⁴ ‘Wofuŋ e zīguc mukac: Ŋoŋe Israe ŋic ŋocfofāc-ŋeŋic jaŋehec qaqac eniŋte mi fiŋzepieŋ. Wiac zi nore michte fuakac irec ŋic sasawa hae-ŋeŋic sāc rāwiŋneniŋ.’” Irec jaŋe Wofuŋte dāŋ manahuc irec sāc hae-ŋeŋicko rambiŋ.

Jeroboamzi Israe njic hehesicko jowac-jopawec

²⁵ Eme Jeroboam e Eferaim tiki mârenko Sikem hae barâ ira juwec. Erâ irecnec rarâ Penuele hae bawec. ²⁶ Ehuc Jeroboam e magnezi zinguc manasuweg: "Uucmanzi Dawidire garikingfâc jagerao mocwâc risieocmu ine. ²⁷ Eme njic njokac zi jaje Jerusalem haeo Wofunje ufungko taha bazo fenimguo ine jagere manzi fekicne-njenic Juda njicwofuj Rehoboamtao risieme no nuhuc erao mocwâc qohotanimgu." ²⁸ Inguc murâ njicwofuj e gâcne jajehec muc manac erâ bulimakao motecne jajahec jahere hawari golzi bawec. Ehuc njic njokac zinguc jazawec: "Njone Jerusalem haeo damej zora fehuc jumbij i sâckekac. O Israe njic, nemu jahec-njenic Aigita mârenkonec jowac-njopa wefupic zi honec-jofanij." ²⁹ Inguc murâ moc i Bete haeo heme domawec â moc ine Daŋ haeo heme domawec. ³⁰ Ehame njic njokac jaje moc Bete haeo domawec ira rambij â moc Daŋ haeo domawec ira rambij, inguc epie sâqorewec hâcne. ³¹ Erâ wâc furu mârenko ufuj bame njerame njic njokac guruonec njic tucne taha bapa âkendân-jopawec jaje Lewi guruonec hâcne. ³² Erâ Jeroboam e mosa 8 irec 3oan gie bapa 15 ira, Juda mârenko tiwâ bâzi fojujec, ingucnea mume fuame alatao taha bâzi wiac rikewec. Wiac i Bete haeo ehuc e jahac bulimakao motecnere hawari bacjofawec jahe taha bâzi rike-jactewec. Ehuc e jahac Bete haeo mârenj furu muwec ira taha bapa râec-njopa rawec. ³³ Erâ e jahac mosa bâwosâewec, mosa 8 irec 3oan gie bapa 15 ira Bete haeo alata bawec ira rawec. Ehuc Israe njic jagere tiwâ bâzi hombanj i mufirierâ hosâc âsu rikewec.

Juda mârenkonec porofete moczi Jeroboam tutuc qacnewec

13 Jeroboam e hosâc âsu rikeocte alata manfugnao domahame Anuture njic moczi Wofunje michte Juda mârenkonec Bete haeo fisiwec. ² Fisirâ Wofunje michte alatare dâŋ muhuc keczinguc muwec: "O alata, alata, Wofunzi gore zinguc mukac: 'Manakic, Dawidire garikingko motec moc fuocmu zâjene Josia. Eki hâcne furu mârenje taha bapafâc gorao hosâc âsu rikeengopien jaje gore faio rikec-jopame njic sieczi zâsenkeocmu.'" ³ Inguc murâ 3oan ijaha zuhuckerâ madân moc keczinguc muwec: "Wofunzi madân keczinguc muwec: 'Manakic, alata zi hetâtiehuc fainao zafe fokac i wâc hongezo.'" ⁴ Eme njicwofuj Jeroboam e, Anuture njiczi Bete haeo alata njewec irec dâŋ owackehuc muwec i manarâ meticne fâretignehec keczinguc muwec: "Rorâ basanngkenij!" Inguc muhuc Anuture njictao meticne fâretignehec i rângeŋkeme fâre suckeocte eipiewec. ⁵ Eme Anuture njiczi Wofunje michte madân muwec irec sâcko alatazi tâtiwec â alata faio zafe fowec i wâc inguc jaha tâtiwec. ⁶ Inguc fuame njicwofuj e Anuture njic zinguc âzâcnewec: "Go nore erâ Wofuj Anutuge mu bâmirij ecnehuc numucnetec menane mocwâc biangkeoc." Inguc mume Anuture njic e Wofuj wâsickewec. Wâsickehame njicwofunje mezi mocwâc biangkerâ mârâc fowec irec sâc bâfuawec. ⁷ Eme njicwofunzi Anuture njic hefârehuc muwec, "Nore ficko rarâ ira njec domac enac, ehuc tofa bazu-garepe." ⁸ Eme Anuture njiczi njicwofuj dâŋ zinguc bâतिकiecnawec: "Go ficge dâkâne narezo mucmuo no sifu figao mi hefâpemu. Erâ no hae mârenj zira nânâ opâ mi nâpemu. ⁹ Wofunzi dâŋ zinguc hâcne muhuc mutâcne-narejec: 'Go nânâ opâ mi nâzemec; erâ wâc hata waremec ijaha mi risiezemec.'" ¹⁰ Eme irec e Bete

haeo fisiocete rawec, hata ijaha mi risiehuc hata mocko rawec.

¹¹ Eme Bete haeo porofete ranqa moc juwec. Ehamē ŋokâfâcne jaŋe fisirâ Anuture ŋiczi Bete haeo wiac sasawa ebac ewec irec binan bacnembij. Erâ ŋicwofuŋ dân âzâcnewec i wâc iŋuc jaha mamac-jeŋic âzâcnembij. ¹² Âzâcnepie mamac-jeŋiczi wio-jarerâ muwec, "E hata wenigucpec rajec?" Iŋuc wio-jareme ŋokâfâcne jaŋe, Juda mâreŋkonec Anuture ŋic fisiwec eki hata rawec i jâutumbij. ¹³ Jâutupie ŋokâfâcne jazarâ muwec, "Dongio sate henarenij." Iŋuc mume sate hecnepie ferâ rawec. ¹⁴ Anuture ŋic bâjâperâ raku borinjâc mocte fuŋnao gehame bâfuarâ wiocnehuc muwec, "Anuture ŋic Juda mâreŋkonec fisiŋec i go hâcne me?" Wiocone muwec, "No hâcne zi." ¹⁵ Iŋuc mume âzâcnerâ muwec, "Nohec ficko rarâ nânâ piticne nâc." ¹⁶ Iŋuc âzâcneme dân zŋuc bâtikiecnewec, "No gohec mocwâc sâcne mi risiepemu, â mâreŋ zira nânâ opâ wâc mi nâpemu. ¹⁷ No zira nânâ opâ mi nâpemuâ me hata warepo ijaha mi risiepemuâ Wofuŋte dânzi nazakac." ¹⁸ E iŋuc mume zŋuc âzâcnewec: "No wâc go iŋucne porofete jukopac, ehamē Wofuŋte michte aŋelo moczi zŋuc muhuc nazajec: 'Go bârisietec ficgao warerâ nânâ opâ nâzejec.'" Erâ e iŋuc muhuc eatuckewec. ¹⁹ Eatuckeme ehēc ficticnao rarâ nânâ opâ nâwec.

²⁰ Eme jahe teboo gehapire Wofuŋte dânzi jowame risiepic porofete hae rune erao fuawec. ²¹ Eme Anuture ŋic Juda mâreŋkonec fisiwec e owack-ecnehuc muwec, "Wofuŋ e zŋuc mukac: 'Wofuŋ Anutugezi mutâcne-garejec sâcmutâc i mi reŋkehuc ²² risierâ nânâ opâ nâkomec. Ehuc hae mâreŋ zira wiac i mi ecmurâ dân zŋuc gazawec i qâsuakomec: 'Go nânâ opâ mi nâzemec.'" Irec qânqângezi mamacfâcge jaŋere zâŋeruŋko mi fozejec!" ²³ Eme nânâ nâpire taramē porofete jowame risiepic ere dongi sate hecnewec. ²⁴ Eme porofete e rahame hatao laioŋ moczi fisi bâfuarâ kihâmowec. Kihâmome qânqân-ticne hatao foha dongi â laioŋ jahe qâterâ ŋifec â ŋifec domapic. ²⁵ Ehamē ŋic jaŋe hata ira fotâcnehuc qânqân hatao fohame laioŋzi qâterâ gâjoŋne ŋifec domame honembij. Ehuc porofete ranqazi hae juwec ira fisirâ ŋic dân binan ejarembij.

²⁶ Ehamē hatao bârisiewec porofete eki dân i manarâ muwec, "I Anuture ŋic Wofuŋte dân qatarajec e hâcne. E Wofuŋzi dân âzâcnewec irec.sâcko laioŋtao râeme kisuc qâsuckehuc kihâmojec." ²⁷ Iŋuc murâ ŋokâfâcne zŋuc jazawec: "Dongio sate henarenij." Mume iŋuc embij. ²⁸ Eme e rarâ qânqân hatao fome dongi â laioŋ jahe ŋifec â ŋifec domahapire bâfuawec. Erâ laioŋ e qânqân i mi nâwec â dongi wâc ki qâsuc wiac moc mi ecnewec. ²⁹ Eme porofete e Anuture ŋicte qânqân i dongi faio râerâ ki songân ehuc duckeniŋte haeo mocwâc bârisiewec. ³⁰ Ehuc qânqân i e jahacne zâŋeruŋko duckerâ zŋuc muhuc kiombij: "Opon, qomâ-nâŋec." ³¹ Eme ŋic e duckerâ ŋokâfâcne kecziŋuc muhuc jazawec: "Juku hâmope Anuture ŋic ducken-gopenē zâŋeruŋ ijaha ducnunzepien; siec-nane i ere siec ŋifecnao râenzepien. ³² E Wofuŋte michte Bete haeo alata ŋekac â Samaria hae sâc ira furu mâreŋko ufuŋ ŋerakac irec dân muwec i juku jâmbomac fârio qafâreocmu."

³³ Wiac iŋuc fuame Jeroboam e sifu hata-ticne hehesicnaonec moc mi risiewec. E ŋic ŋokac guruonec ŋic tucne rocjoparâ furu mâreŋte taha bapa mocwâc âkendân-jopa rawec. Ehuc ŋic i me i gie irec sâc embij jaŋe rocjoparâ furu mâreŋte taha bapa âkendân-jopawec hâcne. ³⁴ Eme wiac izi

Jeroboam kikefunğfâc-ticne jağerao hehesic ewecte mârençe faio juju-jenjic omaeocte sâc ewec.

Ahiazi Jeroboamte findanğân muwec

(Bin II, 12: 1-16)

14 Eme damen ira Jeroboamte ñokâ Abia e huc bawec. ²Eme Jeroboamzi ñonân-ticne âzâcnerâ muwec, "Ajoc, go hawarige hetikietec ñic jağe honecgurâ, e Jeroboamte ñonân iñuc mi mana taranzepien; ehame Silo hao razemec. Manakic, noni ñic ñokac zi qanğ-jopapemurâ muwec, porofete Ahia e hae ira hâcne jukac. ³Irec go poroğ 10 ağançe gâcne, erâ bağac zopo moc iñuc rorâ erao razemec. Eme eki motec zi erao wemo wiac fuaocmu i gazazejec."

⁴Eme Jeroboamte ñonân e iñuc erâ fahare Silo hao rarâ Ahiare ficko fisiwec. Ahia e ñicqizec jâmbân ewec, irec zânge-ticne mâtenkeme sâcne mi fiwec. ⁵Eme Wofunzi Ahia zıñuc âzâcnewec: "Manakic, Jeroboam ñonân-ticne e ñokâ-ticnere erâ go mu wioc egareocte fisikac. Ñokâ-ticne e huc bame fokac; irec go dâñ iñuc â iñuc bâtikiecnemec."

Eme ñokac e fisirâ hawari-ticne hetikieme ñokac moc tinac ewec. ⁶Ehuc motâcko fisime Ahiazi kike fânân-ticne manarâ muwec, "Jeroboam ñonân-ticne go wefuc. Go wemocte eeatucnukomec? No gore biğedân ģemâcne narekicne bajukopac. ⁷Go rarâ Jeroboam âzâcnec, 'Israere Wofun Anutu e zıñuc mukac: "Noni hâcne ñic jağeraonec bafaharecguhuc Israe ñicfâc-nane jağere micne bapa jucmurâ âkendângupo. ⁸Ehuc uucmağ i Dawidire garikıñfâc jowac rorâ go garepo. Go ine kiğanğic-nane Dawidizi sâcmutâc dâñnane reğkerâ manticnezi bâjâpecnuhuc zânge mai-naneo wiac fâretin jaha ebac ewec irec sâc mi eekic. ⁹Ehuc qâsorierâ gore juwicnao juwarembiğ jağe siric-jopahuc hehesic repicne erâ nemu gâcne bâfuac-jopahuc qân qâqâtâc barâ râpecnuhuc kimbenğ bâfua-nareekic. ¹⁰Irec go zıñuc manac: No kikefunğao wiac repicne bâfuahuc ñic moczi jawa wiac zocko râeme zaku zâtâmireekac irec sâc Israe kikefunğkonec garikıñfâcge ñic sasawa rambağ â niğgiğko fuakicne jağe omaec-jopa-fârepemu. ¹¹Wofunzi muwecte kikefunğaonec hao hâmonığmu jağe qâto jağe nâcjopanığmu, â ģeo hâmonığmu jağe ine wipe jağe nâcjopanığmu." ¹²Irec go faharerâ figao rac. Eme hao fisitec izia motec e hâmoocmu. ¹³Ehame Israe ñic jağe ki mamakuc ehuc duckenığmu. Israere Wofun Anutuzi Jeroboamte kikefunğko e honeme sâckekacte eki sawa zângeunğko foocmu. ¹⁴Erâ Wofun e zıñuczia Israe ñic jağere ñicwofun moc âkendâñneme eki Jeroboamte kikefunğ omaec-jopaocmu. Erâ damen zi funğkerâ ¹⁵mânğzi saparac rome qiriğ qeakac irec sâc Wofunzi Israe ñic jopaocmu. Ehuc apa ģosafâc-jenç mârenğ jarewec, mârenğ biğ zirecnec Israe ñic unuc-jopaocmu. Jağe Asera nemuqân bahuc Wofun kimbenğ bâfuacnembıñte bâtâtiec-jopame Eufura opâ ocniğucnao siğsağ qarâ junığmu. ¹⁶Jeroboam e hehesic bâfuahuc Israe ñic ejareme hehesic jaha bâfuambıñte Wofunzi Israe ñic râpec-jopa sanağkeocmu."

¹⁷Eme Jeroboam ñonân-ticne e faharerâ raku Tiriza hao fisiwec. Erâ ficmotâcko fisihame izia motec e hâmowec. ¹⁸Hâmome Israe ñic jağe Wofunzi kiğanğic-ticne porofete Ahiarao dâñ muwec irec sâcko e duckehuc ki mamakuc embiğ. ¹⁹Eme Jeroboamzi wiac sasawa ebac ewec â zika

qawec erâ gicwofuŋ juwec irec binaŋ i Israe gicwofuŋ jaŋere Binaŋ Qâhâc papia qizecko qâreŋke-fârekicne. ²⁰ Erâ Jeroboam e jara 22 gicwofuŋ juwec. Eme e apa ɣosafâcne jaŋerao zuhuckehuc hâmore gokâ-ticne Nadabazi tucticne qarâ gicwofuŋ juwec.

Rehoboamzi gicwofuŋ juwec

²¹ Ehame Salomo gokâ-ticne Rehoboam e Juda mâreŋko gicwofuŋ juwec. E jara 41 bazurâ fuŋkerâ gicwofuŋ ehuc Jerusalem hao jara 17 juwec. Hae i Wofuŋ e jahac zâŋe-ticne ira footce Israe guru sasawa jaŋeraonec rowosâewec. Eme Rehoboam nengoc-ticne i Amoŋ ɣokac, zâŋene Nama. ²² Eme Juda kikefuŋ jaŋe Wofuŋte zâŋe faio wiac repicne ehuc hehesic embiŋ i apa ɣosafâc-jerig jaŋe embiŋ irec sâc sirickerâ ehuc Wofuŋ maŋ-bâiŋ ecnepie kimbeŋ-ticnere zoqac faharewec. ²³ Jaŋe wâc iŋuc jaha furu mâreŋ â qâŋwâtuf â Asera nemuqâŋ barâ furu mâreŋko â jâcsâkore fuŋnao herambiŋ. ²⁴ Erâ mâreŋ ira sasac gic wâc juhuc boe sau gie bambiŋ. Jaŋe wiac mamakâcne ebac embiŋ i Israe gic jaŋe mâreŋ ira raziniŋte Wofuŋzi gic gurune gurune jopa jâpec ejarewec jaŋere eebapa hâcne.

²⁵ Eme Rehoboam e gicwofuŋ jume jara memoc eha Aigita gicwofuŋ Sisakazi Jerusalem hae râsi rocnehuc fisiwec. ²⁶ Ehuc Wofuŋ ufuf-ticnere zegaŋ â gicwofuŋ ficticnere zegaŋ erâ wâcwiac gâcne sasawa i mâmâc bawise-fârewec. Erâ Salomo e golzi maro bawec i wâc iŋuc jaha bawisewec. ²⁷ Ehame gicwofuŋ Rehoboam e irec okacne aeg bâbârŋzi maro barâ momori fuŋfuŋfâc-ticne jaŋere micnefâc gicwofuŋ ficticnere motâc soŋaŋkehuc domambiŋ jaŋe jarewec. ²⁸ Eme gicwofuŋ e Wofuŋte ufufko razî jujec sâc momori fuŋfuŋfâc-ticne jaŋe maro i rorâ bâjâpe jumbiŋ. Ehuc bârisierâ momori fuŋfuŋfâcne jaŋacne ficko râepie gejujec.

²⁹ Eme Rehoboamzi wiac sasawa ebac ewec irec binaŋ i Juda gicwofuŋ jaŋere Binaŋ Qâhâc papia qizecko qâreŋke-fârekicne. ³⁰ Eme Rehoboam â Jeroboam jaherao zikazi sueme sue fo wefuwec. ³¹ Juku Rehoboam e apa ɣosafâcne jaŋerao zuhuckehuc hâmore jaŋe fombiŋkoa Dawidire hae qizecko duckembiŋ. E nengoc-ticne i Amoŋ ɣokac, zâŋene Nama. Ehame gokâ-ticne Abiamzi tucticne qarâ gicwofuŋ juwec.

Abiamzi gicwofuŋ juwec

(Bin II, 13: 1-22)

15 Nebatere gokâ Jeroboam e gicwofuŋ jume jara 18 eha Abiamzi fuŋkerâ Judaŋic qagaŋ-jopahuc gicwofuŋ ewec. ² Ehuc Jerusalem hao jara jahec â moc juwec. E nengoc-ticne i Abisalomte otâ, zâŋene Maka. ³ Abiam e juwicnao mamac-ticnezi hehesic sasawa ebac ewec ijaŋa bâjâpewec. Ehuc apa-ticne Dawidire maŋzi fowec irec sâc Abiamte maŋzi Wofuŋ Anutu-ticnerao hâcbuc jâmbân mi fowec. ⁴ Ehame ine sifu Wofuŋ Anutu-ticnezi Dawidire erâ Jerusalem hao tatamac moc râcnehuc ere faicnao gokâ-ticne âkendâŋnewec, ehuc Jerusalem hae basanaŋkewec. ⁵ Dawidi e mi qâsoriehuc juwec sâc Wofuŋzi wiac sasawa mutâcnecewec i zâŋe fai-ticnao ebac efârewec hâcne. Mâc, Hitigic Uriarao sawa wiac eme sifuckewec. ⁶ Abiam e juhame Rehoboam â Jeroboam jahe qaqac ehuc jupic. ⁷ Eme Abiamzi wiac sasawa ebac ewec irec binaŋ i Juda gicwofuŋ jaŋere Binaŋ Qâhâc papia qizecko qâreŋke-fârekicne. Eme Abiam â

Jeroboam jahe qaqac ehuc jupic jaha. ⁸Eme Abiam e apa ŋosafâcne jaŋerao zuhuckehuc hâmomme Dawidire hae qizecko duckembiŋ. Ehame ŋokâ-ticne Asazi tucticne qarâ ŋicwofuŋ juwec.

Asazi ŋicwofuŋ juwec

(Bin II, 14: 1-5; 15: 16-19)

⁹Jeroboam e Israe ŋic jaŋere ŋicwofuŋ jume jara 20 eha Asazi fuŋkerâ Judaŋic qaqeŋ-jopahuc ŋicwofuŋ ewec. ¹⁰Ehuc Jerusalem haeo jara 41 ŋicwofuŋ juwec. E mimi-ticne i Abisalom otâ-ticne, zâŋene Maka. ¹¹Eme Asa e apa-ticne Dawidizi ewec irec sâc jaha ehuc Wofuŋte maio wiac sasawa etigne-fârewec. ¹²Ehuc mâreŋ ira sasec ŋic boe sau gie bahuc jumbiŋ jaŋe bârârieŋ-jopawec, erâ mamac-ticnezi qâŋ qâqâtâc barawec, i wâc iŋuc jaha bârârie-fârewec. ¹³Erâ Asa e mimi-ticne Makazi Asera nemure qâŋ qâqâtâc repicne barâ bajuwecte eki ŋokac wofuŋ mi juocte bârâriewec wâc. Ehuc qâŋ qâqâtâc-ticne i hetâc qâtâcnerâ Kidoroŋ opâo rikewec. ¹⁴Erâ furu mâreŋ ine mi bârâriewec. Erâ sifu manŋicne i hâcbuc jaha Wofuŋtao râeme fowec. ¹⁵Erâ e mamac-ticnere â e jahacne taha bâtiri-kicne siliwa â gol â râqac wiac i bafisi Wofuŋte ufuŋko râewec.

Asa â Beŋhada jahe zâzâfic epic

(Bin II, 16: 1-14)

¹⁶Asa â Israe ŋicwofuŋ Basa jahe jupic sâc ŋonder-ŋekicko zika fuahuc fowec. ¹⁷Eme Israe ŋicwofuŋ Basa e Judaŋic râsi rojarehuc ferâ Rama hae bawec. E ŋic i me i moczi Juda ŋicwofuŋ Asarao rac warec mi eniŋte iŋuc ewec. ¹⁸Eme Asa e Wofuŋ ufuŋ-ticnere kânŋko â ŋicwofuŋ fecte kânŋko siliwa â gol gâcne fowec i rorâ kiŋaŋ qaqafâcne jarewec. Erâ Taberimoŋte ŋokâ Siria ŋicwofuŋ Beŋhada, Hezioŋ ŋosa-ticne hâcne, e Damasko haeo juhame kiŋaŋ qaqafâcne dâŋ ziŋuc jazahuc erao sorec-jopawec: ¹⁹“Mamac jahec-nâhec jaherao zâzâfic fowec irec sâc nâhâc zâzâfic moc bâfuaze-perec. Irece no bubianŋte wiac siliwa â gol râe-garekopac i honezemec. Erâ go rarâ Israe ŋicwofuŋ Basahece zâzâfic-ŋekic fokac i hetâcnezemec. Iŋuc etec no behecnuzejec.” ²⁰Iŋuc mume Beŋhada e ŋicwofuŋ Asare dâŋ manarâ Israe hae râsi rojareninŋte momorifâcne jaŋere micne sorec-jopawec. Eme jaŋe rarâ hae ziŋuc ro rauc embiŋ: Ijoŋ, Daŋ, Abe-Bete-Maka, erâ Kinerote mâreŋ â Naftali mâreŋ sasawa i mâmâc. ²¹Eme Basa e biŋe i manarâ Rama hae bahuc juwec i beherâ Tiriza haeo ra juwec. ²²Ehame ŋicwofuŋ Asa e ŋic moc mi hetiric-jopahuc dâŋ musaweme Juda mâreŋ sâcke-fârewec. Eme jaŋe Basazi Rama hae bahuc qânâ â katapa rome fewec i ropie rawec. Rame ŋicwofuŋ Asa e wiac izi Benjamiŋ mâreŋko Geba hae â Mizipa hae bawec. ²³Eme Asazi wiac sasawa ebac ewec â tâpiri-ticnere fuŋne, erâ hae barawec irec binaŋ i Juda ŋicwofuŋ jaŋere Binaŋ Qâhâc papia qizecko qâreŋke-fârekeicne. Juku Asa e ŋicqizec jâmbâŋ ehame kike jahecne demba qawec. ²⁴Eme Asa e apa ŋosafâcne jaŋerao zuhuckehuc hâmomme jaŋe fombiŋkoa apa-ticne Dawidire hae qizecko duckembiŋ. Ehame ŋokâ-ticne Josafatazi tucticne qarâ ŋicwofuŋ juwec.

Nadabazi ŋicwofuŋ juwec

²⁵ Asa e Juda ŋicwofuŋ jume jara jajahec eha Jeroboamte ŋokâ Nadabazi fuŋkerâ Israe ŋic qaqeq-jopahuc ŋicwofuŋ juwec. Ehuc jara jajahec Israe ŋicguru ŋicwofuŋ ejarewec. ²⁶ Erâ mamac-ticnezi Israe ŋic ejareme hehesic bâfuambin hata i bâjâpehuc Wofuŋte zâŋe faio wiac mamakâcne ewec.

²⁷ Nadaba â Israe ŋic jaje Filisa ŋic jaŋere hae moc zâŋene Gibeton i somâckehuc fohapie Isasa kikefuŋkonec Ahiare ŋokâ Basazi râsi rocnehuc fisirâ qâhâmowec. ²⁸ Asa e Juda ŋicwofuŋ jume jara jahec â moc eha Basazi Nadaba qâhâmorâ ere okacne ŋicwofuŋ ewec. ²⁹ E ŋicwofuŋ ehuc izia Wofuŋzi kiŋagŋic-ticne Silo haeonec Ahiarao dâŋ muwec irec sâcko Jeroboamte kikefuŋ sasawa jopa-fârewec. E wiac jujune moc mi akic-jopahuc zengoma jopa miziewec hâcne. ³⁰ Wiac i Jeroboamzi hehesic bâfuahuc Israe ŋic ejareme ijaha embin irec mecne â Israere Wofuŋ Anutu aaric bâfuacnewec irec erâ mâmâc iŋuc fuawec.

³¹ Eme Nadabazi wiac sasawa ebac ewec irec binan i Israe ŋicwofuŋ jaŋere Binan Qâhâc papia qizecko qârenke-fârekicne. ³² Eme Asa â Israe ŋicwofuŋ Basa jahe jupic sâc qaqac ehuc jupic.

Basazi ŋicwofuŋ juwec

³³ Asa e Juda ŋicwofuŋ jume jara jahec â moc eha Ahia ŋokâ-ticne Basazi fuŋkerâ Israe ŋic jaŋere ŋicwofuŋ ehuc Tiriza hao juwec. E ŋicwofuŋ juhame jara 24 tarawec. ³⁴ E Jeroboamzi hata hehesicne âtehuc Israe ŋic ejareme hehesic jaha bâfuambin i hâcne bâjâpehuc Wofuŋte zâŋe faio wiac mamakâcne ewec.

16 Eme irec Basare erâ Wofuŋte dâŋzi Hananire ŋokâ Jehurao zinguc fuawec: ² "No rufemaŋkonec bafaharecgurâ Israe ŋicfâc-nane jaŋere micne bapa jucmurâ âkendâŋgupo. Goki ine Jeroboamte hatao rahuc Israe ŋicfâc-nane jaŋe hehesic bâfuapie hehesic-jegic izi no kimben bâfu-nareocte qafeq-jopameŋ. ³ Manakic, no Nebate ŋokâ-ticne Jeroboam ere kikefuŋ ejarepo irec sâc jaha gore kikefuŋ hetâtjepemu. ⁴ Eme Basa gore kikefuŋkonec ŋic e me e hao hâmoocmu ere qâŋqâŋ i qâto jaŋe nânzepieŋ â gore kikefuŋkonec jaha ŋic moc kâteo me ira me ira hâmoocmu ere qâŋqâŋ i wipe jaŋe nânzepieŋ."

⁵ Eme Basazi wiac sasawa ebac ewec â tâpiri-ticnere fugne i Israe ŋicwofuŋ jaŋere Binan Qâhâc papia qizecko qârenke-fârekicne. ⁶ Eme Basa e apa ŋosafâc-ticne jaŋerao zuhuckehuc hâmome Tiriza hao duckembin. Ehame ŋokâ-ticne Elazi tucticne qarâ ŋicwofuŋ juwec. ⁷ Eme Basa e Jeroboamte kikefuŋ jaŋere sâc jaha ehuc meticnezi wiac bâfuawec ira qohotahuc Wofuŋte zâŋe faio wiac repicne ewec, ehuc kimben bâfuacnewec â Jeroboamte kikefuŋfâc jopa miziewec, irec erâ e jahacne â garikingfâcne jaŋere dâŋ i Wofuŋzi Hananire ŋokâ porofete Jehu ere micko mocwâc râewec.

Elazi ŋicwofuŋ juwec

⁸ Asa e Juda ŋicwofuŋ jume jara 26 eha Basa ŋokâ-ticne Elazi fuŋkerâ Israe ŋic jaŋere ŋicwofuŋ ehuc Tiriza hao juwec. E ŋicwofuŋ juhame jara

jajahec tarawec. ⁹Ehame keretacfâcne gâcne irec micne kiŋaŋ qaqa-ticne ƶimirizi doc bahuc râsi rocnewec. Eme Ela e Tiriza haeo ficte micne Arazare ficko opâ sanaŋ nâku magne bibiriwawec. ¹⁰Ehame ƶimirizi fisirâ qâhâmorâ ere okacne ŋicwofuŋ ewec. Wiac i Asazi Juda ŋicwofuŋ jume jara 27 eha iŋuc fuawec.

¹¹ƶimiri e ŋicwofuŋ eri ŋeŋeo fuŋkerâ ŋehuc izia Basare kikefuŋ jopa-fârewec. E Basare soctofafâc me âgofâc-ticne jaŋeraoniec ŋic moc mi akickewec. ¹²ƶimiri e iŋuc ehuc Wofuŋzi Basare dân porofete Jehure micko râeme muwec irec sâcko jopa miziewec hâcne. ¹³Erâ i Basa â nokâ-ticne Ela jahe hehesic ehuc Israe ŋic ejarepire hehesic jaha bâfuahuc qâŋ qâqâtâc barâ Israere Wofuŋ Anutu kimbeŋ bâfuacnembig irec erâ iŋuc fuawec. ¹⁴Eme Elazi wiac sasawa ebac ewec irec binaŋ i Israe ŋicwofuŋ jaŋere Binaŋ Qâhâc papia qizecko qâreŋke-fârekicne.

ƶimirizi ŋicwofuŋ juwec

¹⁵Asa e Juda ŋicwofuŋ jume jara 27 eha ƶimirizi Tiriza haeo 30aŋ gie bapa 7 ŋicwofuŋ juwec. Ehame momori guru jaŋe Filisa ŋic jaŋere hae moc ƶâŋene Gibetoŋ i somâckehuc teuŋ âtembig. ¹⁶Eme teuŋko momori guru jumbig jaŋe dân ƶiŋuc mupie manambig: "ƶimiri e ŋicwofuŋ doc bahuc qâhâmojec." Dân iŋuc manarâ Israe ŋic jaŋe dameŋ ijaha teuŋkoa momori jumbig jaŋere micne ƶâŋene Omiri e Israe ŋicwofuŋ âkendâŋ-nembig. ¹⁷Eme Omiri â Israe ŋic jaŋe Gibetoŋ haeonec ferâ Tiriza hae somâckembig. ¹⁸Ehame ƶimiri e hae rombig i honerâ ŋicwofuŋte ficsanaŋko razirâ fic i ƶoczi turuŋkeme ƶahuc e jahacne māmâc ƶâhâmowec. ¹⁹E hehesic-ticne ebac ehuc Wofuŋte ƶâŋe faio wiac mamakâcne erâ Jeroboamte hatao rawec, ehuc Israe ŋic ejareme hehesic bâfuambig irec erâ iŋuc fuacnewec. ²⁰Eme ƶimirizi wiac sasawa ebac ewec â Ela doc bawec irec binaŋ i Israe ŋicwofuŋ jaŋere Binaŋ Qâhâc papia qizecko qâreŋke-fârekicne.

Omiriti ŋicwofuŋ juwec

²¹Ehame Israe ŋic jaŋe fâuckerâ guru jajahec embig: Ŋic nokac dâkâne jaŋe Ginatire nokâ Tibani ŋicwofuŋ âkendâŋnenigte e bâjâpembig â dâkâne moc jaŋe ine Omiri bâjâpembig. ²²Eme Omiri bâjâpembig jaŋe Ginatire nokâ Tibani bâjâpembig jaŋe sanaŋkerâ bawahac-jopambig. Eme Tibanizi hâmmome Omiriti ŋicwofuŋ ewec. ²³Eme Asa e Juda ŋicwofuŋ jume jara 31 ehame Omiriti fuŋkerâ Israe ŋic jaŋere ŋicwofuŋ ewec. Erâ ŋicwofuŋ gie bahuc juhame jara 12 tarawec. Eme jara 6 i Tiriza haeo ŋicwofuŋ juwec. ²⁴Ehuc Samaria tiki i Semeriraonec siliwa moneŋ ŋemâc-ticne 200 izi furine bawec. Erâ tiki ira hae sacsanaŋ-ticnehec bawec irec ƶâŋe i tiki rune Semeri ere wase bahuc Samaria muwec.

²⁵Omiri e juwicnao ŋicwofuŋ juwarembig jaŋe siric-jopahuc Wofuŋte ƶâŋe faio wiac mamakâcne ewec. ²⁶E Nebatere nokâ Jeroboamzi hata hehesicne âtehuc Israe ŋic ejareme hehesic jaha bâfuahuc qâŋ qâqâtâc-jeŋiczi Israere Wofuŋ Anutu kimbeŋ bâfuacnembig hehesic ijaha bâjâpewec. ²⁷Eme Omiriti wiac sasawa ebac ewec â tâpiri-ticnere fuŋné jowatuwec irec binaŋ i Israe ŋicwofuŋ jaŋere Binaŋ Qâhâc papia qizecko qâreŋke-fârekicne. ²⁸Eme Omiri e apa ŋosafâc-ticne jaŋerao zuhuckehuc

hâmome Samaria haeo duckembiŋ. Ehame ŋokâ-ticne Ahabazi tucticne qarâ ŋicwofuŋ juwec.

Ahabazi ŋicwofuŋ juwec

²⁹ Asa e Juda ŋicwofuŋ jume jara 38 ehame Omiri ŋokâ-ticne Ahabazi fuŋkerâ Israe ŋic jaŋere ŋicwofuŋ ewec. Omiri ŋokâ-ticne Ahaba e iŋuc ehuc jara 22 Samaria haeo juhuc Israe ŋic ŋicwofuŋ ejarewec. ³⁰ E juwicnao ŋicwofuŋ juwarembiŋ jaŋe siric-jopahuc Wofuŋte zâŋe faio wiac mamakâcne ewec. ³¹ Ehuc maname afeckeme Nebate ŋokâ-ticne Jero-boamte hehesic hatao rawec. Ehuc Sidonj ŋicwofuŋ Etebali ere otâ, zâŋene lsebe, e ŋonân-ticne rowec. Ehuc rarâ Baali nemu dapecnehuc kiŋaŋ qacnewec. ³² Erâ Samaria haeo e jahac Baali nemure ufuŋ bawec irec maŋnao alata moc bawec. ³³ E sueme sue wiac iŋuc ehuc ere juwicnao Israe ŋicwofuŋ juwefumbiŋ jaŋere sâc jâuruwec, ehuc Israere Wofuŋ Anutu kimberj bâfuacnewec. ³⁴ E juhame Bete haeonec ŋic moc zâŋene Hiele eki Jeriko hae bawec. Ehuc haesacte hobeterj râehame mârâc ŋokâ-ticne Abiramzi hâmowec, â sac batarahuc motâc âkendâŋneme zâheci ŋokâ-ticne Segubuzi hâmowec. Wiac i Nuŋte ŋokâ Josuazi Wofuŋte micdâŋ muwec irec sâcko fuawec.

Eliazi 3oaŋ sanaŋ qaocmu irec findaŋdâŋ muwec

17 Gileade mâreŋko Tisibe hae ŋewec irecneci ŋic moc zâŋene Elia eki Ahaba ziŋuc âzâcnewec: "Wofuŋ Israere Anutu, mai-ticnao no doma-kopac e jujâmbâŋkekeacte jarane jarane titikuc me hoe moc mi wahazejec. Mâc, noni mupe ine wahaoctu." ² Ehame Wofuŋte dâŋzi Eliarao ziŋuc fuawec: ³ "Mâreŋ zi beherâ 3oaŋ wewefuopec rac, erâ opâ pitic moc zâŋene Keriti, 3oaŋ wewefunaoneci ware Jordâŋko hukaci, ira soŋkezemeci. ⁴ Opâ i fia nâc ehuc juzemeci, eme nânâ ine kêeci kêeci jaŋe bafisi garehuc juŋiŋte mupaŋke-jarepac." ⁵ Eme e rahuc Wofuŋzi mutâcneci neweci irec sâcko eweci: Ra opâ pitic Keriti 3oaŋ wewefunaoneci ware Jordâŋko hukaci, ira ŋeci juc eweci. ⁶ Eme kêeci kêeci jaŋe furicte poroŋ â qowi bafisi râcnehuc jumbiŋ â opâ ine fia nâc ehuc juweci. ⁷ Eme hae mâreŋ sâc hoe moc mi hewecte opâ i piticne fofeku zickeweci.

⁸ Eme Wofuŋte dâŋ moc ra bâfuaweci ine ziŋuc: ⁹ "Ajoc, fahare Zarefati haeo rac, i Sidonj irec hae pitic moc, erâ ira ŋeci juc ezemeci. Manakici, no hae irec ŋokaci hozeci moc nânâ gumeccuocce mupaŋkecnepac." ¹⁰ Iŋuc âzâcneme faharerâ Zarefati haeo raweci; rarâ haesaci motâcko fisirâ honeweci: Ŋokaci hozeci moc jâc haharine nusehuc juweci. Eme wiracnerâ muweci, "Opâ moc râqâcko fiarâ baware nareci nâpe." ¹¹ Raha rahame mocwâc wirârâ muweci, "Poroŋ dâkâne mac moc mâmâc bawarezemeci." ¹² Eme dâŋ ziŋuc bâtikieci neweci: "Wofuŋ Anutugere maio mukopaci, wiaci zakicne moc mi fonarekaci, poroŋ uucne kuzio ŋenarekaci ine me mocjahazi roronere sâc, erâ kiruŋko wokemaŋ kasagne mac ŋekaci, iŋuc sawa. Zine hâcne 3oc haharine nusekopaci i ficko barârâ ruqepe zame motec-nanehec nâhere poroŋ rikepemu. Eme i sawa nârâ ŋeku hâmonacmu."

¹³ Eme Eliazi âzâcneweci, "Mi hâwiccuoci, ficgao rarâ mukomeci iŋuc ezemeci. Qanaŋ ine nore poroŋ piticne mac moc rikerâ baware naretec

nâzepak, ehame zâhec motecgehec ŋahacne rike bâmoc ezemec. ¹⁴Wofuŋ, Israe ere Anutu, e zɔŋuc mukac: Poron kuzio ŋekac i mi qosackeocmu, â wokemaŋ kiruŋko ŋekac i mi zickeocmu, tiwâne ŋehuc jaha juhame Wofuŋzi mume mâreŋko hoe hezokac." ¹⁵Eme e rarâ Eliazi muwec sâc ewec. Eme Elia mecne, ŋokac mecne â wiacfâcne mecne, damaŋ zora nânâ mi basambiŋ. ¹⁶Kuzio poron mi qosackewec â kiruŋko wokemaŋ mi zickewec, Wofuŋte dâŋ Eliare mickonec wahawec i sanŋkewec hâcne.

¹⁷Eme irec faicnao ŋokac fic rune ere ŋokâ e huc bawec. Erâ huc boc ŋemâckecne jujunere sâc mi ewec. ¹⁸Eme ŋokac e Elia zɔŋuc muhuc âzâcnewec: "O Anutue ŋic, go wemote râsi enarekomec? Go kiŋ bahac-nane manasupemurâ â ŋokâ-nane ecnetec hâmoocne fisimec hâcne!"

¹⁹Iŋuc mume Eliazi âzâcnewec, "Ŋokâge narec." Iŋuc murâ nengoc-ticnere qickonec rorâ ficmaŋ faic e jahac fohuc juwec ira baferâ e jahacne fofoo râeme fowec. ²⁰Fohame Wofuŋ zɔŋuc muhuc wâsickewec: "O Wofuŋ Anutu-nane, no zira ŋokac hozec ehec jaba juhape go jâmbomac ŋokâ-ticne qâhuc wiac qeŋ bipinehec zi bâfuakomec." ²¹Iŋuc murâ motecte faio arec jahec â moc waha foc fahac erâ zɔŋuc muhuc Wofuŋ wâsickewec: "O Wofuŋ Anutu-nane, go motec zirec qâqâtâc mocwâc bârisiec." ²²Iŋuc numume Wofuŋzi Eliare dâŋ manawec. Ehame motecte qâqâtâczi mocwâc risieme qârewec. ²³Eme Eliazi motec rorâ ficmaŋ faic irecne bawaharâ nengoc-ticne râcnehuc muwec, "Honekic, ŋokâge jukac." ²⁴Eme ŋokaczi Elia âzâcnehuc muwec, "Go Anutue ŋic â micgao dâŋ fokac i Wofuŋte dâŋ fârine i miŋecgac mana tarakopac."

Eliazi Ahabarao risiewec

18 Juku jara jahec â moc eha Wofuŋte dâŋzi Eliarao zɔŋuc fuawec: "Go rarâ Ahaba fuacnezemec. Eme mupe mâreŋko hoe mocwâc heocmu." ²Iŋuc mume Elia e Ahaba fuacneocne rawec. Samaria mâreŋko ine roroc qaqaq jâmbân luarâ fowec. ³Irec Ahaba e ficticnere micne Obadia hefârewec. Obadia e Wofuŋ araŋ boc bacnehuc juwec. ⁴Irec Isebezi Wofuŋte porofetefâc qâhâmoc-jopame Obadia e porofete 100 rocjoparâ bâfâuc-jopame 50 guru jajahec epie qânâ hawecko songjoparâ nânâ opâ gumec-jopahuc juwec. ⁵Eme Ahabazi Obadia zɔŋuc âzâcnewec: "Nâhâc mâreŋ sasawa opâ zâŋe â opâwâc forakac i âte-fârezeperec. Ehuc kecqaŋ wiac moc bâfuanacmuo ine becâsic â dongifâc-nâhec jaŋe sipirickenzipiŋte bafic-jopazeperec." ⁶Iŋuc murâ mâreŋ âtenicte bâfâuckepic, ehuc Ahaba e ŋifec raha Obadiazi ŋifec rawec.

⁷Eme Obadia e hatao rahame Eliazi bâfuawec. Bâfuame Obadiazi hone tarahuc zâŋe maine mâreŋko hetutuckerâ muwec, "Bombon-nane Elia, i go gahac me?" ⁸Wiocneme muwec, "I no nahac hâcne. Irec go rarâ bombonge zɔŋuc âzâcne: 'Manakic, Elia e fisijec.'" ⁹Iŋuc mume Obadiazi muwec, "Kiŋaŋ qaqage no wemo hehesic bâfuapo irec Ahabazi nuocne ere meo râecnukomec?" ¹⁰Wofuŋ Anutuge e jujâmbânkekac, irec bombon-nanezi go basacgûniŋte ŋicguru me uucmaŋ ira me ira kiŋaŋ sorec-jopawec. Sorec-jopame jaŋe wio-jarepie mumbiŋ, 'E zira mi jukac.' Iŋuc mupie ine ŋicwofuŋzi uucmaŋ me ŋicguru i jaŋe ejareme mi bâfuacgumbiŋ i mupaŋ-kembiŋ. ¹¹Eme go ine nore mukomec, 'Go rarâ bombonge zɔŋuc âzâcne: "Elia e fisijec.'" ¹²Eme no rahape izia Wofuŋte Mârozi ira me ira wiac moc bacgu raocmu. Ehame no rarâ Ahaba âzâcnepe ware basacgu-bipierâ no

nuocmu. No ine qie-naneonectean Wofuŋ araŋ bacne warehuc juekopac. ¹³ Erâ Isebezi Wofuŋte porofetefâc qâhâmoc-jopame noni ŋic 100 rocjoparâ bâfâuc-jopape 50 guru jajahec epie sonjoparâ nânâ opâ gumec-jopahuc jupo i bomboŋ-nane go mi manameŋ me? ¹⁴ Ehuc mukomec, 'Go rarâ bomboŋge zīguc âzâcnec: "Elia e fisijec."' Iguc âzâcnepe e nuocmu!" ¹⁵ Iguc mume Eliazi muwec, "No kiŋaŋ qacnehuc juekopac Anutu Tâpiri Quŋqasaŋ Wofuŋ e juĵâmbâŋkekacte miŋecgac no nahac jâmbâŋ Ahaba fuacnepemu." ¹⁶ Iguc mume Obadiazi ra Ahaba bâfuarâ âzâcnewec. Âzâcneme Ahabazi Elia bâfuaocte rawec.

¹⁷ Rarâ bâfuarâ zīguc muhuc âzâcnewec: "Israe ŋic maŋ bâsifuc ejareekic go hâcne me?" ¹⁸ Iguc mume dân zīguc bâtikiecnewec: "No Israe ŋic maŋ bâsifuc mi ejareekopac. Go â kikefuŋfâcge ŋoŋe hâcne Wofuŋte sâcmutâc dân qâsuahuc Baali nemu kiŋaŋ qajarehuc Israe ŋic maŋ bâsifuc ejareeg-gopieŋ. ¹⁹ Irec go dân râetec rame Israe ŋic sasawa jaŋe Karamele tikio tumagŋenze pieŋ. Erâ Baali nemure porofetefâc 460 jaŋe mecne â Asera nemure porofetefâc 400, Isebere teboo nânâ nâengopieŋ jaŋe mâmâc fisinze pieŋ."

Eliazi Anuture fuŋne bataniŋkewec

²⁰ Iguc âzâcneme Ahabazi Israe ŋic sasawa jaŋerao dân râeme rawec. Ehuc Karamele tikio porofete hetumaŋ-jopawec. ²¹ Eme Elia e ŋic ŋokac sasawa maŋfuŋ-jeŋicko rarâ jaza muwec, "Ŋoŋe ra qohota ware qohota eku wezimucko beheniŋmu? Wofuŋ e Anutu fârine jukacko e bâjâpeniŋ, me Baali e nemu fârine jukacko ine e bâjâpeniŋ." Mume ŋic ŋokac jaŋe dân moc mi bâtikiecnembig. ²² Eme Eliazi ŋic ŋokac zīguc jazawec: "Wofuŋte porofete no mocjaha jâmbâŋ hetirine jukopac, Baali porofetefâc-ticne juŋgopieŋ ine 450. ²³ Ŋoŋe mupie bulimakao ŋicne jajahec nârec-jofaniŋ. Eme jaŋe jaŋac moc rowosâerâ hezurâ dâkâne dâkâne zocfikio râenzepieŋ, ehuc zoc ine qazepie mi zazejec. Ehame no ine bulimakao moc i hezurâ zocfikio wâc râepemu, ehuc zoc wâc qazepe mi zaocmu. ²⁴ Ehame ŋoŋe nemu-ŋeŋicte zâŋe wiranze pieŋ â noni Anutu-nanere zâŋe wirapemu. Eme wenizi manarâ zoc bâtikie me wahaocmu, ere Anutu me nemu fârine jukac muzu." Iguc mume ŋic ŋokac mâmâc sasawa mumbig, "Dân i biagne." ²⁵ Eme Eliazi Baali porofetefâcne jazawec, "Ŋoŋe ŋic bocjaha, irec ŋoŋe bânierâ bulimakao bâwosâerâ bazaweniŋ. Erâ nemu-ŋeŋic zâŋe-ticne wira wâwâsic ecnenze pieŋ, â zoc ine mi qazenze pieŋ." ²⁶ Mume jaŋe bulimakao jarekicne i rorâ hezu bâmoc embig, erâ Baali zâŋe-ticne wâsickehuc mumbig, "O Baali micnâŋecko roc." I furicte fuŋkembigzi wirahuc juhapie guŋpitic ewec. Eme dânmarac moc mi fuawec, â moczi moc micjeŋicko mi rowec. Jaŋe ine alata bakicne i teriŋ qahuc râreckehuc domambig. ²⁷ Eme guŋpitic maickeme Elia e mu âkebic ejarehuc muwec, "Samarierâ wiraniŋ me, wiac e nemu i! E mamanasu gie bahuc ŋekac mecne, me hata pitic rajec, me hae mocko rajec jukac, me guŋ fokacte wiwickezo." ²⁸ Mume jaŋe owa ruruckembig, erâ mâsi-jeŋic moc embig ine zika sâŋe â sânduzi sahac-jeŋic hetâcnepie socjeŋic rucnewec. ²⁹ Guŋ pitic damen jâurume maŋsifuc hawari ehuc domahapie owâ giere taha bapa damen bemberŋkewec. Eme sifu dânmarac moc mi fuawec, moczi micjeŋicko mi rowec, moczi dânjeŋic mi renkewec.

³⁰ Eme Eliazi ŋic sasawa jazawec, “Noraopec wareniŋ.” Mume eraopec rafärembiŋ. Eme Wofuŋte alata hetätiekicne i heqârerâ bawec. ³¹ Mârâc jaha Wofuŋte dâŋ Jakoborao ziŋuc fuawec: “Zâŋege Israe muzo.” Eme Israe hâcne ere motecfâc 12 jaŋeraonec ŋic guru 12 fuambiŋ zare-jeŋicte sâc Eliazi qânâ 12 rowec. ³² Rorâ qânâ izi Wofuŋte zâŋeo alata moc bawec. Erâ alata râreckehuc pare kâcŋene baratiehuc bawec. ³³ Tarama zocfiki barâ bulimakao hefâuckerâ dâkâ barâ zocfiki faio râewec. Erâ muwec, “Pake-ŋeŋiczi opâ fiarâ qowi bâzio â zocko hesienŋ.” ³⁴ Ehapie muwec, “Mocwâc eniŋ.” Mume mocwâc embiŋ. Ehapie muwec, “Harierâ epie arec 3 eoc.” Mume i wâc embiŋ. ³⁵ Eme opâzi alata rârec mâreŋ qâurucke-fârehuc pare mâmâc bâfusewec.

³⁶ Eme owâ gieo taha bajumbienŋ dameŋ i maickeme porofete Elia e ware mai domarâ ziŋuc muwec: “O Wofuŋ, Abraham Isaka â Israe jaŋere Anutu, go Israe guruo Anutu jukic â no kiŋaŋ qaqage jukopac, ehuc wiac sasawa zi gore mîcte ekopac irec fuŋne miŋecgac bataniŋkezemec. ³⁷ Micnaneo roc, o Wofuŋ, micnaneo roc, eme ŋicguru zi jaŋe Wofuŋ go Anutu jukic â manjeŋic bârisiekic i mana jaŋgeŋkenzeŋieŋ.” ³⁸ Iŋuc muhame Wofuŋte zocbâruiŋ waharâ taha qowi â zoc â qânâ â wândoc zâseŋke-fârewec â pareo opâ zâkereŋkewec. ³⁹ Ŋic ŋokac sasawa jaŋe wiac i honerâ mâreŋko qarâ zâŋe mai-jeŋic hetutuckerâ fohuc mumbiŋ, “Wofuŋ e Anutu fârine, Wofuŋ e Anutu fârine.” ⁴⁰ Eme Eliazi jazawec, “Ajoc, Baali porofetefâcne rocjopa-fârenŋ, moczi moc mi wisezejec.” Mume rocjopambiŋ. Eme Eliazi Kisoŋ opâo bacjopa hurâ ira qâhâmoc-jopa-fârewec.

Eliazi hoere numuwec

⁴¹ Elia e iŋuc erâ Ahaba ziŋuc âzâcnewec: “No hoe wareme fânâŋ manakopacte go ferâ nânâ opâge nâc.” ⁴² Iŋuc âzâcneme Ahaba e nânâ opâ nâocte fewec. Ehame Elia e Karamele tiki botâŋnao fewec. Ferâ waha ŋehuc daperâ qizec-ticne dieŋ jahecne jahere ŋoŋonderŋko dunduŋ hume kumbenŋkewec. ⁴³ Iŋuc erâ kiŋaŋŋic-ticne ziŋuc âzâcnewec: “Ajoc, go ferâ hâweckopec fic.” Iŋuc âzâcneme e ferâ fihuc muwec: “No hâwecko wiac moc mi honekopac.” Iŋuc mume Eliazi muwec, “Go mocwâc fec wahac etec arec 7 ezejec.” ⁴⁴ Eme kiŋaŋŋic e arec 7 tataranao ferâ waharâ ziŋuc âzâcnewec: “Manakic, karorac piticne mac ŋic mocte metape iŋucne hâwecko fuakac.” Iŋuc mume Eliazi muwec, “Hoezi Ahaba hebâzickezacte go ferâ âzâcnetec keretac-ticne bazawierâ huoc.” ⁴⁵ Ehame dameŋ mi zorahame karorac â mânâŋ jahe qâzuckepire sambâŋ gâpâre-fâreme hoe micsâko hewec. Eme Ahaba e keretac-ticnao ferâ Jesere haeo risiewec. ⁴⁶ Ehame Wofuŋte tâpirizi Elia baafekeme umbika-ticne jomarâ Ahaba sirickehuc gasackerâ Jesere haesac motâcko bâbâni fisiwec.

Eliazi wiserâ Horebe tikio rawec

19 Ahaba e Eliazi wiac sasawa ebac ewec â zikazi porofete qâhâmoc-jopawec irec binâŋ i Isebe bacne-fârewec. ² Eme Isebe e kiŋaŋŋic moczi Elia dâŋ ziŋuc âzâcneocte sorewec: “Go ŋic qâhâmoc-jopamecte tomâcko dameŋ ziŋucne go wâc qâhâmocguzo. Iŋuc mi egarenanmuo ine jaŋere okacne nemu jaŋe no bazu-narenzeŋieŋ.” ³ Eme Elia e hâwickeme

juju-ticne gezikkehuc faharerâ raku Juda hae moc zâŋene Bere-Seba ira fisirâ kiŋaŋŋic-ticne beheme ŋewec.

⁴ Eme Elia e jahackoan mâreŋ burocnao zoan mocjahare sâc zuhuckerâ rawec. Raku kasan kasan jâc mocte fuŋnao waha ŋewec. Ehuc hâmoocce ziŋuc muhuc numuwec: “³Ŋi sâckekac. O Wofuŋ, miŋecgac juju-nane nowac roc. No mamacfâc-nane jaŋere sâc mi sirickekopac.” ⁵Ŋuc murâ kasan kasan jâc fuŋnao waha fowec. Fohame aŋelo moczi bâuahuc âzâcnerâ muwec: “Go faharerâ nânâ nâc.” ⁶ Eme Elia e zâŋe firâ qizec botâŋ-ticnao poroŋ moc qânâo rikekicne â opâ zopo moc iŋuc ŋeme honewec. Honerâ nânâ opâ i nârâ mocwâc waha fowec. ⁷ Fohame aŋelozi mocwâc fisi bâuahuc muwec, “Go faharerâ nânâ nâc. Go iŋuc mi ecmuo ine hata raragezi boc ŋemâcke-gareocmu.” ⁸Ŋuc âzâcneme faharerâ nânâ opâ nâwec. Eme nânâ nâwec izi basanaŋkeme Anuture tiki Horebe ira fisiocce ŋafe zoan 40 rahuc juwec.

⁹ Rahuc juku Horebe tikio qânâ hawec moc bâfuarâ ira ŋec foc ewec. Eme izia Anuture dâŋzi fisicnewec. Ehuc ziŋuc âzâcnewec: “Elia, go zira wemo bahuc jukic?” ¹⁰ Eki muwec, “No Anutu Tâpiri Quŋqasaŋ Wofuŋ gore erâ zocne fârone ehuc juekopac, i ziŋucte: Israe ŋicguru jaŋe gohec zâzâfic ekicne i behembiŋ, alatage hetâtiembij, porofetefâcge zikazi jopambij; eme no mocjaha hâcne hetirine jukopac, ehame no wâc juju-nane omaeocce giene bangopien.”

¹¹ Eme muwec, “Go waha fe tikio Wofuŋ mai ecnerâ domac.” Eme mi Wofuŋzi fisi fotâcnezejec i! Ine qanaŋ mâŋâŋ qicwânzâŋne Wofuŋ bânicehuc tiki qâfauckewec â qorac henzaŋnewec; erâ Wofuŋ jahacne mâŋâŋko mi juwec. Mâŋâŋ fotâcneha homeŋ bawec; homeŋ maŋnao Wofuŋzi wâc mi juwec. ¹² Homeŋ nininŋeha zocbârūŋ fisiwec; Wofuŋzi ine zocmaŋko wâc mi juwec. Zoc wiseha mâŋâŋ fânâŋ ananacne mac fuawec.

¹³ Eliazi i manarâ zâŋe maine ŋaqi-ticnezi qofackerâ waha hawec motâcko domawec. Ehame marac fânâŋ moc hazec-ticnao qaqazuwec, ine ziŋuc wiocnewec: “Elia, go zira wemo bahuc jukic?” ¹⁴ Eme micnao rorâ muwec, “No Anutu Tâpiri Quŋqasaŋ Wofuŋ, gore erâ zocne fârone i ziŋucte ehuc juekopac: Israe ŋicguru jaŋe gohec zâzâfic ekicne i behembiŋ, alatage hetâtiembij, porofetefâcge zikazi jopambij, eme no mocjaha hetirine jukopac, eha no wâc juju-nane omaeocce giene bangopien.”

¹⁵ Eme Wofuŋ e ziŋuc âzâcnewec: “Go hata waremeckoa mâreŋ burocnao raku Damasko haeo fisizemec. Fisirâ Hazaele wokemaŋ ruacnetec Siria ŋic jaŋere ŋicwofuŋ ezejec. ¹⁶ Erâ Jehu, Nimisire ŋokâ, wokemaŋ ruacnetec Israe ŋic jaŋere ŋicwofuŋ ezejec, â Elisa, Safati ere ŋokâ, Abe-Mehola haeonec, e wokemaŋ ruacnetec gore tuc qarâ porofete juzejec. ¹⁷ Eme ŋic gâcne Hazaele zikâ-ticne wisecneniŋmu jaŋe Jehuzi jopazejec. Â ŋic gâcne Jehu zika-ticne wisecneniŋmu jaŋe Elisazi jopazejec. ¹⁸ No ine sifu Israe guru jaŋere ukicne ŋicŋokac 7000 Baali nemu dienzi mi hecnembij â e mi muduckembij jaŋe akic-jopape juniŋmu hâcne.”

Elisa hefârekiŋe

¹⁹ Ŋuc âzâcneme Elia e faharerâ raku Safati ŋokâ-ticne Elisa e bulimakao ŋicne 24 kioŋ qeticke-jarerâ ejareme mâreŋ bâfauckepie soŋaŋ-jopahuc juha bâfuawec. Erâ fotâcnehuc ŋaqi-ticne wickeme Elisare faio fewec.

²⁰ Eme Elisa e bulimakao beheç-joparâ Elia bâjâperâ gasackehuc muwec,

"Sifu mana-naretec rarâ nengoc mamac jahec-nane muduc-jofarâ ie ware bâjâpecgupe." Iguc mume Eliazi dâŋ zīguc bâtikiecnewec: "Go mocwâc risiec; erâ no wiac egarepac irec manasuzemec." ²¹ Iguc âzâcneme Elisa e risierâ bulimakao kioŋ hetara-jarerâ qâhâmoc-jopawec. Ehuc kioŋ izia biuc-jenjiq rikerâ ŋic jareme nâmbiŋ. Iguc erâ faharerâ Elia bâjâpêhuc kime bafic ecnewec.

Ahabazi Siria ŋic bawahac-jopawec

20 Siria ŋicwofuŋ Beŋhada e momorifâc-ticne sasawa hetumaŋ-jopawec.

Eme ŋicwofuŋ 32 jagehec becâsic â keretac rocjopa-fârerâ fe Samaria hae somâckehuc zika qambiŋ. ² Ehuc haemaŋko Israe ŋicwofuŋ Ahaba dâŋ zīguc âzâcneniŋte kiŋaŋŋic sorec-jopawec: "Beŋhada e zīguc mukac: ³ 'Siliwa â golge i nore; erâ ŋonâŋfâcge sahac hawari biaŋ â naru motecfâcge jage wâc nore jaha.'" ⁴ Iguc mume Israe ŋicwofuŋ e dâŋ zīguc bâtikiecnewec: "O ŋicwofuŋ-nane, no nahacne mecne â wiacte wiac sasawa fonarekac i gore." ⁵ Eme kiŋaŋŋic jage Israe ŋicwofuŋtao mocwâc risierâ mumbiŋ, "Beŋhada e zīguc mukac: 'No gorao zīguc muhuc dâŋ râepac: "Siliwa â gol, erâ ŋonâŋfâcge â naru motecfâcge i no qikiŋne-narec." ⁶ Erâ no sifu tomâcko damen zīgucne kiŋaŋ qaqafâc-nane gorao sorec-jopapemu. Eme jage go gahacne ficko â kiŋaŋ qaqafâcge jaŋere ficko babasa gie bahuc wiac i me i hone ziziweekic i rorâ bawiseniŋmu.'" ⁷ Eme Israe ŋicwofuŋ e mârenj rune soŋaŋ hefârec-joparâ muwec, "Ŋoŋe ŋic keci e imac-nâpoocte gie bakac i hone-hâmoniŋ. E ŋonâŋfâc-nane â naru motecfâc-nane, erâ siliwa â golnanere dâŋ râeme wareme manacnepac." ⁸ Iguc mume soŋaŋ â ŋic ŋokac jage zīguc âzâcnembiŋ: "Go hazec râerâ dâŋticne mi manac." ⁹ Iguc mupie Israe ŋicwofuŋzi Beŋhada kiŋaŋŋicfâc-ticne zīguc jazawec: "Ŋoŋe ŋicwofuŋ-nane dâŋ zīguc âzâcnenziŋte: 'Kiŋaŋ qaqage no wiac bâbâni mumec i epemu â irec faicnao wiac gâcnere mukic i sâcne mi epemu.'" Iguc jazame kiŋaŋŋic jage mocwâc risierâ bombon-jenji binaj bacnembiŋ. ¹⁰ Eme Beŋhadazi Israe ŋicwofuŋ dâŋ râecnehuc muwec, "Samaria mârenjko rufe fokac i ŋicfâc-nane sasawa jage metape fufusuc roninŋte sâc eocmuo ine nemu jage okacne bafehuc bazu-narenzenŋte." ¹¹ Iguc mume Israe ŋicwofuŋzi dâŋ bâtikiecnehuc muwec, "Dâŋ zīguc fokac i manasucneniŋ: 'Ŋic puriŋne moc e jahacnere maname ŋic sahac fâsâchec sâc mocjaha ekoperec mi ezejec.'" ¹² Ehame Beŋhada e ŋicwofuŋ jagehec bozeo opâ sanaŋ nâhuc ŋeku dâŋ i manarâ ŋicfâc-ticne jazarâ muwec, "Ajoc, dodoma-ŋenji sâcke-fâreniŋ." Iguc mume jage hae i râsi rocnehuc dodoma-jenji sâcke-fârembiŋ.

¹³ Ehame porofete moczi Israe ŋicwofuŋ Ahabare maŋfuŋko fisirâ muwec, "Wofuŋ e zīguc mukac: Ŋic guru dindiŋ zi honec-jopakomec me? Manakic, no miŋecgac gore meo râec-jopa-fârepemu; eme noni sawa Wofuŋ jukopac i go mana tarazemec." ¹⁴ Iguc mume Ahabazi muwec, "Weni jagehec iguc ecmu?" Mume muwec, "Wofuŋ e zīguc mukac: Qâhâc sâc irec mârenj soŋaŋ jaŋere kiŋaŋ qaqafâc jagehec gie i bapemu." Iguc mume Ahabazi muwec, "Eme mozi zika fuŋkeocmu?" Wiome dâŋ bâtikiecnehuc muwec, "Goki." ¹⁵ Iguc mume Ahabazi qâhâc sâc irec mârenj soŋaŋ jaŋere kiŋaŋ qaqafâc biric-jopame zare-jenji 232 ewec. Ehame jaŋere râpeo ine Israe*ŋic sasawa biric-jopame zare-jenji 7 tausenj ewec.

¹⁶ Eme gunpiticko Beŋhada â zikare bafickembiŋ, ŋicwofuŋ 32 i jaŋe māmâc bozeo opâ sanan nâku manjenic bibiriwame gehapie Israe ŋic jaŋe haonec wahambiŋ. ¹⁷ Qâhâc sâc irec mâreŋ soŋan jaŋere kiŋan qaqaŋâc jaŋe bâniambiŋ. Eme Beŋhadazi ruc bapa ŋic sorec-jopawec jaŋe risierâ zinguc âzâcnembiŋ: "Ŋic jaŋe haonec wahangopienŋ." ¹⁸ Iguc âzâcnepie muwec, "Jaŋe wamao warengopienko qâricne rocjopaniŋ, me zikare warengopienko qâricne jaha rocjopaniŋ."

¹⁹ Ŋic zinguci haonec waharâ rambiŋ: Qâhâc sâc irec mâreŋ soŋan jaŋere kiŋan qaqaŋâc â momori guru moc jaŋe bâjâpec-jopambiŋ. ²⁰ Ehuc ŋic jaŋe ru sâc râsifâc-jeŋic jopambiŋ. Eme Siria ŋic jaŋe wisepie Israe ŋic jaŋe jâpec-jopa rambiŋ, â Siria ŋicwofuŋ Beŋhada e ine becâsic ŋic jaŋehac becâsic mocko ferâ wisewec. ²¹ Wiseme Israe ŋicwofuŋ e rarâ becâsic â keretacŋic-jeŋic rocjoparâ Siria ŋic jopahuc ima samaki bacjopawec.

²² Iguc eme porofetezi Israe ŋicwofuŋte manfunko rarâ zinguc âzâcnewec: "Go rarâ wiac weniguc ecmu i manasu biric ehuc hâbige rozemec. Siria ŋicwofuŋ e zoan damen funkehame râsi fisi-gareocmu hâcne."

²³ Eme Siria ŋicwofuŋ e kiŋan qaqaŋâcne jaŋe zinguc muhuc âzâcnembiŋ: "Jaŋere nemufâc jaŋe tikire nemu, irec jaŋe boc siric-nâpombienŋ. Nânâc wânengko jaŋehac qaqaŋc enzepenenŋ, ira ine jâmbomac siric-jopanagmu.

²⁴ Nânâc zinguc enzepenenŋ: Ŋicwofuŋ jaŋe dodoma-jeŋickonec bârâriec-jopahuc jaŋere âkehac momori jaŋe micne râec-jopanzenenenŋ. ²⁵ Erâ momori mârâc sipirickembiŋ irec sâc biric-jopanzenenenŋ; erâ becâsic kere-tac mârâc bajumbenŋ irec sâc jaha bazawiec-jopanzenenenŋ, ehuc jaŋehac wânengko qaqaŋc enzepenenŋ. Nânâc jâmbomac sanankenagmu." Eme dân-jeŋic manarâ irec sâc ewec.

²⁶ Eme zoan damen funkehame Beŋhada e Siria ŋic biric-joparâ bânie-jareme Israe ŋic jaŋehac qaqaŋc eniŋte Afeke haeo fembiŋ. ²⁷ Eme Israe ŋic jaŋe wâc iguc jaha birickehuc nânâ opâ bâmockerâ jaŋeraopec rambiŋ. Erâ Israe ŋic jaŋe noniŋ guru jajahec mac igucnezi teuŋ âtembiŋ, â Siria ŋic jaŋe ine mâreŋ i sâcke-fârembiŋ. ²⁸ Ehame Anuture ŋic moczi Israe ŋicwofuŋtao fisirâ zinguc âzâcnewec: "Wofuŋ e zinguc mukac: 'Siria ŋic jaŋe, 'Wofuŋ e tikire nemu, e wânente nemu aricne,' iguc mumbiŋte no guru dindiŋ zi megao râec-jopa-fârepemu. Iguc epe, noni sawa Wofuŋ jukopac i mana tarazemec.'" ²⁹ Eme jaŋe ŋifec â ŋifec teuŋ âterâ fohapie zoan gie bapa 7 tarawec. Ehame zoan gie bapa namba 7 ira zika bâtâcnehuc Israe ŋic jaŋe Siria momori kikezi rara 100 tausen zoan mocjahao jopambiŋ. ³⁰ Jopapie gâcne jumbiŋ jaŋe wiserâ Afeke haeo razimbiŋ. Ehame haesaczi rândiŋkerâ waha ŋic 27 tausen jumbiŋ jaŋe imac-jopawec.

Beŋhada e wâc iguc jaha wiserâ haeoa razirâ ficman zâzâŋiŋko songkewec. ³¹ Ehame kiŋan qaqaŋâcne jaŋe âzâcnerâ mumbiŋ: "Manakic, Israe kikefuŋ jaŋere ŋicwofuŋfâc jaŋe ŋicwofuŋ buuruc-jeŋichec, iguc manaenggopenenŋ. Irece nânâc mateŋ qonaŋkerâ qizec-nâŋecko repa qâfisehuc Israe ŋicwofuŋtao rananŋ, e akic-nâpoocmu mecne." ³² Iguc murâ mateŋ qonaŋkerâ qizec-jeŋicko repa qâfisembiŋ, ehuc Israe ŋicwofuŋtao rarâ zinguc mumbiŋ: "Kiŋan qaqaŋe Beŋhada e akickecmurâ mukac." Iguc mupie Ahabazi muwec, "Hâc, jukac jaha me? E qomâ-nane i." ³³ Eme ŋic jaŋe dân i me i moc fuame mananzenenenŋ muhuc hazec rârae domambiŋte dân i manarâ izia okacne bâtikiecnehuc mumbiŋ: "O jâmbomac Beŋhada e

qomâge." Iŋuc mupie muwec, "Ra jowa wareniŋ." Eme Berghadazi erao fisime ecneme keretacko fewec. ³⁴ Ferâ Ahaba dâŋ zîŋuc âzâcnewec: "Mamac-nanezi mamacge hae jâoc rowec i mocwâc bârisiepemu. Eme go mamac-nanezi Samaria haeo ewec irec sâc ehuc nareŋ gareŋ eere toma fuaocte Damasko hae turuŋne rorâ basanŋkezemec." E iŋuc mume Ahabazi muwec, "No dâŋ mukomec irec erâ behecgupe racmu." Iŋuc murâ ehēc zâzâfic moc erâ beheme rawec.

³⁵ Ehame porofete jaŋere motecfâc jaŋeraonec ŋic moc Wofuŋzi esoc qafeŋ ecneme âgo-ticne zîŋuc âzâcnewec: "Nuc." Iŋuc mume ŋic e qatarawec. ³⁶ Iŋuc eme zîŋuc âzâcnewec: "Go Wofuŋte dâŋ mi regkemecte no behecnurâ rahanŋtec izia laionzi kihâmocguocmu." Eme ŋic e rahame izia laionzi bâfuarâ kihâmowec. ³⁷ Ehame porofete e ŋic moc bâfuarâ muwec, "Nuc." Iŋuc mume ŋic e zâpâ qa ima ecnewec. ³⁸ Eme porofete e zâŋe maine foŋkeme hawari-ticne hetikieme ra hatao ŋicwofuŋ woŋeckewec. ³⁹ Ehame ŋicwofuŋzi fotâcneme wiracnehuc muwec, "Kiŋaŋ qaqage no zikamaŋko jâmbâŋ razipac. Ehame momori moczi ŋic moc norao jowa fisirâ zîŋuc mujec: 'Ŋic zi soŋaŋkezemec, e sifuckeocmuo ine goki ere âkehoc hâmocmu, me arictac eme ine siliwa moneŋ ŋemâc-ticne wâŋ râecmu.' ⁴⁰ Eme kiŋaŋ qaqage no koŋkoŋkehuc rarac wawarec ehape wisejec." Iŋuc mume Israe ŋicwofuŋzi zîŋuc âzâcnewec: "Go gahac biac mutarakicte dâŋge iŋuc hâcne mutarazo." ⁴¹ Iŋuc muhame porofete e zâŋe mai-ticnao foŋ fowec i bâruŋ jaha firuwec. Iŋuc eme Israe ŋicwofuŋ e biac zîŋuc zâŋitawec: E porofete moc. ⁴² Zâŋitame zîŋuc âzâcnewec: "Wofuŋ e zîŋuc mukac: 'Noni ŋic hâmocte biŋe bâwosâepo i megaonec behetec rajec, irec ere okacne goki hâmocmu â ŋicfâcne jaŋere okâcne gore ŋicfâc jaŋe hâmoniŋmu.'" ⁴³ Iŋuc âzâcneme Israe ŋicwofuŋ e aarickeme dâŋemâc raku Samaria hae-ticnao fisiwec.

Jufure zika fuawec

21 Jesere haeo ŋic moc juwec zâŋene Naboti, ere waiŋ giezi Samaria ŋicwofuŋ Ahabare hae mâreŋ ŋifecnao fowec. ² Irec zoaŋ mocko Ahabazi Naboti zîŋuc âzâcnewec: "Waiŋ giege i nore fic heririŋ fokacte naretec ira monzaŋ gie bazepac. Ehuc noni irec okacne waiŋ gie biaŋne moc garezepac, me manatec sâckeme irec furine moneŋ garezepac." ³ Iŋuc mume Nabotizi Ahaba dâŋ zîŋuc bâtikiecnawec: "No apa ŋosafâc-nane jaŋere huhure wiac i mi garepemurâ Wofuŋte maio mupaŋkekopac." ⁴ Jesere ŋic Nabotizi dâŋ iŋuc âzâcneme Ahaba e aarickeme dâŋemâc ficticnao fewec. Naboti e zîŋuc hâcne muwec: "No apa ŋosafâc-nane jaŋere huhure wiac i mi garepemu." Eme Ahaba e nânâ opâ qikiŋnerâ fofot-ticnao waha rârâpe fowec.

⁵ Ehame ŋonâŋ-ticne Isebezi iqickerâ wiocnehuc muwec, "Go wemocte aariczi mangao fusucmarâ foha nânâ mi nâkomec?" ⁶ Wiocneme zîŋuc âzâcnewec: "No Jesere ŋic Naboti âzâcnehuc zîŋuc mupac: 'Go waiŋ giege qikiŋne-naretec furine bazepac; me manatec sâckeocmuo ine irec okacne waiŋ gie jaha moc garezepac.' Eme e dâŋ zîŋuc hâcne bârisie-narejec: 'No waiŋ gie-nane mi garepemu.'" ⁷ Iŋuc mume ŋonâŋ-ticne Isebezi zîŋuc âzâcnewec: "Goki Israe ŋic rauc-jopârâ mi jukic me? Ajoc, go faharêrâ nânâ nârâ buge mâtenkeoc. Eme no Jesere ŋic Naboti ere waiŋ gie i sâcne garepemu."

⁸ Iguc murâ Isebe e Ahabare okacne papia qârenkerâ ere zâŋeoa basanŋkehuc soŋaŋ â ŋic fekicne Nabotihec hae-ticnao jumbiŋ jaŋerao râeme rawec. ⁹ Papiao dâŋ ziŋuc qârenkewec: "Zoŋaŋ moc bâtiriŋhuc Naboti ecnepie ŋic ŋokac jaŋere ŋonderŋko ŋeŋe mamai ira ŋezejec. ¹⁰ Eme ere ŋifecnao ine ŋic repicne jajahec ejactepie ŋehuc ziŋuc muhuc fugne-ticne muzepirec: 'Go Anutu â ŋicwofuŋ musoriŋ-jofameŋ.' Iguc mupire jowa rarâ qânâzi hehâmonzepieŋ." ¹¹ Eme soŋaŋ â ŋic fekicne Nabotihec hae ira jumbiŋ jaŋe Isebezi dâŋ râewec irec sâc embiŋ. Dâŋ i papia râe-jarewec ira qârenke-fârewec. ¹² Eme jaŋe zoŋaŋ moc bâtirirâ Naboti ecnepie ŋic ŋokac jaŋere ŋonderŋko mai jaha ŋewec. ¹³ Ehame ŋic repicne jajahec jahe fisirâ Nabotire ŋifecnao waha ŋepic. Ehuc ŋic ŋokac jaŋere zâŋe faio Nabotire fugne ziŋuc mupic: "Naboti e Anutu â ŋicwofuŋ musoriŋ-jofawec." Jahe iguc mupire rorâ hae sahao bahurâ qânâzi hehâmombiŋ. ¹⁴ Iguc erâ Iseberao dâŋ ziŋuc râepie rawec: "Naboti e qânâzi hehâmokicne."

¹⁵ Eme Isebe e Naboti qânâzi hehâmokicne dâŋ i manarâ izia Ahaba ziŋuc âzâcnewec: "Ajoc, go Jesere ŋic Naboti ere waiŋ gie moneŋzi furine bazo mutec qatarawec i ro rauc ec. E mi jukac, e hâmojec hâcne." ¹⁶ Eme Ahaba e Nabotizi hâmowec irec biŋe manarâ izia Jesere ŋic Nabotire waiŋ gie i hurâ ro rauc eocte faharewec.

¹⁷ Ehame Wofuŋte dâŋzi Tisibe ŋic Elia erao ziŋuc fuawec: ¹⁸ "Ajoc, go faharerâ hu Israe ŋicwofuŋ Ahaba Samaria hao jukac e iqickec. Manakic, e Nabotire waiŋ gie ro rauc eocte ira rajec jukac. ¹⁹ Erâ ziŋuc âzâcnezemec: 'Wofuŋ e ziŋuc mukac: "Go mâreŋ rune qâhâmohuc mâreŋ-ticne wâc mâmâc romerŋ me?"' Erâ zuhuckerâ ziŋuc âzâcnezemec: 'Wofuŋ e ziŋuc mukac: "Nabotire soc wahame qâto jaŋe apurumbiŋkoa juku gore soc wahame apurunzepieŋ wâc."'"

²⁰ Iguc mume Ahabazi Elia dâŋ ziŋuc âzâcnewec: "O râsi-nane, goki bâfuacnukomec me?" Mume dâŋ ziŋuc bâtikiecnecnewec: "Go gahac Wofuŋte zâŋe faio wiac mamakâcne ecmurâ irec feŋeŋko femerŋe bâfuacgukopac.

²¹ Manakic, no wiac repicne bâfua-garepemu. Ehuc ofanggurâ ŋicfâcge rambaŋko me niŋgiŋko jujune jaŋe Israe guruonec bârârâŋ-jopa-fârepemu.

²² Erâ no aaric bâfua-narehuc Israe ŋic ejaretec hehesic bâfuambiŋ irec erâ kikefuŋfâcge jaŋe Nebatere ŋokâ Jeroboamte kikefuŋ â Ahia ŋokâ-ticne Basare kikefuŋ ejarepo irec sâc jaha ejarepemu hâcne. ²³ Erâ Wofuŋzi Isebere wâc ziŋuc muwec: "Qâto jaŋe Jesere hae magnaŋa Isebe nâfâreniŋmu." ²⁴ Erâ ŋicfâcge jaŋeraonec i me i hao hâmopie qâto jaŋe nâcjopanigmu â ŋicfâcge i me i kâteo hâmopie wipe jaŋe nâcjopanigmu."

²⁵ Ahaba e ŋonâŋ-ticne Isebezi qafenkeme Wofuŋte zâŋe faio wiac mamakâcne eocte irec feŋeŋko fewec e Igucne moc mi juwec. ²⁶ E Wofuŋzi Israe ŋic jaŋere zâŋe faio Amori ŋic jopa jâpec ejarewec jaŋe ehuc jumbiŋ irec sâc wiac repic qapicne ehuc qâŋ qâqâtâc jaŋerao siŋke-jâmbâŋkewec.

²⁷ Eme Ahaba e dâŋ i manarâ ŋaqi qoruc-ticne bâsuckerâ materŋ qonaŋkewec, erâ nânâ sowa juhuc materŋheckoŋaŋ foc faharec ewec. E iguc ehuc rume rume juwec. ²⁸ Ehame Wofuŋte dâŋzi Tisibe ŋic Eliarao ziŋuc fuawec: ²⁹ "Go Ahabazi nore maio rume-jâmbâŋkekekac i honekomec me? E nore maio rume-jâmbâŋkekekacte ere damerŋko wiac repicne i mi bâfuapemu. Juku ine ŋokâ-ticnere damerŋko kikefuŋfâcne jaŋerao wiac repicne bâfuapemu."

Mikajazi Ahaba â Josafata jahere findaŋdâŋ muwec*(Bin II, 18: 1-34)*

22 Siria ŋic â Israe ŋic jaŋe jara jahec â moc rârâsi tâmiric jumbiŋ. ² Juku jara jahec â moc eha Juda ŋicwofuŋ Josafatazi Israe ŋicwofuŋ-tao wahawec. ³ Eme Israe ŋicwofuŋzi kiŋaŋ qaqaŋacne jazarâ muwec, "Ramoti-Gileade hae i nâŋacne hae i ŋoŋe manangopienŋ me? Eme nâŋac Siria ŋicwofuŋte meonec mi roro mâc iŋuc nininŋerâ junanŋmu me?" ⁴ Iŋuc murâ Josafata ziiŋuc wiocnewec: "Go Ramoti-Gileade haeo zika qazo mâmâc ranacmu me?" Iŋuc mume Josafatazi Israe ŋicwofuŋ dâŋ ziiŋuc bâtikiecnnewec: "Wiac sasawa fonarekac i gore biŋe jaha; no nahacne mecne, ŋicfâc-nane mecne â becâsifâc-nane mecne nâŋe gore hâcne."

⁵ Josafatazi iŋuc murâ Israe ŋicwofuŋ ziiŋuc âzâcnnewec: "Qanaŋ Wofuŋtaonec dâŋ manazore mu wioc ezemec." ⁶ Iŋuc mume Israe ŋicwofuŋ e porofete 400 heririŋ hetumaŋ-joparâ ziiŋuc wio-jarewec: "No Ramoti-Gileade haeo zika qazo rapemu me behepemu?" E iŋuc wiome jaŋe ziiŋuc âzâcnnewec: "Sâcne rac, Wofuŋzi megao râeocmu." ⁷ Jaŋe iŋuc mupie Josafatazi muwec, "Zira Wofuŋte porofete moc juŋgopienŋko jaŋerao wâc mu wioc moc enzapeŋ me?" ⁸ Iŋuc mume Israe ŋicwofuŋzi Josafata ziiŋuc âzâcnnewec: "Zira ŋic moc jukac e lmiare ŋokâ zâŋene Mikaja, erao mupene eki sâcne Wofuŋ mu wioc ecneocmu. Erâ ine no ere takicnuekac; e nore findaŋdâŋ biaŋne moc mi muhuc wiac sâqocnere sawa muekac." Iŋuc mume Josafatazi muwec, "Ŋicwofuŋ go iŋuc mac mi muc." ⁹ Iŋuc mume Israe ŋicwofuŋ e micne moc hefârêrâ ziiŋuc âzâcnnewec: "Go picpac jaha rarâ lmiila ŋokâ-ticne Mikaja jowa warec." ¹⁰ Eme Israe ŋicwofuŋ â Juda ŋicwofuŋ Josafata jahe Samaria haere sacmotâcko ŋicwofuŋ ŋaŋi-jekichec eri ŋeŋe-jekicko ŋehapire porofete jaŋe manŋuŋ-jekicko domahuc findaŋdâŋ mumbiŋ. ¹¹ Ehame Kenanare ŋokâ Zedekia e jahac aenŋi zuŋe bafârêrâ muwec, "Wofuŋ e ziiŋuc mukac: 'Wiac ziiŋucnezi Siria ŋic sâcne hecŋopaku hemiziec-jopaniiŋmu.'" ¹² Eme porofete jaŋe iŋjaha mufârehuc mumbiŋ, "Ajoc, Ramoti-Gileade haeo rarâ aŋac zeri bâfuac. Wofuŋzi hae i ŋicwofuŋ gore meo râeocmu."

¹³ Eme kiŋaŋŋic Mikaja jowaocce rawec e ra fisirâ ziiŋuc âzâcnnewec: "Manakic, porofete jaŋere dâŋzi sâc mocjaha efâreme ŋicwofuŋtao bianŋkekac. Irec gore dâŋzi jaŋere dâŋte sâc jaha ehame mutec sâckezejeŋc." ¹⁴ Iŋuc mume Mikajazi muwec, "Wofuŋ e juŋâmbâŋkekacte dâŋ nazaekac sâc jâmbâŋ mupemu." ¹⁵ Iŋuc murâ ŋicwofuŋtao fisime ŋicwofuŋzi ziiŋuc âzâcnnewec: "Mikaja, nâŋe zika qanaŋte Ramoti-Gileade haeo rananŋmu me behenanŋmu?" Iŋuc mume dâŋ ziiŋuc bâtikiecnnewec: "Go rarâ aŋac zeri bâfuac; Wofuŋzi hae i gore meo râeocmu." ¹⁶ Iŋuc mume ŋicwofuŋzi âzâcnnewec, "Goki dâŋ burec mi ehuc Wofuŋte zâŋeo dâŋ fârinea nazacmurâ dameŋ bocjaha gazaekopac." ¹⁷ E iŋuc mume Mikajazi ziiŋuc muhuc âzâcnnewec: "No Israe ŋic honec-jopape lama sonaŋ tâmiric iŋucne tikio siaŋ siperec qambiŋ. Iŋuc epie Wofuŋzi kecziŋuc muwec: 'Ŋic zi jaŋe bombog tâmiric; irec wamao hae-jeŋic sâc risienzeŋpienŋ.'" ¹⁸ Mikaja e iŋuc mume Israe ŋicwofuŋzi Josafata dâŋ kecziŋuc muhuc âzâcnnewec: "E nore findaŋdâŋ biaŋne moc mi muhuc wiac sâqocnere sawa muekac i mi gazapac me?" ¹⁹ Iŋuc mume Mikajazi muwec, "Zi ine Wofuŋte dâŋ manac: No Wofuŋ e eri ŋeŋe-ticnao ŋeme honehape sambâŋko guru dindiŋ jaŋe gâjogne ŋifec â ŋifec doma rambiŋ." ²⁰ Ehame Wofuŋzi muwec, 'Mozi Ahaba

doc bame rarâ Ramoti-Gileade haeo zikao ferâ hâmoocmu?' Eme moczi dâŋ moc muwec â moczi moc muwec. ²¹ Ehamê mârô moczi fuarâ Wofuŋte maio domahuc muwec, 'Noni doc bapemu.' ²² Iguc mume Wofuŋzi wioçnerâ muwec, 'Wemo wiaczi doc bacmu?' Mume muwec, 'No fuarâ porofetefâcne jaŋere micko eeatuc mârô moc epemu.' Mume Wofuŋzi muwec, 'Goki hâcne doc batec fârînehec ezejec, irec fuarâ iguc ec.' ²³ Eme irec ziŋuc manac: Wofuŋzi porofetefâcge zi jaŋere micko eeatuc mârô moc râewec. E gorao wiac repicne fuaocte mupaŋkewec hâcne."

²⁴ Iguc mume Kenana gokâ-ticne Zedekiazi Mikajare maŋfuŋko rarâ maucnao qahuc muwec, "Wofuŋte mârô e go dâŋ gazaocte noraonec weniguc jaha gorao fâjec?" ²⁵ Eme Mikajazi muwec, "Manakic, go songezore ficmaŋ zâzâŋigko razicmu damaŋ ira zâŋe fârigezi honecmu."

²⁶ Iguc mume Israe ŋicwofuŋzi muwec, "Ajoc, Mikaja rorâ hae zirec mâreŋ sogarj Amoŋ â ŋicwofuŋte gokâ Joasi jaherao baraniŋ. ²⁷ Ehuc ziŋuc munze pieŋ: 'Ŋicwofuŋ e kecziŋuc mukac: "Ŋic zi kâpâcwâru ficko râerâ nânâ afecne mac gumehuc juhapie sahaç furu risiezepac."'" ²⁸ Iguc mume Mikajazi muwec, "Go sahaç furu risiecmu me mâcne irec dâŋ moc Wofuŋzi nore micko mi râewec." Iguc murâ zuhuckerâ muwec, "Ŋic ŋokac sasawa ŋoŋe dâŋ i mananiŋ!"

²⁹ Eme Israe ŋicwofuŋ â Juda ŋicwofuŋ Josafata jahe Ramoti-Gileade haeo rapic. ³⁰ Ehuc Israe ŋicwofuŋzi Josafata âzâcnerâ muwec. "No hawari-nane hetikierâ zikao rapemu â goki ine ŋicwofuŋ ŋaqige rojuzemec." Iguc murâ Israe ŋicwofuŋ e hawari-ticne hetikiewec. Eme zikao rambiŋ. ³¹ Eme Siria ŋicwofuŋ e keretacfâc-ticne jaŋere micne 32 jaŋe ziŋuc jazawec: "Ŋoŋe ŋic fekickne wahackicne mi jopahuc Israe ŋicwofuŋ e sawa qanze pieŋ." ³² Eme keretacte micne jaŋe Josafata honerâ mumbiŋ, "E hâcne Israe ŋicwofuŋ." Iguc murâ risierâ e qazo ehapie Josafatazi owackewec. ³³ Owackeme keretacte micne jaŋe e Israe ŋicwofuŋ mâcne, i hone tararâ râpeckerâ rambiŋ. ³⁴ Ehamê ŋic moczi tepe-ticne âpârehuc kosa qâtâcnekopac muhuc Israe ŋicwofuŋ e becsahac â amecfoŋ zuzuhuc-jekicko muruwec. Murume keretac guriŋ bapa-ticne âzâcnerâ muwec,



"Ajoc, keretac bâtikierâ zikaonec bacnu rac, no biac zâpâ murucnuŋgopien hâcne." ³⁵ Eme 3oan ira zikazi boc qârâŋkewec â ŋicwofuŋ e ine keretac-ticnao dopeckehapie Siria ŋic honec-jopahuc ŋeku ŋafeme hâmwec. Ehame murumbiŋ irec soczi keretac rurumaŋko waha rahuc fowec. ³⁶ Ehame 3oan ŋetarazo eme momori jaŋerao wiwira moc ziguŋc fuawec: "Ajoc, ŋic sasawa hae mâreŋ-ŋeŋic sâc rafâreniŋ!"

³⁷ Eme ŋicwofuŋ e hâmome Samaria haeo bafisirâ duckembig. ³⁸ Ehuc keretac i Samaria haeo opâ zâkân fowec ira zurepie qâto jaŋe socticne apurumbiŋ. Ehame wâc sasec ŋokac jaŋe ijaha ruambiŋ. Wiac i Wofuŋzi dâŋ muwec irec sâcko fuawec. ³⁹ Eme Ahabazi wiac sasawa ebac ewec â fic erinehec bawec, erâ hae sasawa barawec irec binaŋ i Israe ŋicwofuŋ jaŋere Binaŋ Qâhâc papia qizecko qâreŋke-fârekicne. ⁴⁰ Eme Ahaba e apa ŋosafâcne jaŋerao zuhuckehuc hâmome ŋokâ-ticne Ahaziazi tucticne qarâ ŋicwofuŋ juwec.

Josafatazi ŋicwofuŋ juwec

(Bin II, 20: 31-37)

⁴¹ Ahaba e Israe ŋicwofuŋ jume jara jahec â jahec eha Asare ŋokâ Josafatazi fuŋkerâ Juda ŋicwofuŋ ewec. ⁴² Josafata e jara-ticne 35 bazurâ ŋicwofuŋ gie fuŋkewec, erâ Jerusalem haeo bahuc juhame jara 25 tarawec. E nenggoc-ticne i Silehire otâ, zâŋene Azuba. ⁴³ Josafata e mamac-ticne Asa erê kike hata bâjâpewec. Ehuc moc mi qâsorihuc Wofuŋte zâŋe faio wiac sasawa eme sâcke-fârewec. Erâ ine furu mâreŋ i mi bârârie-fârekicnere ŋic ŋokac jaŋe furu mâreŋko taha bâzi â hosâc âsu i rikehuc jumbiŋ jaha. ⁴⁴ Josafata e Israe ŋicwofuŋhec wama qaqac epic wâc.

⁴⁵ Josafatazi wiac sasawa ebac ewec â tâpiri-ticnere fuŋne jowatuwec â zika qawec irec binaŋ i Juda ŋicwofuŋ jaŋere Binaŋ Qâhâc papia qizecko qâreŋke-fârekicne. ⁴⁶ Mamac-ticnere dameŋko boe sau ŋic zanzaŋne jumbiŋ i jaŋe eki hâcne mâreŋ irecnec jâpec-jopawec.

⁴⁷ Edom mâreŋko ŋicwofuŋ moc mi juwec, ŋicwofuŋ mefâro-ticnezi sawa juwec. ⁴⁸ Eme Josafata e Tarasisi haeonec woke jaŋe Ofiri haeo rarâ gol ronigte sorec-jopawec. Erâ ine woke jaŋe Ezioŋ-Gebe haeo qanzaŋne-fârembigte mi rambiŋ. ⁴⁹ Eme Ahaba ŋokâ-ticne Ahaziazi Josafata kecziŋuc muhuc âzâcnewec: "Nore kiŋaŋ qaqafâc jaŋe sifu gore kiŋaŋ qaqafâc jaŋehuc wokeo ranzeŋpien." Iguc muhuc âzâcneme Josafata e dâŋ i manarâ mi afeckewec. ⁵⁰ Juku Josafata e apa ŋosafâcne jaŋerao zuhuckehuc hâmome jaŋe fombiŋkoa apa-ticne Dawidire hae qizecko duckembig. Ehame ŋokâ-ticne Joramzi tucticne qarâ ŋicwofuŋ juwec.

Ahaziazi ŋicwofuŋ juwec

⁵¹ Josafata Juda ŋicwofuŋ jume jara 17 eha Ahaba ŋokâ-ticne Ahaziazi fuŋkerâ ŋicwofuŋ ehuc Samaria haeo juwec. Ehuc jara jajahec Israe ŋic jaŋere ŋicwofuŋ juwec. ⁵² E nenggoc mamac jahec-ticne jahere kike hata bâjâpewec Wofuŋte zâŋe faio wiac mamakâcne ewec. Ehuc Nebate ŋokâ-ticne Jeroboamzi Israe ŋic ejareme hehesic bâfuambiŋ, hehesic i wâc bâjâpewec. ⁵³ Erâ Baali nemu kiŋaŋ qacnehuc dapecnewec. Ehuc mamac-ticnezi hata sasawa âtewec i bâjâpe-fârehuc Israere Wofuŋ Anutu kimben bâfuacnewec.